





1001







IOBVS  
Divinae Providentiae  
Theatrum

a  
R. P. HIEREMIA  
DREXELIO.



Antverpiæ.

Apud Vid. Ioann Cnobbari. A<sup>o</sup> 1655.

BIBLIOTHECA  
ROMANA  
VITTORIO EMANUELE





SERENISSIMO PRINCIPI  
ac

Domino Domino

**ALBERTO**

COMITI PALATINO RHE-  
NI, UTRIUSQUE BAVARIAE,  
& superioris Palatinatus Duci, Land-  
gravio in Leuchtenberg, Ele-  
ctoratus Boici Admini-  
stratori, &c.

**DOMINO CLEMEN-  
TISSIMO.**



Ducentis annis quot-  
quot Boici sanguinis He-  
roas legimus, cognomi-  
nes Tibi, princeps Sere-  
nissime; omnes legimus singulari  
aliqua virtute insignitos; vel enim  
à P I E T A T E, S A P I E N T I A V E  
celebres, vel certè præ pluribus a-  
liis M A G N A N I M I fuisse per-  
hibentur. Quæ nomenclaturæ ra-  
tio, ne in Serenitate Tua inter-  
rumpatur: A L B E R T U M: Te  
deinceps P A T I E N T E M saluta-  
bimus. Nam ut aliæ hujusce in-  
scriptionis causæ defint, instar  
(\* 2) plu-

# DEDICATIO.

plurimarum esse potest, quod  
subjicimus.

Societas nostra quindecim ab-  
hinc annis apud Serenitatem  
Tuam nomen contraxit, quod  
hactenus, cum dudum potuissē-  
mus, ex ignorantia tamen cessa-  
vimus expungere: & Patientia Se-  
renitatis Tuæ id ipsum urgere.  
P. Hieremias Drexelius, felicitis  
memoriæ, posteaquam varios u-  
triusque statûs Principes imperii,  
lucubrationibus suis devincire  
nobis conatus est; anno trigesimo  
octavo Tergeminis etiam Filiis  
Serenitatis Tuæ Aurifodinam a-  
peruit; in cujus dedicatione, hæc  
ferè in verba desiit præfari. *Ad Se-  
renissimi Parentis manus & genua  
scriptiorem aliam suo tempore li-  
tebit, spero, deponere. Et paulò  
post: Hoc animi non ingrati speci-  
men jam pridem exhibere debuissē  
primis benefactoribus nostris,  
eterna in Boicos Principes obser-  
vantia devinctus.*

En tibi, disertissimam Autho-  
ris



## DEDICATIO.

ris obligationem! At, ubi fides promissi? Scriptio illa alia ubi æret? quò devenit? Poterat vir bonus pro liberato haberi, eò quòd illo ipso anno, quo spem obsequii sui fecerat ad plures sit evocatus; nisi in parato reliquisset, unde Creditoribus fieri satis potuisset. Sena, septenave opusculorum ad prælum elaborata reliquit; quæ omnia Principibus viris deinceps consecrata sunt, præteritâ Serenitate Tuâ; quæ Sibi primas omnium absque ullius injuria, si non alio ex nomine, certè ex promissione vendicasset.

Sed *Patientiæ* id Tux debemus, ô Princeps, quòd interea temporis, neq; jus tuum rigidius exegeris; neque affectum Paternum in debitores, seu ignaros, seu obliviosos vel minimum immutaris: *Patientiæ* vix alio dignè scripto remunerandæ; quàm historiâ ipsius *Magistri Patientiæ*: Historiâ, inquam IOBI; quæ cùm sit partus omnium postremus, Au-  
( \* . 3 ) thori

## DEDICATIO.

thori morituro pro Beniamino,  
pro *filio* fuit *doloris*. Quem si Se-  
renitas Tua pro more suo *Patienter*  
dignata fuerit tollere, (Quæ  
proximum à primo merebatur)  
profectò nos beneficio sibi novo  
obstrinxerit, & suam Orbi nostro  
virtutem singulari hoc ~~facto~~ e-  
tiam atque etiam commendârit.  
Quamquam & isthuic, licet no-  
vissimo libello, sua non defuerit  
gratia, hoc ipso ex capite, quòd  
aliud, posteriorem se, non relin-  
quat; ut dici possit: Drexelium in  
officiis ALBERTI PATI-  
ENTIS scribere defuisse, aut  
scribendo defecisse. Vale, Prin-  
ceps Serenissime; & qui virtutem  
Jobi æmularis, faxit Deus, ejus-  
dem longævitatatem communi bo-  
no quoque imiteris. Neoburgi  
20. Apr. 1653.

Serenitati Tuæ

*Devotissimum*

Collegium Soc:  
JESU.

Ad

## Ad Lectorem.

**N**unc demum fidem suam exolverit P. Hieremias Drexelius, amice Lector, qui plura per P. Philippum Allegambe non promiserat, tametsi altero tanto plura, luce digna relinquat. Nam quidquid triginta opusculis accepisti, duntaxat illud est, quod per Adventum & Quadragesimam ab Anno 1616. ad annum 1633. usque dixit: reliquarum concionum, quas festis & Dominicis per annum diebus, spatio viginti trium annorum habuit, nihil omnino vidisti; neque spes est thesauri illius aliquando in lucem proferendi: eò quòd supplendum de alieno foret, quod illis duobus temporibus per libellos editos subtractum est. (Materias enim semel cœptas, præteritâ Evangeliorum explicatione, continuabat tam festis quàm profestis diebus, quoad illas ad calcem deduxisset.) Nemo autem facile, viri rēverentiâ, in se suscepit sufficere, quod desideratur; quando etiam artifices religionē ducti, neque prece pretiō adduci possunt, ut manum operi admoveant alieno: Non quilibet, tametsi vellet, cum decoro defectum suppleturus esset.

(\* 4) Dixe-

## Ad lectorem.

*Dixerim enim facilius esse, vulpinam  
adsuere Leoninae, quàm stylum stylo,  
conceptus conceptibus Drexelianis abs-  
que deformitate, notabilique discrimi-  
ne attemperare Proinde præsentibus  
contentus, amice Lector, fruerere;  
ac præter Funebria, (fortassis) quæ  
sibi à pluribus annis author ipse præ-  
raverat, & Piorum hominum vol-  
vuntur manibus, si superioribus pu-  
blicanda videbuntur; ulterius nihil  
expectes. Vale.*



# INDEX CAPITVM.

## Cap. I.

**O** Economia operis instituitur, e-  
jusque rationes adferuntur.

## Cap. II.

Quis librum hunc dictarit? quis scri-  
pserit? quo fine? quod argumen-  
tum illius?

## Cap. III.

Iobi Opulentia, Scientia & Digni-  
tas.

## Cap. IV.

Iobi encòmia continuantur; & Rex  
regum, Pius, Felix ac Fidelis de-  
monstratur.

## Cap. V.

Iob Sacerdos, Propheta & Martyr.  
Christi & Patientiæ Typus.

## Cap. VI.

Iob Sanctus ostenditur.

## Cap. VII.

Iob Calamitosus, sed Patiens exhi-  
betur.

## Cap. VIII.

Sententia in Iobum dicitur, & exe-  
cutioni datur.

### Cap. I X.

Quo animo secundum nuntium acceperit : nobisque perferendæ sint humanarum rerum jacturæ.

### Cap. X.

Tertius Iobi nuntius inducitur ; & impatientiâ mortalium fugillata Numinis providentia commendatur.

### Cap. XI.

Nuntius quartus liberorum interitum docet Iobum : Ille nos tolerantiam in funeribus amicorum.

### Cap. XII.

Generosissimus Iobi animus è triplici maximè dicto perspicitur.

### Cap. XIII.

Iobi virtus à Satana per calumniam elevata , ulterius exercenda datur.

### Cap. XIV.

Deus voluntatis suæ executores habet , tam bonos quam improbos spiritus : Iobi corpus satanæ committitur affligendum.

Cap.

Cap. XV.

Morborum syllabus, acrimonia & diuturnus describitur.

Cap. XVI.

Altera morborum dodecas, quibus Iob exercitatus est.

Cap. XVII.

Quomodo Iobus tandem à Palatio ad Fimetum usque, devenerit.

Cap. XVIII.

Ultimus à Diabolo, & validissimus aries admovetur Iobo, uxor: & generosissimè sustinetur, gloriosissimè triumphatur.

Cap. XIX.

Iob Beatus & non Elatus.

# INDEX RERUM.

## A.

<i>Actus amoris &amp; doloris.</i>	81.
<i>Adversitatis utilitas.</i>	147.
<i>Alter Hercules.</i>	250.
<i>Amor Civium. 82. liberorum.</i>	153.
<i>Vita.</i>	189.
<i>Angelorum Senatus.</i>	95.
<i>Athanasii æstimatio.</i>	176.

## B.

<i>Beneficium morbus.</i>	227.
---------------------------	------

## C.

<i>Catonis supellex.</i>	24.
<i>Causam quoties dixerit.</i>	103.
<i>Civium amor.</i>	82.
<i>Comædia est vita.</i>	11.
<i>Concio Campiani ex patibulo.</i>	11.
<i>Cultri in ventre.</i>	212.
<i>Cultus Dei in prosperis.</i>	100.
<i>Cura morientis Imp.</i>	11.

## D.

<i>Dæmon feles imitatur. 187. Vermes</i>	
<i>Iobi. 209. Nuntii Iob.</i>	110.
<i>Dei cultus in prosperis.</i>	100.
<i>Divitiæ noxiæ.</i>	34.

F. Feli-



# INDEX.

## F.

- Felicitas hominis in quo?* 75.  
*Fidelitas Iobi. 52. Attilii Reguli. 215.*  
*Fures Spiridion remuneratur. 145.*

## G.

- Gladius & liber Catonis cura. 24.*

## H.

- Hercules alter. 350.*  
*Historici facienda pro factis scribunt. 194.*  
*Hominis felicitas quæ? 75.*

## I.

- Ignorantia Pauli simplicis. 71.*  
*Impatientiæ 5. species. 137. Sutoris. 140.*  
*Imperatoris cura. II. Liber. 133.*  
*Iob opulentus. 33. doctus. 35. honoratus. 36. Rex Regum. 40. Pius. 46. Felix. 49. Fidelis. 52. Sacerdos. 58. Propheta. 63. Martyr. 64. Typus Christi & Patientiæ. 66. Sanctus. 76. major Abrahamo. 84. Magister patientiæ. 194.*  
*Indicium Cato quoties subierit. 103.*  
*L. Laza-*

# I N D E X.

## L.

<i>Lazarus Iobo felicior.</i>	239.
<i>Leetio Iobi utilissima.</i>	23.
<i>Liber Catonis. 24. Imp. natantis.</i>	133.
<i>Liberorum amor.</i>	153.
<i>Lingua Iob sola sana.</i>	200.
<i>Lorica militis.</i>	128.
<i>Luctus funerum moderatus sit.</i>	156.
	155.

## M.

<i>Maleficiū per cultros.</i>	212.
<i>Martyrium diuturnum.</i>	245. 246.
<i>Militis lorica solea.</i>	128.
<i>Morientis cura. II. luctus mortis moderatus sit.</i>	156.
<i>Morbus beneficium est. 227. incredibilis hydrops. 243. 244. oratione impetratur.</i>	227.
<i>Mundus cavea bestiarum est.</i>	199.
<i>eius vanitas.</i>	238.

## N.

<i>Natus Imperatoris.</i>	133.
<i>Nuntii Iobi demones.</i>	110.
<i>Nuptias Thales fugit.</i>	153.

## O.

<i>Oratio morbum impetrat.</i>	227.
--------------------------------	------

**P. Pa-**

# INDEX.

## P.

<i>Patientia Ezechiae.</i>	125.	<i>Elisabethæ.</i>	
	126.	<i>Stephan.</i>	129.
		<i>Spiridionis.</i>	
	145.	<i>Ethnicorum in luctu.</i>	154.
		<i>Attilii Reguli.</i>	215.
		<i>Ludolphi</i>	
		<i>Saxonis.</i>	226.
		<i>Polydamantis &amp;</i>	
		<i>aliorum.</i>	249.
		<i>Diogenis Imp.</i>	
			263. 264.
<i>Prosperitas.</i>			100.

## R.

<i>Robur Auli Iunii.</i>	117.	<i>Fusii Salvii</i>	
	162.	<i>Athenati.</i>	205.
		<i>Milonis.</i>	
			217.

## S.

<i>Saxenm Theatrum.</i>			16.
<i>Senatus Angelorum.</i>			95.
<i>Servitium gratuitum.</i>	53.	115.	116.
<i>Solea pro Lorica.</i>			128.
<i>Supellex Catonis.</i>			24.
<i>Sutoris impatientia.</i>			140.

## T.

<i>Tarquinius superbus.</i>			174.
<i>Tamerlanes.</i>			238.
<i>Theatrum Saxenm.</i>			16.

## V.

<i>Vanitas mundi.</i>			238.
<i>Venter cultris plenus.</i>			212.
<i>Vermes</i>			

# I N D E X.

<i>Vermes Iobi daemones.</i>	209.
<i>Victoriæ nuntius semimortuus.</i>	134.
<i>Vindicta sui ipsius.</i>	226.
<i>Vita comædia. II. amor vitæ.</i>	189.
<i>Vltio proprii sceleris.</i>	226.
<i>Utilitas aduersitatis. 147. lecti Iob.</i>	23.
<i>Vulnus vulnere expiatur.</i>	226.
<i>Vxor Iobi flagellum.</i>	250. 251.



# J O B U S

## DIVINÆ PROVIDENTIÆ THEATRUM.

### C A P U T I.

*Oeconomia operis instituitur, ejusque rationes  
adferuntur.*



Ecclesiastes Oribis, di-  
vinus Paulus de se ipso,  
ceterisque Domini se-  
ctatoribus : Spectacu-  
lum facti sumus, inquit,  
Mundo, Angelis & hominibus,  
a Ego, ait, & omnes imitatores Chri-  
sti, varios habemus spectatores,  
quadruplex ferè discrimine. Primi  
sunt homines improbi, Mundi asse-  
clæ & alumni qui non alio modo  
nos spectant, quam quo histriones,  
mimi, Gesticulatores, Bestiarij,  
Præstigiatores spectari solent, qui  
aut Theatrum recreant, aut cum be-  
stiis commissi Amphitheatrum exhi-  
arant. Alteri sunt Angeli omnesque  
ælitæ qui ex alto nostras intuentur  
uctas. Tertii sunt Diaboli, apostæ  
Angeli, qui nostris pascuntur mi-  
eriis, damnis & funeribus & supli-  
is nostris : quemadmodum beatæ

A

men-

a I Cor. 4. v. 9.



mentes nostro delectantur profectu,  
dolent jacturis, venerantur virtu-  
tem. Quarti spectatores sunt bonæ  
mentis homines, qui fortitudinis,  
fidei, mansuetudinis, patientiæ ac  
constantiae animantur exemplis. Er-  
go spectaculum, vel, ut Hierony-  
mus interpretatur, Theatrum facti-  
sumus, Mundo, Angelis, & hominib.

Princeps Hussæus Job, spectacu-  
lum admirandum, theatrum factus  
amplissimum Mundo, Angelis, ho-  
minibus, spectatores habuit pluri-  
mos, sed diversissimos: erant qui gra-  
tularentur illius calamitatibus, erant  
qui eisdem tristarentur. Ego ad istud  
spectaculi Lectores meos invitans  
cum Venusino vate pronuntio: *spe-*  
*ctatum admissi fletum teneatis amici.*

a Consensus & fletus in meditatione  
Christi cruciatuum affectus bonus  
est, sed non præcipuus: ita neque hic  
lacrimas solas poscimus, affectiones  
& animi motus quærimus nobiliores

Nos igitur solum recipiamus, &  
silentio spectemus mirabile, ter mi-  
rabile spectaculum; cui simile non vi-  
sum, non auditum unquam, ausim  
dice-

a Horat. l. de arte poet. v. 5. *Risum teneatis,*

# C A P U T I. 3

dicere, vix ulli credibile videri, in hac Jobi historiâ, tantum latere miri. Hic sanè dolores, tentationes, angores incredibiles. Non minus tamen incredibilis patientia, fortitudo & constantia fuit tolerantissimi Jobi. Spectaculum, sed & theatrum factus est Jobus. Agedum, mi optime Lector, istud tibi theatrum hoc capite depingam, tres illius primarias partes monstraturus. Ita primo velut aspectu. scriptionis ordinem licebit intueri.

Priscis Romanis versatilia erant theatra, ita libramentis, æquipondiis ac rotis facta, ut subito verti ac mutari potuerint; nam aliam induta faciem, quæ prius arboreta & silvas exhibebant, jam circumacta domos & urbes repræsentabant. Atque si spectatores antè habuissent ex adverso solem orientem, theatro verso haberent occidentem. Tota Jobi historia theatrum est versatile, jam opes, jam inopia, modò luctus, modò gaudia, nunc prosperitas, nunc calamitas extrema ceritur. Theatrum prorsus versatile, sed theatrum divinæ providentiæ.

Theatri hujus tres omnino partes assignamus :

*Prima est, Job Felix, & Continens.*

*Secunda, Job Calamitosus, & Patiens.*

*Tertia, Job Beatus, & non elatus.*

Hæc totius scriptionis partitio, hic ordo est. Et in primâ quidem parte Iobum Felicem, sed tamen Continentem ante oculos statuemus. Hic variam Jobi opulentiam, dignitates, encomia, inscriptiones & titulos explicabimus. Ordine dicetur, Job doctus; Job honoratus, Job sanctus, &c. His elogiis Felicitatem Jobi simul & Continentiam in lucem dabimus.

Parte verò alterâ exponendum quam subitâ mutatione Jobus è felici factus sit extremè calamitosus, pauper, inhonorus, undique & undique afflictissimus: Diabolus omnes crudelitatis suæ vires in eum exeruit, & omnibus eum suppliciis, modò vitam non eriperet, fatigavit.

In parte tertiâ Jobi virtutes referemus, singulas seorsim; addemus geminatam illius opulentiam, & omnia fenore amplissimo restituta. Post tot clades verè beatus fuit Iobus,



# C A P U T I.

5

bus, sed tamen non elatus, beatus inquam, fuit, rerum omnium affluentia eaque beatitudine, quæ extra beatitudinem cælestem esse potest. In Dei ac naturæ leges ita juravit, ut ab eis nec latum quidem unguem diversus abierit, neque cum optimè, neque cum pessimè haberet, tam prosperitatis quam calamitatis patiens. In utraque fortunâ Deo semper fidelissimus. Erat Job, ut vetus est verbum, omnium horarum homo, compositus ad omnes casus, vir in quovis loco paratus. & Erat Job notandi & natandi peritissimus. Prisci de homine ignaro & rudi dicebant; Notare non didicit, nec Natare scit; expers artium est, idcirco vilioribus occupandus. Jobus verissimè Notare didicit & Natare, disciplinarum liberalium & literarum insigniter gnarus. Sed & natator fuit scientissimus, hoc est, ærumnarum omnium fortissimus triumphator. Omnem Diaboli vim expunxit tolerando. Ita mare trajecit falsissimum natando, calamitatum omnium non solum

A 3

victor

a Ein Mann so in alle Sättel gerecht.

victor sed & calamitosorum præceptor ac doctor excellentissimus. Revera nemo sanus tam sanctis præceptionib. inbuerit ægrotum, atq; Job ægritudine multiplici & summâ oppressus tam sanos inbuit, quàm ægros.

Tres igitur partes, quod optimè notari velim, habet hæc historia.

1. Jobi Felicitatem & Continentiam. 2. Jobi Calamitates & Patientiam. 3. Jobi beatitudinem terrenam, & submissionem.

Hanc porrò historiam propriè vocemus Comico-Tragico-Comœdiam. Nam initium felix ac lætum; amœnissime cum Jobo lusit divina providentia. Sed medium fuit tristissimum, Tragoedia sanè horribilissima. Sed inde iterum nata est Comœdia lætissima, felicissimus rerum exitus; restituti liberi, facultates omnes duplò majores redditæ.

Videte ut theatrum hoc divina providentia versaverit, è læto in triste, sed rursus è tristi in lætissimum finem.

Hæc in antecessum probè cepisse plurimum spectatorem juverit. Sed, ut vel ipsis oculis fidem faciamus,

tri-

# C A P U T I.

7

triplex hoc theatrum penicillo h̄c  
efformamus.

Pars theatri prima meros habet  
hōrtos & amœna tempe: salientes  
in iis fonticuli, & docilium aqua-  
rum artificia. a Fidium ac vocum  
concentus, symphonia h̄c suavissi-  
ma, cultissimus h̄c paradisus.

Pars theatri altera quadruplicem  
offert picturam. 1. Flammantem  
Orcum Diabolis refertissimum.  
2. Mare furibundum præsentibus  
naufraigiis infame ac truculentum.  
3. Splendidæ domûs terribilem rui-  
nam. 4. Incendium flammis latè  
grassantibus horrendum.

Pars tertia theatri pictos habet  
triumphos, qui non flores solùm,  
sed & pecuniam spargunt, quibus  
lætissimum applaudit cælum, &  
ridentia favent sidera.

Quòd secunda pars theatri diver-  
sas quatuor picturas repræsentet, in-  
de est: Jobus quadruplex certamen  
subiit. Primum cum Satanâ & infero-  
rum copiis; res clara. Alterum cum  
conjugē, quam sævum mare designat.  
Tertium cum famulis, cum subditis,

A 4

cum

a Wasserwerck,



cum amicis colloquentibus , quos ruina domûs significat. Quartum cum Deo , qui ignis est comburens : Certe Iobus ipse de se : disputare , inquit , cum Deo cupio. *a*

Deinde in alterâ theatri parte quadruplex pictura quatuor illos mæstissimos commonstrat nuntios, quorum singuli gravissimè virum etiam cordatum potuissent percellere. Primus nunciabat boves & asinos omnes ab irruentibus Sabæis abactos & famulos occisos. Secundus vociferabatur omnes omnino oves , septem millia , de cælo fulminatas & consumptas. Vix iste finierat cùm advolavit tertius , qui Chaldaeos camelorum abactores Iobo deculit. Hunc excepit quartus qui liberos omnes in domo fratris natu maximi ruinâ nunciavit obritos. Hi nuntii tam luctuosi , vel virum ferreum in mærorem dare potuissent. At Iob incredibili pollens fortitudine , hæc omnia tam pacate tulit , ut omnibus his Nuntiis vix aliud responderit , quam illud generosissimum D E O G R A T I A S. Factus est

# C A P U T I.

est Iob spectaculum Mundo, Angelis, & hominibus.

Sed & alia est causa cur secundæ partis theatrum quadruplici picturâ insignierimus. Quandoquidem jacturam fecit quadruplicem.

Prima fuit bonorum ac opum omnium. Nam re familiari conminutus, facultatibus omnibus exutus est. Vix enim testulam ex omni suppellectile consecutus est quâ saniem abstergeret. Dura strigilis, & vicem spongiæ male functa!

Altera fuit honoris ac dignitatum. Nam cuius foliū prius pœne omnes adorabant, ille ipse demum in sineto compositus, amicorum calumniis lapidatus est. quem antea locis omnibus aut obvia excipiebat sella, aut comitabatur: eum jam hominum vilissimi, quorum Parentes Iob cum canibus suis non posuisset, a deridere ac conspuere non verebantur.

Tertia jactura fuit decem liberorum atque charorum omnium. Hic sanè dici potuit: Iob ante suam mortem decies est mortuus, sepultus decies in suis nimirum liberis. Iactu-

A 5

ram

a Iob. c. 30. v. 1, & 10.

ram amicorum gravissimè sentiens Iobus : Fratres meos, inquit, longè fecit à me, & noti mei quasi alieni recesserunt à me. Dereliquerunt me propinqui mei, & qui me noverant, obliti sunt mei. Inquilini domûs meæ, & ancillæ meæ sicut alienum habuerunt me, & quasi peregrinus fui in oculis eorum. Servum meum vocavi & non respondit, ore proprio deprecabar illum. Abominati sunt me quondam consiliarii mei, & quem maximè diligebam, averfatus est me. *a* Gravis pecuniæ jactura, gravior amicorum.

Quarta fuit valetudinis, nec enim uno tantum ulcere, aut simplici morbo laborabat; merum erat ulcus, & supra viginti distinctis, immedicabilibus morbis afflictabatur. Neque hoc pauculis hebdomadibus aut mensibus, sed annis compluribus durabat, annis omnino septem. Spectaculum Iob factus est Mundo, Angelis, & hominibus.

Nostram omnem vitam consideramus? In theatro semper agimus, dum vivimus. Spectatores Diabolos

Mun-

*a Iob. c. 19. v. 13. & seqq.*



Mundum, Angelos, probos improbosque homines habemus. In eo autem omnia sunt sita, non qualem personam quis agat, sed illam, quam nactus est, quam scite & cum decore repræsentet. Augustus Imperator moriturus, amicis & optimatibus morientis lectulum cingentibus: Satisne, inquit, commodè personam nostram in hoc theatro egimus? commodissimè, aiebant illi. Ergo, subjungit Cæsar, Valete & plaudite. Cum dicto lectuli cortinam obduxit, & non multò post vitæ suæ fabulam clausit. *a* Vetus Græcorum poetarum dictum est: *Scena, omnis vita est: & jocus.* Quod Latini dicunt: *Vita Mimæ.* Ludimus & ludimur. Demum omnes è Theatro ad silentiū domos discedimus.

Edmundus Campianus in Angliā ob religionem extremo supplicio affectus, cum jam fatales scalas insisteret; ad circumfusam plebem breviter perorans hoc ipsum de se usurpavit: Spectaculum facti sumus Mundò, Angelis & hominibus.

Ro-

*a Sueton. l. 2. de Aug. Octav.*

Romana vidua Paula, femina nobilissima, quod Hieronymus in ejus epitaphio testatur, fastum omnem exuit, voluptatum omnium illecebras valere jussit, & rebus humanis nuntium remisit, & facultates suas omnes in egenos dispertiit, admirabili exemplo. Hæc molientem Paulam si vafer aliquis politicus conspexisset, hoc illi utique consilium suggessisset: Amplissima Domina, hæc quidem nimium peregrina est sanctimonia, extra decori orbitam abimus: multi te dicent cum ratione furere; in rebus omnibus moderata placent. Eamus mediis & ibimus tutissimi, quid enim opus omnia omnino in egenos effundere? Serveamus quod prodest posteris, & rectius serviemus Christo: Hæc catus dixerit politicus. At Paula propositi tenax: Theatrum, inquit, facti sumus Deo, & Angelis, & hominibus. Nos stulti, sed propter Christum, siquidem quæ stulta sunt Mundi, elegit Deus, ut confundat sapientes, & infirma Mundi elegit Deus, ut confundat fortia; & ignobilia Mundi & contemptibilia elegit Deus, & ea quæ  
non



non sunt, ut ea quæ sunt, destrueret. *a* Hæc in Orbe sibi spectacula Deus excitat.

Sed & Christus ipse in cruentâ trabe spectaculum factus est Patri, Angelis, & Mundo. Expressè Lucas: Et omnis turba eorum, inquit, qui simul aderant ad spectaculum istud. *b* Ideò Christus Patrem alloquitur, & de se ipso testatur: Tanquam prodigium factus sum multis, & tu adiutor fortis. *c* Hinc tria elicimus menti altius defigenda.

Primum est, salutis cura, & in rebus agendis accuratio. Quivis ipse sibi dicat: Spectaculum factus sum Mundo, & Angelis, & hominibus. Quot enim oculorum centuriæ me unum respiciunt? Comoediarum actor, qui sapit, ita secum ratiocinatur: Tria quatuorve millia spectatorum aut etiam plures, tam gestum ac vocem, quam memoriam, & actionem meam observant rigidè, nec meri sunt sutores & cerdones, nec meri sectores lignarii aut fabri ferrarii, sed homines eruditi ac primarii, qui olim etiam egerunt, sciuntque quid.

quid actorem deceat. Attendendum ergo mihi, ne memoria me destituat, ne gestus dedeceat, ne displiceat actio univ[er]sa. Hoc actor sagax secum præmeditatur, & ad scenam se componit.

Actores sumus, quotquot in vivis sumus, & forsan brevî è theatro erit abeundum, hîc attentione opus & seriâ salutis curâ. Hanc supra modum Michæas ingerens: Indicabo, inquit, tibi ô homo, quid sit bonum, & quid Dominus requirat à te; utique facere iudicium, & diligere misericordiam, & sollicitum ambulare cum Deo tuo. Iudicio coercabis teipsum; misericordiâ completèris alterum; sollicitudine piâ placabis Deum. Attende tibi; innumeri & suprâ nos, & infrâ nos sunt oculi, qui actiones nostras arbitrantur, præter hos unus est oculus cernens omnia, etiam intima & secretissima. Spectaculum facti sumus.

Alterum hîc observandum, ab *Affectis Introversio*: vocatur, quæ hominem vagum compellit, ut in seipsum descendat, mores suos & vitam inspiciat, Deum in animo suo quærat & in-

& inveniatur. Romanus sapiens è Philosophi litteris: Hæc ego non multis, inquit, sed tibi; satis enim magnum alter alteri Theatrum sumus.

*a* Quilibet bonæ mentis homo omnem animum suum convertat ad Deum. Quod vates Hebræus Ioël imperans divino jussu: Convertimini ad me, inquit, in toto corde vestro, in jejunio, & in fletu, & in planctu. *b* Dicat quisque sibi: Ego theatrum sum Deo, & quidem magnum, me enim curat, perinde ac si me solum suscepit curandum; ergo & mihi sat magnum erit theatrum Deus; & ego illum, perinde vt meos oculos, vt cor meum, vt mea omnia curabo. Hæc illa beata est introversio, cum curis omnibus semotis Deo vacamus & nobis. Arcanum hoc & gaudiis plenum est theatrum in quo mutuis amoribus homini Deus, & homo spectaculum fit Deo.

Tertium est, *Animi ad bonum obfirmatio* Iustus Lipsius, de Amphitheatro differens: Juxta Doveanam, inquit, Amphitheatrum est ex vno eodemque

*a Seneca epist. 7.*

*b Ioel. 2. 12.*

eodemque faxeo monte. Nimirum rupes unica in Amphitheatri formam excisa stabat. Vidi ego ipse meis oculis theatrum grande artificiosum, pulchrum, admirandum unà cum faxeo cælo, quod copiosos etiam spectatores tegeret à pluviis, quæ omnia excisa è rupe unicâ. Talis rupes, theatrum tale Iob erat, quem nec aureæ fortunæ, nec calamitates summæ, nec gaudia nec luctus, nec valetudo nec morbus, nec homines nec Diaboli à cæptâ pietate ac patientiâ potuerunt avertere. Homo sincerè probus in faxeum tale theatrum format seipsum, ut fiat Mundo, Angelis, hominibus spectaculum. Cor humanum & voluntas ita se in Deo & amore honesti potest fundare, ut nulla vis inferorum hanc molem possit evertere. Hebræus rex David hoc fundamento nixus: Juravi, ait, & statui custodire judicia justitiæ tuæ. En virum faxeum, en caudem Marpesiam, quæ nullis fluctibus quæ turbinibus & tempestatibus nullis quæ nullis rerum adversarum incur-sibus cedat. Hoc Deo & Angelis spectaculum jucundissimum, vir bo-nus



nus cum mala fortunâ compositus, & victor. Talis reverâ Iob, spectaculum Mundo, Angelis, hominibus, Deo admirandum. Iobi spectatores frigidissimi sumus, nî simus & imitatores.

## CAPUT II.

*Quis librum hunc dictavit? quis scripserit? quo fine? quod argumentum illius?*

**J**OBUS calamitatum Oceano jam immersus; Quis, inquit, mihi tribuat, ut scribantur sermones mei? quis mihi det, ut exarentur in libro, stylo ferreo, & plumbi laminâ vel celte sculpantur in filice. *a* Priscis, res nota, ceratæ fuerant tabellæ, quibus utebantur ad scribendum, uti nos pugillaribus. Stylus pro calamo fuit. Hic unâ parte acuminatus ut characteres effingi possent, alterâ latus, ut possent deleri. Publica monumenta Plinio teste. *b* Laminis inscripta plumbeis. Scribebant etiam in linteo & foliis. Iobus in fimeto institutus.

B

rus.

*a Iob. c. 19. v. 23.*

*b Plin. l. 13. nat. hist. c. 11. Guido Pancirollus in Henric. Salmuth. tom. 2. tit. 13. mihi pag. 588.*



rus tablinum, pro libro quem editurus est in lucem, non linteum, non folia, non cortices, nec ceram admittit, sed vel pagellas plumbeas, aut saxeas poscit, in quibus celte, ferreo lapicidarum calamo rectè scribitur. Cupiebat igitur Iob librum in lucem dare, monumento qui esset posteris, sempiterno. Iure ac merito.

Impetravit hoc Iob. Certè liber, quem scripsit, à nemine lacerari poterit, quin alius sit superstes. Verbum Domini manet in æternum. *a* De hoc Iobi libro quæri possunt ista 1. Quis eum dictaverit. 2. Quis scriba & amanuensis fuerit. 3. Quò liber iste collineet. 4. Quodnam totius libri sit summarium. Vt ad quæstiones istas ritè respondeamus, suos huic Iobi scripto titulos perinde vt ipsi Iobo dabimus. Ita mi Lector, tantisper moram ne sentias, hæc præfari planè necessarium, dum ad ipsum Iobum veniamus, & primam theatri partem ingrediamur. Totus hic de Iobo liber quadraginta duo capita vniversè complectitur. Hinc primus illius titulus est :

I. *Prolixus liber.* Sunt in sacris oraculis libri qui certe breves videntur. Ruth & Ionæ historia quatuor solum habet capita. Tria tantum Ioëlis, Nahum, Abacuc, Sophoniæ, vaticinium. Aggæus duo tantum, Abdias tantum vnum continet caput, & tamen divinæ scriptiones istæ sunt libri. Liber igitur de Iobo prolixus est, ad illos alios comparatus. Sed num quadraginta duo capita scriptione hac explicabimus? Non sanè, sed tria dumtaxat: primum, secundum, & vltimum. Hæc enim omnem historiam Iobi Felicis, Calamitosi, iterumque felicitis complectuntur. Idcirco etiam tria hæc capita oratione solutâ sunt scripta, cetera ligatâ. Num Iobi versus idiomate Arabico scripti, sint Hexametri an elegi, nobis incertum.

Gregorius Nazianzenus, qui solus olim Theologi nomen sustinuit, minimum scripturæ sacræ apicem grano sinapis confert, quod minutum prorsus & gracile, cum autem creverit est arbor, quæ domos locet avibus. Ita sanè in divinis literis quævis vovula virium & succi plena, mordens

& igneum sinapi mysteriorum abundans penetrat, scindit, erudit, illuminat. Si ergo vocula vel unica mysteriis non caret, quantum in duobus & quadraginta capitibus erit mysteriorum? Hunc igitur Iobi librum meritò prolixum appellamus. Sed alterum apponimus titulum.

2. Obscurus liber, est Iobi historia ob Arabicam & Hebræam linguam. Veneranda quidem obscuritas in omnibus divinorum scriptorum monumentis est, in hoc Iobi libro maximè. Cùm reginæ Candaces quæstor, qui religiosum iter Hierosolyma instituerat. Isaiam vatem in curru legeret, Philippus Apostolus vi cælesti ad currum raptus: putasnè, inquit, intelligis quæ legis? Cui Æthiops ingenue respondens: Et quomodo possum, ait, si non aliquis ostenderit mihi? α In hac Jobi scripture plurimum obscuri, quod nemo satis intellexerit, nisi quis ostenderit ei, & tot, ænigmatū arcana explicaverit. Et quam illud abstrusæ indagationis est quòd homo patientissimus diem quo natus est tam impatienter

excrete-



execretur? Origenes sacrorum voluminum illustrissimus interpres. *a* Scriptura divina, inquit, est mundus intelligibilis, cuius quatuor sunt elementa, Terram Historia, Aquam Ethica & moralis sensus, Aerem physica, Ignem Theologia, & divinæ Majestatis contemplatio repræsentat.

Tertiò Liber Jobi Protocanonicus est. Nec enim solum inter divinos libros numerandus, ut ceteri, quos Canonicos vocamus, sed priores partes obtinet: hinc etiam Protocanonicus, uti Stephanus Protomartyr appellatur. Hinc sanè liber à Conciliis & priscis Patribus semper & ubique ut cælestis doctrina est cultus, ita ut nunquam jure dubitari potuerit, an in voluminum sacrorum numero sit habendus.

Sed duo quædam hic quæras; Quis librum hunc scripserit aut dictaverit? E dictis liquet, spiritu sancto dictante hæc scripta esse. Quis ergo amanuensis aut scriba? Iob ipse, qui hæc Arabicâ linguâ conscripsit. Quæ Moses cum in Arabiâ Pastorem

B 3

*a* Orig. c. I. IoannisBIBLIOTHECA  
ROMANA  
VATICANA  
EMANUELE

ageret, descripsit. & in Hebræam transtulit. Origines affirmat hunc librum Syrà, Ægyptiâ, Hebræâ, Græcâ, linguis pœne omnibus vulgatum. Hieronymus ad Paulinum ejus mentionem faciens Iob, inquit, exemplar patientiæ, quæ non mysteria suo sermone complectitur? Prosâ incipit, versu labitur, pedestri sermone finitur: Singula in eo verba plena sunt sensibus. Verosimillimum est à Mose primum, secundum & vltimum caput in ista scriptione appositum. Iobus igitur & Moses spiritui sancto à secretis fuerunt.

Quartò hic liber Iobi Evangeliiis proximus est. Differit de suppliciis impiorum, de piorum præmiis, de Dei sapientiâ, Majestate, potentiâ singulariter de providentia. Quædam tradit, quæ nullus Philosophorum liber. Docet etiam diversis argumentis tentationes & afflictiones ad vitam sanctiorem multum conducere. Hæc profectò Christiana Evangeliorum doctrina est. Ita beatus Petrus: Melius est, inquit, beneficientes (si voluntas Dei velit) pati quam malefacientes. Quia in hoc

vocati



am  
li.  
æ.  
m.  
us  
x.  
ia  
r-  
ie  
a  
a  
.  
.  
i  
vocatî estis. *a* Sed idem Iobi liber de  
Christi omniumque hominum ad  
vitam reditu clarissima prædicat.  
Cum Christus eo ipso die quo à cru-  
ce revixit peregrini habitum induif-  
set viæ comites severius objurgans.  
O stulti, ait, & tardi corde ad creden-  
dum in omnibus quæ locuti sunt  
Prophetæ.

*b* Quam parum scitis, ô mei, quam  
nihil creditis ! Nonne hæc oportuit  
pati Christum, & ita intrare in glo-  
riam suam. Hæc domini J E S U do-  
ctrina est, hoc Christum imitari est,  
per patientiam eluctari ad beatitudi-  
nem; furibundum hoc vitæ mare  
trajicere natando, & ita portum ob-  
tinere beatorum.

Quintò, hic Iobi liber omni se-  
xui, ætati, ordini, Christianis omni-  
bus ad formandos mores vtilissimus  
est. Beato Paulo teste: Quæcunque  
scripta sunt, ad nostram doctrinam  
scripta sunt, vt per patientiam & con-  
solationem scripturarum, spem ha-  
beamus. *c* Hæc Iobi scriptio, si vlla

B 4

è di-

*a* I. Petri c. 3. v. 17. & 19.*b* Laet. Ver.*c* Rom. c. 15. v. 4.

è divinis codicibus, generosam docet patientiam. Inde affirmavit Chrysostomus hunc librum, omni hominum statui, viris feminis, juvenibus senibus, opulentis pauperibus, Dominis servis, regibus mendicis, sanis ægrotis, lætis tristibus, afflictis felicibus prodesse plurimum. Ad hunc librum, ait, tanquam ad matrem quampiam, prolis amantem, & quovis loco manus tendentem, trepidantesque natos excipientem usque confugiamus.

*a* M. Cato natus minor, qui civile bellum repressurus Cæsari & Pompejo sese acerrimè opposuit, supremæ vitæ nocte, pro omni supellectile gladium & librum habuit, gladium ad lecticæ caput posuit, librum manu prehendit, legitque è Platone (is enim liber fuerat) Phædonem dialogum de immortalitate animæ. Eâ lectione sic inaruit ad vitæ contemptum, ut libro posito corripuerit gladium, eumque in pectus animosissimè adegerit. *b* Si Platonis Phædo  
tantos

*a* Chrysost. in catena.

*b* Seneca l. de provident. c. 2. Epist. 24. 1 pag. 429.

tantos Catoni animos potuit suggerere, cur sanguini Christiano liber Jobi non spem afferat; non animos augeat? Mei consilii est, ut cum res turbulentæ sunt & adversæ, legamus obsecro primum, secundum, & quadragesimum, secundum in lobo caput, & ausim promittere patientiam fore solito promptiorem.

Sextò, Jobi liber providentiæ divinæ summarium aut breviarium est. Hic varii sermones, colloquia, disputationes, quæ omnia eò collineant ut divinam in rebus omnibus providentiam agnoscamus. Hoc Jobi fundamentum fuit solidissimum, Dei providentiam nunquam errasse, nunquam erraturam, sed nec errare posse. Ideò Historiam hanc omnem divinæ providentiæ theatrum appellamus. Theatra Romæ Marcelli, Pompeii, Scauri à suis conditoribus nomen sortita sunt. Nostrium hoc Theatrum divinæ providentiæ sacrum est, quam rebus omnibus maximis minimis ita moderari ostendit, ut nec pilus quidem hominis tangatur, defluat, evellatur, pereat, quin divina providentia assensum præbeat.



beat. Historiam Eustachii Romani ducis admirandam suspicimus quod conjugem, liberos, facultates omnes perdidit, & perdita omnia recepit mirabili eventu. Sed historica hîc fides & humana. Iobum omnia perdidisse sed & omnia recepisse fide Theologicâ divinâ credimus, quia Deus dixit, Deus manifestavit. Auctoritas divina fidem nostram reddit securam. Sed antequam huic capiti coronidem addamus, falsæ ac deceptricis Dialecticæ specimen notemus.

Amici Job, viri sapientes, sed non cœlesti litteraturâ, pueriliter putabant bonis bene, malis malè res cedere; censuerunt enim Deum probis adesse semper plenâ manu, suavi benevolentia, prosperis rerum successibus. Hinc argumentis evincere conabantur Iobi sanctitatem esse larvatam, quando Deus illum repentè adeoque graviter percusserit & præcipitaverit. ô Dialecticam fallacem! ô Logicos imperitos & fatuos. In Dialecticâ Christianâ nulla est hæc cohæsiô: *Percussus à Deo, ergo improbus. Flagellatus, Præcipitatus à Deo*



*Deo ergo rejectus & abdicatus.* Pessima indoctissima connexio. Hæc bona, hæc erudita est: *Castigatus, Flagellatus à Deo ergo amicus ergo Filius Dei.* Sic argumentatur Magnus è Tarso Doctor: Flagellat autem omnem Filium quem recipit. *a* Vera Christi Dialectica ita docet: à Deo flagellatus, à Deo igitur amatus. Ipse Dei filius Christus Dominus an non à Deo percussus? Nos, inquit *b* Isaias, putavimus eum quasi leprosum & percussum à Deo. Ipse pater fatetur: propter scelus populi mei percussi eum.

*à Deo percussus, ergo non filius.* Conclusio indoctissima, Dialectica nulla est. Fundamentum amicorum Iob fuit, sed falsum, quod Eliphazus Themanites pronuntiavit: Quis unquam innocens periit? *c* Quis innocentior Dei Filio? percussit eum Pater. Quis innocentior Dei Matre? percussit eam. Quis innocentior Apostolis? Percussit illos. Quis prophetis? percussi sunt. Quis purpuratis

*a* Hebr. c. I 2. v. 6.

*b* Isa. c. 53. v. 4. & 8.

*c* Iob. c. 4. v. 7.

ratis Christi testibus : neque his par-  
sum est; primi omnium sunt percussi.  
Futurum hoc Zacharias prædicens:  
percutite Pastorem, inquit, & disper-  
gentur oves.<sup>a</sup> Ita Iobus suos amicos  
erudit, & rationibus eos convincit  
falsæ doctrinæ. Deus veluti disputa-  
tionis Præses ita rem componit, vt  
Iobum rectè sentire, ceteros errare  
doceat.

Itaque providentia divina in re-  
bus omnibus observanda, veneran-  
da, amplexanda. In animo semper  
hæreat Seraphini Firmani dictum :  
Nostra vita per singula rerum ac  
temporum momenta à Deo sic tem-  
peratur ac regitur, vt omnia in no-  
strum cedant bonum, si velimus.  
Quando igitur, ô Christiani, bene  
vobis est, à theatro providentiæ di-  
vinæ obsecro nec latum vnguem  
abite : meliores rerum successus à  
providentiâ divinâ provenire agno-  
scite, & gratias agite. Malè vobis est?  
Theatrum divinæ providentiæ, quæ-  
so, ne deserite, sed tristiores rerum  
eventus ab eâdem providentia im-  
mitti pariter agnoscite. Hominibus  
Diabolis,

a Zach. c. 13. v. 7.

Diabolis, ceterisque rebus creatis  
 Deus vt instrumentis vtitur; ipse  
 opifex hæc omnia sapientissime di-  
 sponit, potentissime facit. A Deo sunt  
 hæc omnia; (peccatum excipimus)  
 auctor omnium Deus, Dominus  
 dat, Dominus aufert; Dominus vul-  
 nerat, Dominus sanat; Dominus  
 ditat; Dominus depauperat. Hæc  
 exactissime in theatro divinæ provi-  
 dentia discenda. Hinc animi tran-  
 quillitas & alta quies, futuræ beati-  
 tudinis initium.

## C A P V T. III:

*Iobi Opulentia, Scientia & Dignitas.*

[ N Hispaniis ævo veteri Princeps  
 opulentus ac trium insularum po-  
 ens fuit. Ebusi vna, Baleares alteræ.  
 Hinc eum poëtæ tricorpoream finxe-  
 re, cui caput trigeminum, triplex  
 vultus, tres linguæ. Alii ajunt tres  
 fuisse Fratres nominis ejusdem adeo  
 concordēs, vt putarint vnā animā  
 in tribus habitare corporibus, tanta in-  
 ter eos concordia, tantus amor. Hinc  
 et per poëtarum chartas nomina-  
 vimus Geryon.

In

In divinæ providentiæ theatro Iobum vt tricorporem proposui. Hinc illa partitio : Iob felix & continens; Iob calamitosus & patiens; Iob beatus & non elatus. Structum est igitur theatrum. Agamus spectatores dum Iobus agit actorem; ad providentiam divinam singularissimè attendamus Actionis huius scopus est, divinæ providentiæ notitia.

Sed ante omnia suos Iobo titulos assignemus. Hic vir penitissimè nobis noscendus est. Nam tantò excellentior est illius patientia & æquanimitas, quantò major ejus opulentia, sublimior dignitas. Gravissima Iob tulit, & tamen patientiam non perdidit. Hunc mihi actorem cupidissimis oculis & auribus admittite. Iob felix & continens, in theatro primo, ad fontes, & ad modos musicos in hortis suam nobis & opulentiam simul & innocentiam probabit. Hussæi principis tres primi tituli sunt. *Iob opulentus, Iob doctus Iob honoratis simus.* De his hoc capite, prius tamen Iobi patriam, parentes, stirpem explicabimus.

Iob gente Idumæus. Hæc prima  
illius



illius laus, inter Arabas gentem incultissimam natum & educatum non vixisse ut populares & indigenæ consuerunt vivere. Stemma suum Iob duxit ab Esau, cui quinque nati sunt filij, inter quos & Rahuelem numeravit Zaræ patrem. Zara verò pater fuit Iobi. Ita Iob ab Esau abavo in virili stirpe quartus fuit. Porro Zara Iobi pater fuerat princeps de Bosrâ Idumæâ quæ Iobo patria.

Iob inter suos primogenitus, & natus maximus: hinc caput familiæ, & sacerdos, nam gemina hæc prærogativa primogeniti fuit, uti etiam in Iobi familiâ observatum. Quod autem Iob rex fuit, id à patre hæreditarium non accepit, sed terram Hus in Arabiâ seu Idumæa sitam suâ sibi virtute subjecit. Iob igitur Idumæus Arabs de Bosrâ. Sed verè multò sanctius vixit quam ejus populares. Hinc adeò laudatus à Deo, quia multitudinem & turbam vitiis innutritam non est secutus.

Natus est Iob anno ab Orbe condito, bis millesimo trecentesimo vigesimo octavo. Ante regem David quin-

quingentis quinquaginta; ante Christum regem mille septingentis viginti quinque annis. Ita divina providentia omni ævo viris sanctissimis ornavit Orbem velut fulcientibus columnis. Tales Melchisedech, Abraham, Isaac, Iacob, Iob, Moses; cum Mose Iobus vixit septuaginta quinque ferè annis. Quo quidem extremo tempore summis calamitatibus Iob iactabatur, cum enim annum ageret septuagesimum, à diabolo crudelissimè cœpit oppugnari.

Ergo Iob Idumæus, Arabs, secundus rex in regione Hus, successor Balac, vel Bala, qui Beor fuit filius, conjux Iobi Bosorra ex Arabiâ itidem oriunda. Hic cum beato Petro proclamare possim: In veritate comperi, quia non est personarum acceptor Deus: sed in omni gente, qui timet eum, & operatur iustitiam, acceptus est illi. *a* Quâ sententiâ dicit Augustinus: *b* Ne glorientur Iudæi: Nos semen & filii Abrahamæ sumus, in aliis etiam gentibus invenit Deus, quos probet & singulari favore complectatur.

*a* Actor. c. 10. v. 34. *b* Aug. l. 18. de civit. c. 47.

plectatur. Nunc Iobi titulos audiamus.

Primus: I O B O P U L E N T U S. Sacrae Historiae verba sunt. Et fuit possessio ejus septem millia ovium, & tria millia camelorum, quingenta quoque juga boum, & quingentae asinae, ac familia multanimis; eratque vir ille magnus inter omnes orientales. *a* Priscorum opes pleraeque in pecore. Hinc à pecude pecunia, cujus inscriptio & signum plerumque bos fuit aut ovis. *b* Verum Iob & auri dives. Nam monetæ usus jam erat, qui Abrahami ævo coepit; ille jus sepulturæ quadringentis siclis emit; cujus & vxor à rege Abimelecho mille argenteos accepit. De se ipso Iobus: Si putavi aurum, inquit, robur meum, & obrizo dixi, Fiducia mea. *c* Iobo velut à funere jam redivivo, Fratrum, Sororum, Cognatorum & amicorum, singuli pro se quisque vnam inaurem auream dederunt. Iob vere dives & opulentus sed divitiarum & opum maximarum verus contemptor. In-

C numerum

*a* Iob c. I. v. 3. & seqq. *b* Quod Varo notat. *c* Iob c. 31. v. 2.



numerum pœnè pecus , ampla pecunia , copiosum aurum Dei memoriam illi rapere non potuerunt. Hoc ceteroqui proprium sibi habent divitiarum, memoriam Dei subducunt. Hoc Isaias sanctè monens: Repleta est, inquit, terra ejus argento & auro, & non est finis thesaurorum ejus, & repleta est terra ejus idolis. *a* Plutus idolum Mundi maximum; non deest idolis spatium, vbi Pluti magnum est imperium. Plerumque satis est vitiorum, ubi satis est nummorum. Quod Moses luculentè docens: Incrassatus est, inquit, dilectus, & recalcitravit; incrassatus, impinguatus, dilatatus dereliquit Deum factorem suum. *b* Vbi copia rerum & abundantia, ibi plerumque pietatis inopia. Nam quemadmodum picturas ædium paullatim abolent & extinguunt pluviae, ita divitiarum amor quicquid in animo sensus est melioris delet. Radix omnium malorum cupiditas. *c* Iob opulentus, & tamen Deo non ingratus, non obliviosus justis.

*a* Isa. c. 2. v. 7. & 8.

*b* Deut. c. 32. v. 15.

*c* I Tim. c. 5. v. 15.



justitiæ cultor, non amator pietatis.  
frigidus.

Secundus Jobi titulus. IOB DO-  
CTUS, SAPIENS, FACUN-  
DUS. Et à scholis Iob eruditionem  
accepit & ab ærumnis. De doctrinâ  
Iob sublimi, Ambrosius: In tenta-  
tione, inquit, sanctus Iob mysteria  
loquitur. a Iob doctus, Iob poëta,  
Philosophus, Astrologus, Theolo-  
gus, Doctor gentium. Poëta est, si-  
quidem Hieronymo teste, à princi-  
pio vsque ad initium capitis tertii,  
prosa est oratio, vti & ultimum caput,  
reliquum Hexametris versibus con-  
stat. Iobum Philosophum Suidas ap-  
pellans: Habes, inquit, hujus Philo-  
sophi librum, multò & Homericâ &  
Platonica Luscinia cantitantem sua-  
vius. Sed Philosophus, etiam mo-  
ralis & ethicus est, de vitiis de virtu-  
tibus non minus nervose ac eleganter  
differit atque David, Salomon, Ec-  
clesiastes, Prophetæ. Astrologus est  
qui meteora, stellas & grande hoc æ-  
ris imperium eruditè prius depin-  
git. Origines etiam ventorum, gran-  
dinis, nimborum, frigoris, toni-

C 2.

trum,

a Ambros. in c. 4. Luce.

truum, fulgurum, nivis indagat. Nomina siderum metro complexus: Qui facit Arcturum, inquit, & Ori-  
 na, & Hyadas, & interiora Austri-  
 a Sed & Theologus est Iob, de Deo  
 divinaque natura differens. Quæ  
 non mysteria, inquit Hieronymus,  
 suo sermone complectitur? singula in  
 eo verba sensibus sunt plena. Iob  
 Doctor & Apostolus gentium est; li-  
 ber illius gentem humanam omnem,  
 & orbem universon erudit. De se  
 ipso Iobus: Principes, inquit, cessa-  
 bant loqui, & digitum superpone-  
 bant ori suo. Vocem suam cohibe-  
 bant duces, & lingua eorum gutturi  
 suo adhærebat. Auris audiens bea-  
 tificabat me, & oculus videns testi-  
 monium reddebat mihi.

b Tertius: IOBUS HONORA-  
 TISSIMUS non solum ob dignita-  
 tes, sed etiam scientias. Primam fe-  
 licitatem suam depingens Iobus:  
 Quando procedebam, inquit, ad  
 portam civitatis, & in plateâ cathe-  
 dram parabant mihi; Videbant me  
 juvenes & abscondebantur, & senes  
 assur-

a Iob. c. 9. v. 9.

b Iob c. 19. v. 9.

assurgentes stabant. Qui me audiebant, expectabant sententiam, & intenti tacebant ad consilium meum. Verbis meis addere nihil audebant, & super illos stillabat eloquium meum. Si quando ridebam ad eos, non credebant, & lux vultus mei non cadebat in terram. *a* Omnium oculi in Iobum flectebantur; volabat per ora virum. Opulentiam ipsius suspiciebant omnes, non minus tamen scientiam. Quam clarè de nativâ labe dixit: Quis potest facere mundum de immundo conceptum femine? *b* Quam apertè Christi Servatoris humanitatem elocutus: Scio, inquit, quòd redemptor meus vivit: Non Conditorem vocat sed redemptorem, & affirmat eum vivere qui manibus impiorum necandus erat. Ita Christum ante Christi natalem mille sexcentis quadraginta novem annis veluti Evangelicus orator proclamavit. Hæc talis doctrina opibus juncta honoratissimum fecerunt Iobum. Hinc inter omnes Orientales vir nominis maximi. Eliphastus

C 3

Thema-

*a Ibid. v. 7. 8. 21. & seqq.**b Iob c. 14. v. 4.*



Themanites, Iobi cognatus, in fortitudine brachii tui, ait, possidebas terram, & potentissimus obtinebas eam. *a* Hæc in antecessum necessario nobis scienda, ut eum tantò gravius præcipitatum, quantò antea magis exaltatum, & tantò illustriorem ipsius fuisse patientiam noverimus, quantò acerbiorum plagam.

Ergo Iob opulentus, Iob doctus, Iob honoratissimus. Iob verè dilatatus & impinguatus, & tamen non recalcitravit. Hoc sinceræ virtutis, hoc summæ laudis est. Potuit Iob transgredi, & non est transgressus; facere mala, & non fecit; ideo stabilita sunt bona illius in Domino. *b* Hæc germana virtus est. Exemplo id monstramus. Est quis paim sobrius & temperans; paupertas adigit, nec enim aliter potest; comessationes & lautiorum mensam non admittunt oculi: hunc esse intemperantem non finit marsupium. Alius amplæ fortunæ structissimam accumbit mensam, exquisita prorsus fercula eum invitant, ille tamen moderari scit

*a* Iob. c. 22. v. 8.

*b* Eccle. c. 3. v. 10.



scit gulæ, & genium fraudare cupitis; manum abstinet, & vix satisfacit fami. Hic revera sobrius est atque temperatus, potest transgredi & non transgreditur. Hæc vera virtus. Simili modo alius bonæ famæ, modestus est, ac frugi, quia procul est ab omni occasione; nihil oculis observatur quod alliciat ad peccandum. Laudandus hic, qui occasiones quas non habet, quærere posset; ideò certè laudandus: sed præ illo magis iste, qui paratissimas habet occasiones, & vbiq; obvias, allicitur, invitatur, rogatur, trahitur, frequentes ejus pudicitiaë struuntur insidiaë, & tamen ex oculis DEUM non dimittit, continet se se, & animum attollit cœlo, aitque ipse secum propitius sit mihi Deus, ne faciam rem hanc a nefariam. Hic verè pudicus, verè castus; hic verus Joseph, verus Iobus est. Potest transgredi, & non transgreditur, Hæc alta virtus.

Eodem sane modo fidus aliquis censetur & à furtis alienus; sed non adeò mirum hoc, nihil in pecunias

C 4

habet

a I. Reg. 4. v. 7.

habet imperii, nec vsquam occasio-  
nem invenit paratam. Laudemus  
hunc hominem & collectæ manûs  
dicamus. Sed ille alius laude multò  
dignior est qui claves habet plurimi  
auri custodes, qui monetam Domini  
non numeratam optimâ fide servat  
intactam, & ex eâ nec assen in suos  
oculos subducit. Posset transgredi,  
& non transgreditur, posset è segete  
tam optimâ spicas vel etiam manipu-  
los aliquot tutò sublegere, præser-  
tim cum alios complures id facere  
non nesciat, ille tamen nec quadran-  
tem sublegit, sed rem Domini sui cu-  
rat vt suam: Faciant alii, ait, quod  
volunt, ego tamen licet auri commo-  
liti farina fidei meæ committeretur,  
fidem non temerabo, & nec pulvis-  
culum inde auferam. Hic verè fidelis  
est. Servus qui potest facere mala, &  
non facit: Hæc germana virtus laude  
dignissima. Esse felicem, & esse ta-  
men continentem, Iobi miraculum.  
Quod imitari difficile non est vo-  
lenti.

*Continuantur Iobi encomia, & Rex  
Regum, Pius, Felix ac Fidelis  
demonstratur.*

**A**D divinæ providentiæ theatrum  
Sedemus, & primam actionis  
partem in viridariis, ad fontes amœ-  
nos & modos musicos spectamus.  
Hactenus omnia bene Iob felix &  
continens. Majorum imagines, Iobi  
patriam & stemmata explicavimus:  
Suos etiam huic viro titulos assigna-  
re cœpimus. 1. Iob opulentus tam  
pecore quam pecuniâ. 2. Iob do-  
ctus, poëta, Philosophus, Astrolo-  
gus, Theologus, Doct̃or gentium; sa-  
piens & facundus 3. Iob honora-  
tissimus, inter omnes Orientales  
Magnus. Etiamnum ridet cœlum;  
amœnus sol affulget liberalissimè;  
pax & serenitas aeris vndique; gloria  
& divitiæ in domo Jobi.

Ergo pergitur, & plures Iobo ti-  
tulos assignamus, & vna Hussæum  
hunc Satrapam non minus Conti-  
nentem quam felicem ostendimus.  
Proximo capite veræ virtutis indo-  
lem, isto veræ fidelitatis naturam in  
epilogum addemus.

Quar-

Quartus Iobi titulus; J O B R E X,  
 E T R E G U M R E X. Encomia-  
 stes facer Tobiaë pro testimonio di-  
 cens : Nam sicut beato Iob , inquit ,  
 insultabant Reges, ita isti parentes.  
*a* Si ergo cognati Iob reges fuerunt,  
 ipsum fuisse regem cur negemus,  
 quem inter omnes Orientales Ma-  
 gnum agnoscimus? De seipso Iobus:  
 Cumque sederem, inquit, quasi Rex  
 circumstante exercitu , eram tamen  
 mærentium consolator. *b* Hic ele-  
 mentorum scholas & Grammaticam  
 intergarrientem quiescere jubeamus.  
 Nam illa vocula , Quasi, regiae di-  
 gnitati nil demit. An non Ioannes  
 de cælesti summo rege dixit : Vidi-  
 mus gloriam ejus, gloriam quasi vni-  
 geniti à patre. *c* Verissimus fuit vni-  
 genitus, verbo illo nil minuente. In-  
 terpretes septuaginta Iobum aperte  
 Regem nominant, idque è Genesios  
 libro ita demonstrant : Reges qui  
 regnarunt in terrâ Edom , antequam  
 haberent Regem Filij Israel , fue-  
 runt hi : Bela Filius Beor &c. Mor-  
 tuus

*a* Tob. c. 2. v. 15.

*b* Iob. c. 29. v. 25.

*c* Iohan. c. 1.



Mortuus est autem Bela, & regnavit pro eo Jobab Filius Zaræ de Bosrâ.  
*a* Res liquida. Olympiodorus de eodem: successit quidem, inquit, Balaco Iobus in Regnum, sed nequaquam illius impietati successit, nam Abrahami fidem virtutemque imitatus est. *b* Iob non Hebræus, sed nec Ethnicus; DEU MAGNOVIT; Rex pietissimus fuit. Isidorus de circumstante Iobum exercitu, mentionem iniiciens: Tale quippiam, inquit, Iobum dixisse opinor, vel quod militibus legitimè præerat, & imperabat, vel quod terrorem latronibus inferebat, & legibus illos coercerebat.

Iob ergo regulorum aliorum Rex fuit. Non negem Ævo illo Regem appellatum, qui vni etiam civitati præfuisset. vti quinque civitates illæ Sodoma, Gomorrha, Adama, Seboim, Segor quinis Regibus parebant; sed civitates erant multum amplissimæ & pœnè provinciæ. Iob Regionem Hus, seu. Asitidem gubernabat, in quâ non solum Rex, & supremus

*a* Gen. c. 36. v. 33.

*b* Olympiod. in catenâ mihi p. 542.

premus Magistratus, sed regum aliorum Rex fuit, ad cuius tribunal omnes alii Reges provocarent. Hunc morem Palæstini Reges servarunt: Sapiientissimus ex eis & incorruptissimus ceterorum, Rex Regum fuit. Tales Melchisedech & Adonisedech. Idem in aliis nationibus est videre. Artabanus Parthorum Rex Magnus, & primus duo gessit diademata, vti Herodianus docet. Caligula Imperator hoc ipso Parthicos Reges titulo affecit. Rex Persarum Sapor, à Iulio Capitolino Rex Regum appellatur. Armeniorum regem. Tigranem, Regum Regem nominat Plutarchus: Ægyptiorum Reges Simander & Sesostris, teste Diodoro Siculo, in suo quisque epitaphio hoc sagistii nomen prætulit, Rex Regum.

Ita etiam Iob noster ob luculentas opes, singularem eruditionem, eximiam virtutem, Rex Regum indigetari meruit. Hinc & principes in ejus obsequiis occupati; cessabant loqui, & digitum superponebant ori suo: Vocem suam cohibebant duces, & locuturi Iobi reverentiâ. At verò  
pecus

pecus tam copiosum Iob ideò nume-  
ravit, quia divitias Ævo illo vivas,  
prædia, agros, pecora longè præfere-  
bant pecuniæ; Illa etenim fenus  
multò pariunt honestius quam pe-  
cunia: quæ vbi telluris gremio eje-  
cta est, crescere non potest amplius  
nec aliam sibi similem generare: nisi  
hos partus educet; lucrum cessans,  
dammum emergens, & quicquid ho-  
rum nominum honestiorum est.  
Usura verò honestissima, pecudes &  
agri. Dein etiam vivæ illæ, quas di-  
ximus, divitiæ plus recreationis ha-  
bent & voluptatis quam argentum  
factu, & nummi signati, mutui. Tunc  
certè gens humana, & Orbis veluti  
juvenescens, latioribus alebatur cu-  
ris: Nunc autem frigidus senescens.  
Mundus pecuniam clamat pecu-  
niam, pecuniam: veluti senes opes  
mortuas & sepultas amant, aurum  
centum clavibus custoditum aut ter-  
ræ defossum prono capite adorant.  
Hinc montes perfodimus & in Ma-  
tris nostræ viscera imus, vt avaritiæ  
humanæ pabulum extrahamus. Iob  
verè Regum Rex, hoc etiam nomine,  
quia sui victor & auri contemptor.

Quin-

Quintus Iobi titulus, I O B P I U S.  
 Iobi pietatem paucis exequemur.  
 Nam illius virtutes denarrabimus  
 singillatim. Profectò vir iste fuerit  
 verè pius, & vnus cum Paulo spiri-  
 tus. Generosè Pàulus: Libenter,  
 inquit, gloriabor in infirmitatibus  
 meis vt inhabiter in me virtus Chri-  
 sti, propter quod placeo mihi in in-  
 firmitatibus, in contumeliis, in ne-  
 cessitatibus, in persecutionibus, in  
 angustis pro Christo. *a* Ad eundem  
 pœnè modum Iob recensens suos  
 dolores & ærunnas maximas: Et  
 hæc, inquit, mihi sit consolatio, vt  
 affligens me dolore non parcat. *b*  
 Davidicus reverà & Paulinus spiri-  
 tus, qui in trepidâ manu amarissi-  
 mum mœroris calicemprehendit!  
 Iob affligitur, flagellatur, cæditur sæ-  
 vissimè; ille nihilominus hilaris can-  
 tat, & favorem ac solatium interpre-  
 tatur, affligi à Deo & flagellari. Ideo  
 illum Chrysostomus virum appellat  
 Euangelicum, qui suarum etiam co-  
 gitationum curam habuerit maxi-  
 mam. Neque solùm de suis, sed  
 etiam

*a* 1. Cor. c. 12. v. 9. & 10.

*b* Iob. c. 6. v. 10.



etiam de filiorum ac filiarum cogitationibus sollicitus: Ne fortè, ait, peccaverint filii mei, & benedixerint Deo in cordibus suis *a* Vapula hîc Vlpiane, vapula, qui ausus dicere: Cogitationis poenam nemo patitur. Non solum Christiani te lapidant, sed ipse Iob priuos in te lapides jecit, qui Deum cogitationibus graviter lædi docuit. Sua igitur ipsîs etiam cogitationibus constituta est poena.

Vbi autem sollicitudo & cure geritur, ne cogitationes sint impurae, fastuosæ, lividæ, libidinosæ, ibi domi suæ est pietas. Et inde Iob vir verè pientissimus. Qui insuper etiam Consurgens diluculo offerebat holocausta pro singulis. *b* In divinis litteris variè laudatur: Diluculo venire, manè vigilare, ante lucem, nocte consurgere. Hinc Cainus objurgatione duplici dignus, de quo Moyses: Factum est inquit, post multos dies, ut offerret Cain de fructibus terræ munera Domino. *c* Prima hîc

*a* Iob. c. I. v. 9.

*b* Ib. i. v. 5.

*c* Genes. c. 4. v. 3.

hic culpa; serò nimis obtulit, & nihil obtulit boni, sed solos terræ fructus. Vigilantior Iob & liberalior in Deum. Largior David & celerior. Manè, inquit, astabo tibi & videbo. *a* Excubabo primâ luce ad tabernaculum, ubi tu Deus tuam maximè præsentiam ostendis. Ad idem exhortatur Amos: offerte manè victimas vestras. *b* Quàm frequenter, ô Deus, vigilamus noctu, sed in aliorum & nostram perniciem. Est qui mediâ nocte aut summo manè vigilet, & partes in omnes verset animum, vt inimicis suis noceat. Alius totam poenè fortunam in nominibus habet, *c* hunc æris alieni magnitudo facit insomnem. Est qui attentissimus in lecto vigilet, sed vt in altum dignitatis gradum ascendat. Alium excitant insomnes curæ & negotiorum moles. Alii noctes poenè totas pervigilant vt liberos vel opificiis applicent, vel in studia mittant, vel nuptum collocent. Aliis res angusta domi somnos abrumpit, & dimidias

jube;

*a* Ps. 5. vers. 4.

*b* Amos cap. 4.

*c* Ist mehr schuldig als Er hat.

jubet vigilare noctes : Alii vigilant ut calices trahant , Chartulis pictis ludant, aut fritillum moveant. Multum ubique vigiliarum est, sed sæpe noxiarum. Pauci qui vigilant & orant. Hoc robustæ pietatis est. Jobus in hac classe ; qui diluculo surgens offerebat holocausta singulis diebus Job Pius

Sextus: J O B F E L I X. Romanorum Cæsarum, ut inscriptiones & monetæ veteres testantur, hoc maxime prænomen fuit, *Pius, Felix, Augustus*. Si ullus unquam maximorum principum hoc encomio gloriaripotuit, id certè Rex Hussæus omni jure sibi vendicavit. Job pius, felix. Decem Jobo liberi fuerunt, filiæ tres, septem filii optimè instituti, moribus probi, in spem maximam nati, tam cum parentibus quam inter se concordia conjunctissimi. Mutuo huic amori firmando quotidiana sibi convivia, sed veteri putem frugalitate, instruebant. Ibant hæc in orbem, ita quidem, ut si maximus natus frater cæpisset die solis ; natus minimus hunc convivalem circulum ultimo hebdomadis die clauderet : suū quis-

D

que

que diem noverat, quo tres sorores  
& sex Fratres in sua domo convivias  
exciperet. Ne miremur; opibus  
abundabant, nec ad nostri ævi lu-  
xum convivia parabant; colloquio-  
rum potius suavitate, quam pretio &  
raritate ferculorum placebantur. Ge-  
nialis eorum mensa amorem mu-  
tuum fovebat.

Job felix, felicissimus. Sciverat  
hæc cacadæmon, ea propter invidus  
& in accusationem exardescens, ut  
Jobi sanctitatem extenuaret: Non-  
ne tu vallasti eum, inquit, ac do-  
mum ejus, universamquæ substan-  
tiam ejus per circuitum: operibus  
manuum ejus benedixisti, & posses-  
sio ejus crevit in terrâ. *a* Ubique be-  
ne est Iobo; domi, ruri, in ære, in pe-  
core, in liberis, in familiâ, in omni-  
bus negotiis, quicquid actionum su-  
scipit, prosperè feliciterquæ conficit.  
De tali psalter canit: Omnia quæ-  
cunque faciet, prosperabuntur. *b* De  
Iobo prædictum videri potest. Bene-  
dictus tu in civitate, & benedictus  
fructus ventris tui, & fructus terræ  
tuæ,

*a* Job: c. i. v. 10.

*b* Ps: i. v. 3.



tuæ, fructusque jumentorum tuorum, & caulæ ovium tuarum. Benedicta horrea tua, & benedictæ reliquię tuæ. Benedictus eris ingrediens & egrediens. Emitteret Dominus benedictionem super cellaria tua, & super omnia opera manuum tuarum: benedicetque tibi in terra quam acceperis. *a* Ita Iob justus & sanctus velut arbor ad aquas divinæ voluntatis, providentiæ ac benedictionis erat consita, omnia quæcunque fecerat, prosperabantur, ipsa eum adversa juvabant. Canit Rex Psalmographus: Quoniam non cognovi litteraturam, introibo in potentias Domini. *b* Interprete Augustino & Arnobio: Quoniam, inquit negotiationem seu rationem tractandorum negotiorum non calleo, me totum, quantus quantus sum, Dei potentiæ, sapientiæ, ac providentiæ committam. Hic verus est in Domini potentias ingressus, hîc tuta prosperitas, hîc sancta felicitas. Hæc Iobi fuerat inter mortales beatitudo. Iob felix, sed continens.

D 2

Septi-

*a* Deut. c. 28. v. 5. & seqq.*b* Ps. 70. v. 15.

Septimus Jobi titulus, J O B F I-  
D E L I S. Diabolus in arcano Ange-  
lorum concilio Jobi sanctimoniam  
vehementer extenuans : Numquid  
Job, ait, frustra timet Deum? a Deus  
illi annuit ad omnia ; quicquid ob-  
sequii Deo præstat, non gratis præ-  
stat, maximo id lucro facit; illius san-  
ctimoniam census pinguissimi alunt:  
urat eum egestas, mox evanescet  
omnis ista sanctitas. Iob mercena-  
rius est, qui non laborat, nisi merce-  
dem accipiat: Iob ollaris amicus est,  
dum plena est olla, durat amicitia.  
tolle ollam, & unâ sustuleris amici-  
tiam. Hæ Diaboli calumniæ in Io-  
bum cudebantur: Sed Iobi sincera  
in Deum fidelitas eximiè hîc enituit.  
Ollaris certè amicus Dei non fuit.  
Notum ; quando complures schola-  
stici pauperes è ditiori domo cibo-  
rum reliquias accipiunt, ad unam ol-  
lam veluti Fratres conjurant : Hæc  
autem Fraternitas non longioris  
quam olla, fati est; ollâ cessante ces-  
sat Fraternitas: sic amici ollares tam-  
diu blandiuntur, quamdiu lautè pa-  
scuntur ; tolle pabulum & perdidisti  
ami-

amicum. Quod Tullius præclare tradens : Non erit ista amicitia , inquit , sed mercatura utilitatum suarum. Qui enim non ipso honesto movemur , ut boni viri simus , sed utilitate aliquâ atque fructu , callidi sumus non boni. *a* Amicorum verè fidelium magna raritas.

Hinc illa in divinis litteris tam honorifica fidelis servi compellatio : euge serve bone & fidelis. *b* Et : Quis putas est fidelis servus & prudens ? *c* Gratuitus Dei cultor , non mercenarius , non mercator. Multi Deo serviunt , quamdiu solatii aliquid à Deo accipiunt , dum sensilis devotionis saccharum & aqua rosacea instillatur pectori , cum subtrahitur hoc saccharatum , languet servitium , cessat omne obsequium. Quid faciemus , ajunt , non sapit oratio , non sapit lectio ; nullus gustulus , nihil solatii , cor aridissimum , omnia merum absynthium. Quis hac legè serviat ? Ita suum Deo

D 3

famula-

*a* Cicero l. i. de nat. Deor. & l. i. de legibus.

*b* Matth. 25. v. 23.

*c* Matth. c. 24. v. 45.



famulatum renunciant, excussuri  
servitutis jugum. O Servos, sed non  
prudentes, non fideles! Longè aliū  
se Jobus præstitit. Multa millia pe-  
coris armentalis ei erepta, & tamen  
Deo servitium non obnuntiavit.  
Decem illius liberi collapsis ædi-  
bus extincti, & tamen fidelis Deo  
servus perstitit. Omnes ei opes,  
honores adempti omnes, Deo ta-  
men servire non desit. Ipsa ei sub-  
tracta valetudo, & vita morte mi-  
serior relictæ, ipse tamen suam in  
Deum fidelitatem perseveravit. En  
Dei servum verè fidelissimum? Bella-  
riorum quædam melle condiuntur &  
macerantur; hæc quamdiu mellis  
societatem habent, facillimè velut  
recentia conservantur; cum extra  
mellis suum sunt, putida fiunt & cor-  
rumpuntur. Ita frigidi & delicatio-  
res Christiani quamdiu successu re-  
rum & solatiis non destituuntur,  
dum lingere mel cæleste possunt,  
Dei servos se gerunt; cum verò hi  
mellis linctus subducuntur, cum  
mentis ariditas & rerum adversarum  
cumulus premit, heu! & animum &  
vultum contrahunt, non jam fideles  
servi,



fervi, sed queruli & impatientes adversarii, vel certè ollares amici, quorum fidelitas nulla est, quam primum vacua olla est. O ignava mancipia! Non tales ambit servos Deus, quos semper melle perfundat, & Saccharato pascat; non vult infantes quibus assidue lac immulgeat. Ideò Paulus nonnullis opprobans: Facti estis, inquit, imbecilles ad audiendum, & facti estis quibus lacte opus sit, non solido cibo. *a* Amicorum aut servorum fidelitas non felicitate ac gaudiis probatur, sed calamitate atque adversis.

Græci, Xenophonte teste, *b* mortuos quandoque sepeliebant melle, ut diu defendi possent à putredine. O miseros & ô mortuos Christianos, qui nolunt vivere, nisi melle natent. Non semper oleum, ô boni, non semper mel, non semper aqua rosacea: sæpe Deus aquam marinam aut lixivium, aut etiam chrysulcam *c* adhibet ut suos probet & lavet. Hic se se prodit fidelitas,

D 4

quæ

*a* Hebr: c. 5. v. 11. & 12.

*b* Xenoph: l. rer. Græc.

*c* Schaidwasser.

quæ si vera est, etiam tolerans est, & adversis omnibus superior. Iob non solum aquâ falsâ & lixivio, sed etiam chrysulcâ merfus, & probe lotus, fidelis tamen perstitit & obsequiosus.

Tres Hebræi regię stirpis juvenes regi Nabuchodonosori in os obijciunt: Ecce Deus noster quem colimus, potest eripere nos de camino ignis ardentis: quòd si noluerit, notum sit tibi Rex, quia Deos tuos non colimus. *a* Ita nostrum quisque dixerit: Ditare me potest Deus, & ad honores extollere; quòd si noluerit, ei nihilominus serviam: solatia mihi potest instillare Deus, & devotionis medullam dare; quòd si noluerit, nihilominus ei fideliter serviam: potest Deus suavissimam in cor meum tranquillitatem infundere; quòd si noluerit, notum sit tibi, Munde; notum tibi sit, ô Caro & Diabole, quia Deos vestros non colo. Fidelis & gratuitus Dei cultor persistam, quicquid me fiat. Impensis meis Deo serviam, quamdiu illi placuerit. Nunc quidem in amaras afflictionis aquas excu-

excutor, sed ut natum discam sine cortice. Mihi dictum censebo :

*Simul ac duraverit ætas  
Membra animumque tuum, nabis sine  
cortice.*

Talis Iob, tales sunt veri amici Iob, tales & amici Christi, quorum quisque sibi dictum novit: Esto fidelis usque ad mortem, & dabo tibi coronam vitæ. a Iob pæne ultra mortem fidelissimus permansit, & certè coronam non futuræ solum sed & præsentis vitæ accepit.

a Apocal. c. 2. v. 10.

## CAPUT V.

*Iob Sacerdos, Propheta & Martyr  
Christi & Patientiæ Typus.*

**I**N divinæ providentiæ theatro, mi Lector, spectasti hactenus Jobum Opulentum, Doctum, Honoratissimum, Regem, Pium, Felicem, Fidelem. Vidisti etiã non minus Continentem quam Felicem, qui fortu-

nam venientem ita novit excipere, ut sciret etiam abire posse, qui dies bonos eodem vultu tolerare didicit quo malos, vir aptus natus ad omne virtutis votum. Nec minus parum diximus, plura restant encomia, sanctiora supersunt nomina. Iob etiam Sacerdos, Iob Propheta, Iob Martyr, Iob Christi & patientiæ typus. Hos Iobo titulos hoc capite assignabimus; unâ etiam ostendemus, quæ vera Christianorum Prophetia, quæ vera sit patientia.

Octavus Iobi titulus, J O B S A C E R D O S. Job inter germanos Fratres primogenitus, & natu maximus, alioqui nec in sacerdotem nec in regem inaugurandus. Primogenito Fratri sceptrum debebatur & Sacerdotium, quod in Abrahami quoque familiâ servatum diximus. Jacob in fatali lectulo fatiscens, circumstantibus filiis: Ruben, ait, primogenitus meus prior in dōnis, major in imperio. <sup>a</sup> Hinc pultiplagus Esau prærogativæ suæ negligentissimus, tam sceptri quam Sacerdotii jus amplissimum, fatua prorsus temeritate cum

len-

<sup>a</sup> Gen. c. 49. v. 2.



lenticulæ pulmento commutavit. Reges olim Sacerdotes. Melchisedech Rex Salem, & Sacerdos Dei altissimi. Sic etiam Imperatores Romani simul & Pontifices fuerunt. Ea deinde dignitas transiit ad patricios. Gaiba Imperator, si Suetonio credimus, triplex habuit Sacerdotium. Apud Græcos etiam, & Ægyptios, iidem Sacerdotes qui Reges. Hinc Ieroboamus ingens patravit piaculum, qui, ut Regum fasti memorant, fecit de novissimis populi Sacerdotes excelsorum: quicunque volebat, implebat manum & fiebat Sacerdos. *a*

Iob summum studium in Sacerdotio suo collocabat. Historiæ sacræ testimonium istud est: Cumque in orbem transissent dies convivii, mittebat ad eos, *b* & sanctificabat; confurgensque diluculo offerebat holocausta pro singulis. *Sanctificabat* Parens Sacerdos liberos, ut puri sacris interessent. Nimirum vir optimus, non vanè sollicitus fuit, ne filii & filiæ inter epulas & colloquia pec-

*a* 3. Reg. c. 13. v. 33.

*b* Liberos suos.

peccati labem contraxissent; lautio-  
rem mensam accumbere, & gulâ non  
excedere; multum fabulari; & linguâ  
non delinquere, nimis quàm rarum.  
Ergo Iob liberi his nævis purgandi  
erant antequam sacra obirent. Hoc  
in Apôlogetico suo Tertullianus  
ethnicis ulitatissimum affirmat. Hinc  
illæ voces. *Procul hinc, procul este  
profani*, Samuel Bethlehemi victi-  
mas oblaturus : Sanctificavit Isai,  
& filios ejus, & vocavit eos ad sacri-  
ficium. *a* Mi Deus, nos quotidie non  
ovium aut taurorum victimis, sed  
sacris intersumus purissimis, & quo-  
modo sanctificamur accessuri ! ubi  
post flagitia sincerus de peccatis do-  
lor, ubi firmum animi decretum non  
repetendi noxas ? In templa irru-  
mus profani, nonnunquam etiam  
ebrii, aut à recenti libidine conta-  
minati divinos oculos subire non ve-  
remur. Hic Samuelis voces usur-  
pandæ forent. Sanctificamini, & ve-  
nite mecum ut immolem. Ita Iob  
Sacerdos sanctificabat sobolem ad  
sacrificia ituram, & offerebat holo-  
causta

*causa pro singulis. a* nimirum victimam singularem unam pro singulis. Interpretes septuaginta significant fuisse vitulos. Ita quovis sacrificio pro decem liberis decem immolabantur vituli. Illud etiam observandum. Etiam si Iobus liberorum circularia convivia tulerit, propagandæ inter suos concordiae causâ, ipse tamen ea non accessit. Iob Sacerdotio dignissimus.

Nam & liberos suos sanctè educavit & omnem familiam ad mores probos formavit. Optimus hic Pater nihil inverecundi aut fœdi, nihil insulsi, nil degeneris in suis pignoribus deprehendit. Pudica verba, honestæ actiones, omnia ad integritatem & innocentiam composita: Nihilominus vigilans ac sollicitus Pater, ad interiorem hominis statum, & ad ipsas suorum cogitationes attentus: Ne fortè, inquit, peccaverint filii mei, & benedixerint Deo in cordibus suis. Interpretes septuaginta his verbis utuntur: Ne fortè filii mei in mente suâ cogitaverint mala erga Deū. Non  
verec-

verebatur Iob ne liberi sui *benedicerent*, sive, ut interpretantur aliqui, verba impia in Deum jacerent; hoc sanè non timuit; sanctiùs eos instruxerat, sed suspicari poterat & subvereri, ne forsan illi sese insolentiùs efferrent, & sua stemmata, suas divitias, honores suos ac titulos jactantiùs prædicarent, & quod post convivia fieri amat, jam saturi parum gratiarum Deo agerent. Hebræis præcepta erat gratiarum actio post mensam. Ita Moses Dei loco imperans: Cum comederis, inquit, & satiatus fueris, benedicas Domino Deo tuo. *a* sunt qui conditori referant gratias, sed ingratas; nam, uti Zacharias vates testatur, ubi satis egerint prædarum, ne ingrati videantur, dicunt: Benedictus Dominus, divites facti sumus. *b* Ita Iob formidabat, ne fortè sui liberi Deo gratias parum gratas egerint, ne forsan aliquas noxarum sordes contraxerint cogitationibus non laudandis. Videte quam hic externus princeps & optimus

Sacer-

*a* Deut. c. 8. v. 10.

*b* Zach. c. II. v. 5.



Sacerdos ipsa etiam interiora curet. Malum est in orbe latè patentissimum, exterioribus occupari, potiora & quæ animi sunt negligere, decimare mentam & anethum, & cuminum, & relinquere quæ graviora sunt legis, iudicium, & misericordiam, & fidem. *a* Ita calicem colamus & glutinus camelum; mundamus quod deforis est calicis & paropsidis, immunditiam interiorem non tanti æstimamus. Pharisei cæci! mundandum prius, quod intus est calicis & paropsidis. Iobo Sacerdoti curæ est, ne filii sui in cordibus suis Deum offenderint.

Nonus titulus: IOB PROPHEETA. Augustinus hoc eum nomine dignatus: similiter, inquit, & Iob prædicat, eximius Prophetarum. In carne meâ videbo Deum. Quod de illo tempore prophetavit, quando Christi Deitas habitu nostræ carnis induta est. *b* Hieronymus hoc idem vaticinii donum illi

*a* Matth. c. 23. v. 23.

*b* Aug: tomo. 10. serm: 2. de Nativ: qui est serm: 6. de temp.

illi tribuens in ista Iobi verba : Scio quòd redemptor meus vivit, & in novissimo die de terrâ surrecturus sum. Quid hac prophetiâ, inquit, manifestius ? Nullus tam apertè post Christum de resurrectione loquitur. *a* Pari animò Gregorius Iobum Prophetam dicit. *b* Martyrologium tam Romanum quam Græcum prophetæ nomine Iobum honorat. Non autem vaticinatus est Iob, uti Isaias & Ezechiel : ideò illis non annumeratur, sed ut Moses & David. Eam etiam ob causam apud suos interpretes sacrorum & Ecclesiastes fuit. Hoc genus officii Paulus explicans : Nam qui prophetat, ait, hominibus loquitur ad ædificationem, & exhortationem, & consolationem. *c* Iob igitur Propheta.

Decimus titulus : I O B M A R T Y R. Theologi de martyrio differentes, ad obtinendam martyrii palmam sufficere ajunt letaliter sauciari ob Christum, & ob fidem.

*a Hieron: tomo 2. ad Panmach. post med.*

*b Greg: l. 17. mor. c. 1.*

*c 1 Cor: c. 14. v. 3.*

fidem. Et rectè Chrysostomus : Patientia est, inquit, quæ martyres facit, *a* Videbis, mi lector, letalissimè sauciatur, in doloribus summis ab omnibus desertum, non irasci, non maledicere, non verba impia proferre. Hoc martyrem facit. Quod Chrysostomus stylo uberiore executus : Job multis martyribus, inquit, acerbiora passus, per omnia rerum genera luctatus palmam obtinebat. Ecquem igitur martyrem hic non æquet ? imò verò sexcentos. Ob eam causam à me dictum est. eum non uni aut tribus sed sexcentis martyribus æquandum esse. *b* Optimè dixit Augustinus. Non poena, sed causa facit martyrem, Neutrum hic deest ; poena gravissima, causa optima. Quod autem martyri tyrannus, hoc erat Iobo Diabolus. Exempli gratia : Laurentium instigans Decius : Aut nega Christum, aiebat, aut morere. Nunquid & Iobi uxor pæne idem ingerit ? Benedic Deo, & morere

E

Illic

*a* Chrys. in Pf. v. 27.

*b* Chrys. hom. 1. in 2. Cor. c. 1. & ho. 25. ad pop.



Illic ex ore Cæsaris loquebatur dæmon, hîc ex ore mulieris: Ibi Tyrannus voluit negari Christum, hîc Diabolus voluit maledici Deum. Ut ergo impiæ in Deum voces extorquerentur à Iobo, omnes inferiorum machinæ in unum Iobi caput conjurarunt. Ideò Chrysostomus audacter: Date veniam, inquit, liberè loquenti: Si non fuit major Apostollis beatissimus ille Job; certè non minor, meo iudicio fuit. Et ratio sit: Singulari solatio ac robori fuit Apostolis, pati ob Christum, qui suis id toties instillabat; propter nomen meum, propter Filium hominis. Hac consolatione Iobus carebat, nihilominus ut Martyr constantissimus, agebat.

Undecimus titulus *Iob Christi & patientiæ typus*. De patientiâ nos infra suo loco. De typo Servatoris hîc sermo: Si ullus in lege prisca Christum, patientiam, mortem, reditum ad vitam luculentè adumbravit, Job id eximiè præstitit patiundo. Audi Tirinum nostrum recens editum, omnia in pugnum contrahentem, quibus in rebus Iob figura



figura & typus fuerit Christi. 1. Iob fuit Rex Idumææ; Christus Rex cæli & terræ. 2. Iob excidit omnibus bonis & opibus suis. Christus omnibus etiam vestibus exutus nudus pependit in Cruce. 3. Iob filiis simul omnibus & filiabus unâ horâ privatus fuit: Christum captum omnes ejus Apostoli deseruerunt. 4. Job omnes penè morborum & dolorum species sustinuit, ulcerosus à capite usque ad talos: Christi totum Corpus flagris confisum; manus, pedes clavis; caput, spinis confossum fuit, & omnia membra doloribus acerbissimis excruciatâ. 5. Job in animo sensit ingentem mœrorem, tædium, scrupulos, anxietates: Christus in horto cæpit pavere, tædere, tristari & mæstus esse ad mortem usque. 6. Job ab amicis quoque, imo & à propria uxore gravia probra sustinuit, dictus impius, Hypocrita, tyrannus, Leo, tigris: &c. Christus à principibus Sacerdotum & Magistratibus, adeoque totâ Synagoga auditus impostor, blaphemus, seditiosus & quid non? 7. In Jobo

vexando & affligendo dæmon laxatis sibi à Deo habenis omnes suas vires exeruit : sed multo magis exeruit in Christum. Iob queritur se ab omnibus, 8. etiam ab intimis amicis derelictum : Christus etiam ad Patrem suum cælestem exclamat : *Ut quid dereliquisti me ?* 9. Iob omnia hæc mala sustinuit incredibili patientia, humilitate & constantia, sed exclusâ morte : Christus usque ad mortem inclusam, mortem autem Crucis. 10. Iobo reddita omnia duplicia, Christo omnia centuplicia. Hæc Tirinus de figura & typo Christi in Iobo ; nunc paucis exequendum, qui hoc ævo Prophetæ, qui martyres sint.

De Prophetis Paulus : Volo, inquit, omnes vos loqui linguis, magis autem Prophetare *a*. Nam maior est qui prophetat, quam qui loquitur linguas, nisi fortè interpretetur, ut Ecclesiâ ædificationem accipiat. Si ergo conveniat universa Ecclesia in unum, & omnes linguis loquantur, intrent autem idiotæ aut infideles, nonne dicent quod insaniamini ? si autem omnes proph-

*a* 1 Cor. c. 14. v. 23. &c. tent,

tent, cadens in faciem suam adorabit Deum, pronuncians, quod verè Deus in vobis sit. Itaque Fratres æmulamini prophetare. Hic gentium Doctor enumerat, quid olim in Christianorum conventu sit gestum; aliqui preces, psalmos, cantiones linguis componebant diversis, & alios præibant voce, sequebantur ceteri cantando & precando. Hinc psalmi, doctrinæ, apocalypses, linguæ, interpretationes. Hæc omnia complexus Paulus linguarum donum appellat. Alii verò è sacris bibliis certum quid prælegebant & explicabant, exhortati alios & concionati, nonnunquam etiam de rebus futuris arcani aliquid elocuti. Hoc omne Paulus Prophetare vocat; & præ aliis omnibus commendat.

Christus, ipso die quo ad vitam rediit, peregrinum induens & duobus viæ comitibus sese adiungens; Qui sunt, inquit, hi sermones vestri? Et qui, obsecro sunt sermones nostri? De rebus præsentibus omnes: rari aut nulli de futuris. Hinc volant illæ voces. Amo, amas, amat.



amat. Ego recipio pecunias, ille pecunias expendit; isti mendicant, illi erogant; isti amant, nos odimus; vos amatis, isti odio habent. Et quamvis dicamus, cras, perendie, sequenti hebdomade, post biennium aut triennium, post sexennium aut septennium; hæc tamen omnia indicativi modi & præsentis temporis sunt. Jacobus Apostolus hoc sermonis genus reprehendens: Ecce nunc, ait, qui dicitis, hodie aut crastino ibimus in illam civitatem, & faciemus ibi quidem annum, & mercabimur, & lucrum faciemus, qui ignoratis, quid erit in crastino. <sup>a</sup> Hæc omnia sunt præsentia, incerta, vana, fluxa, caduca. Sunt alia, sed futura, sed æterna. Ubi de his sermo? quis de inferorum suppliciis, de paradisi gaudiis instituit colloquium? Fratres, æmulamini prophetare de iis, quæ vitam hanc consequentur: de damnatorum pænis, de justissimis Dei judiciis, de beatorum delitiis; de cælo cogitate; de cælo loquimini, de hoc eodem concionamini, & vobis ipsi, & aliis;



& aliis ; audiamus hîc Prophetias vestras : qui prophetat , Ecclesiam ædificat ; potestis omnes per singulos prophetare , ac dictâ ratione loqui de futuris.

Ruffinus Aquileiensis memorat Paulum simplicem Antonii discipulum magno animi candore interrogasse , num prophetæ priores fuerint , an prior Prophetis Christus. Antonius ob quæstionis imperitiam filere illum iussit & abire. Bonus hic juvenis ævum præteritum & retro actum capere non potuit ; nos illo pænè rudiores ævum futurum ægerrimè capimus. Hîc stupor noster plurimum hallucinatur ; in longitudinem , in æternitatem nobis non consulimus , res post futuras , uti possemus , minimè prænoscamus. Itaque Fratres æmulamini prophetare. Cogitationes vestræ & sermones vestri omnes futura spectent , ad Immortalitatem , ad beatitudinem , ad æternitatem extendantur. Non habemus hîc manentem , civitatem , sed futuram inquirimus. a Hæ Christianorum

E 4.

pro-

a *Hebr. c. 13. v. 13.*

prophetiæ, hæc eorum sunt vaticinia.

Quod martyrimum attinet: Verè patiens martyribus jure accensendus. Nam, ut Gregorius loquitur, sine ferro & flammâ martyres esse possumus, si patientiam in corde veraciter custodimus. Chrysostomi dictum est: Patientia facit Martyrem. Omnes purpurati heroës, omnes Christi martyres, omnes patientiæ sectatores ore hilari pronuntiant:

*Virescit vulnere Virtus.*

Quò plura vulnera, eò plura trophæa; quo majora supplicia, eò ampliora præmia; quò afflictiones diuturniores, eò coronæ illustriores: plures dolores delitiæ sequuntur copiosiores. Vulneribus gaudet virtus. Virtutis sanctius ærarium sunt miseriæ, calamitates & æumnæ. Martyr agnoscitur non inter rosas, sed inter candentes forcipes & catastas: Scio, inquit Annæus, alios inter flagella ridere, alios gemere sub colapho. *a* Sunt homines ad-

*a Seneca epist: 13.*

èò delicati, quos si obliquo ferias  
 oculo, aut pede tangas incauto, mox  
 fulminant, coquunt animo vindi-  
 ctam & grande malum. Non sunt  
 hi martyres, non sunt. Miles Chri-  
 sti diriora tolerat, & tamen patien-  
 tiam spirat. Ille athleta est secun-  
 dum Senecam, qui fudit sanguinem  
 suum, cujus dentes crepuerunt sub  
 pugno; ille, qui supplantatus ad-  
 versarium toto tulit corpore, nec  
 projecit animum projectus; qui  
 quoties cecidit, contumacior, nos  
 dicamus fortior, surrexit. *a* O Chri-  
 stiani, licet nos variarum calamita-  
 tum grando insternat & dejiciat, ro-  
 bustiores surgamus, etsi dentes no-  
 stri pro pane glutendi, etsi sanguis  
 noster propinandus Christo, non  
 trepidemus; hæc difficilia non sunt  
 verè patienti. Patientia facit mar-  
 tyres, patientia facit reges, facit  
 beatos.

Ambrosius Martyrem inter ipsa  
 constituit pericula, ubi jam inde im-  
 manitas bestiarum infremat, in-  
 de terribiles rotæ, candentes la-  
 minæ exæstuantis fornacis flammæ

E 5

minen-

*a Sen. ibid.*



minentur : ex parte aliâ gravium catenarum tractus personent, hinc crucientorum carnificum globus assistat : Ex altera verò parte considerationi sese ingerat lex Dei, divina voluntas, ignis æternus & duraturum sine fine incendium. Hic medius martyr hæret aliquantulum & expallescit ac tremit : Mox resumpto animo : Cedè timor, inquit, præstat hîc milles mori, quam illic æternum. Toleremus præsens, ne perpetuum incurramus exitium. Momentum est quod cruciat, æternum erit quod delectabit.

Ita & nos cum Martyribus dicamus : Levi sit momento, unde tota gaudeat æternitas. Hæ tristiores morulæ beatiori vitæ præludunt, Agedum animosè. Toleremus brevi finienda. Hæc via ducit ad cælum ; aspera quidem & dura, sed secura.



## CAPUT VI.

*Iob Sanctus ostenditur.*

**T**Hales sapientiâ famosus interrogabatur, in quo sita esset felicitas, & quem ille censeret felicem. Ad quæstionem vir sapiens: Scitis, inquit, hominem geminâ constare parte, animo & corpore; Homo felix censendus, si corpus habeat sanum, & animum eruditum atque castigatum. <sup>a</sup> Corpori pretiosissimum sit sanitas, animo sana & perspicax intelligentia. Ita Thaletis sententiâ sanitas, & eruditio, seu castigatio, sunt hominis felicitas.

Divinæ providentiæ ad theatrum hætenus persequimur & spectavimus Jobum corpore animoque felicem; qui corpus sanum ad annum usque septuagesimum vivendo perduxit; intelligentiâ verò fuit tam perspicaci & eruditâ, ut non solum in suo Regno, sed in omni ejus ambitu haberetur sapientissimus. Ut autem illi ad omnem felicitatem

<sup>a</sup> Laërt: l. I. c. I.

tem nil desit, ita brevî â Deo castigabitur, ut verè dici possit mortaliū castigatissimū. In primâ hac theatri parte vidimus Iobum Opulentum, Doctum, Honoratum, Regem regum, Pium, Felicem Fidelem, Sacerdotem, Prophetam, Martyrem Christi ac Patientiæ typum. Restat videre Iobum etiam Sanctum. Sed exspectate paululum, brevî hæc omnia indicabuntur funditus everfa. Paullò post vociferantem audiemus Iobum: Spoliavit me gloriâ meâ, & abstulit coronam de capite meo. Destruxit me undique, & pereo. ¶ Job hætenus semper Felix & Continens. Felicitatis & Conscientiæ coronis Sanctitas, de quâ hoc capite agendum, & unâ etiam disquirendum, quomodo ad sanctitatem cuicumque volenti liceat pervenire.

Duodecimus Jobi titulus, J O B S A N C T U S. Hoc ei nomen Martyrologium tam Græcum quam Romanum tribuit; illud octavo, istud decimo die Maji Cæsaris Baronii verba sunt. In terrâ Hus  
sancti

sancti Job Prophetæ, admirandæ patientiæ viri. Deus olim ad Ezechielem vatem: Fili hominis, ait, terra, cum peccaverit mihi, &c. immittam in eam famem & interficiam de ea hominem & jumentum. Etsi fuerint tres viri isti in medio ejus, Noë, Daniel; & Job: ipsi justitiâ suâ liberabunt animas suas. <sup>a</sup> Utique Triumviri isti Deo amici fuerint, quos ex infinitâ hominum multitudine, ut familiares, nominat sibi probatissimos. Hinc Chrysostomus de patientiâ Jobi disserens: Quis, inquit, tentabit immensum hoc laudum pelagus ingredi? Job encomiis nostris omnibus sublimior, Crede mihi hoc, Lector, ubi audieris quot & qualibus conflictatus, quæque alia sit passus, hominem dices ferreum aut chalybeum, invictæ patientiæ virum fuisse, quamvis ipse de se testatus dixerit: Nec fortitudo lapidum, fortitudo mea, nec caro mea ænea est. <sup>b</sup>

Antequam Job in extremas illas

ca-

<sup>a</sup> Ezech: c. 14. v. 14.

<sup>b</sup> Job. c. 6. v. 12.

calamitates præcipitaretur, Angelus, Dei personam sustinens, caco-dæmonem allocutus: Nunquid considerasti, aī, servum meum, quod non sit ei similis in terrā. *a* Cogitemus terrarum Orbem amplissimum, & forsan, quam nunc, populosiorem & multos in eo milliones hominum, inter quos illo ævo viri etiam sancti fuerint non multum degeneres à Jacob, Joseph, aliisque: nihilominus hic unus homo, Idu-mæus iste, hic Arabs Jobus, ita Dei oculos in se flexit; ut hoc ei tribuatur encomii: *Non est illi similis in terrā.* Si Deus è trecentis aut ex millenis hominibus unum sibi charissimum ex omnibus demonstraret, quanti hoc testimonium, quanti laus ista fieret? Domus ampla & auro plena tanti sanè non esset facienda, quanti est ore divino tam insigniter laudari? Et quid trecenti quid mille homines sunt ad Orbis totius innumeram multitudinem: ex hac hominem unum tam singulariter laudari præ aliis omnibus, pænè laudis est infinitæ. Sunt subinde in Gym-



Gymnasio litterario mille quadringenti discipuli, ex his si juvenis unus ceterorum omnium tam soluta quam ligata, tam Græcâ quam latinâ dictione doctissimus dicatur qui parem sibi aut similem non habeat; laus certè nobilissima, & quæ curiositatem humanam acuat, videndi hunc juvenem, tametsi rustici forsan sit filius.

Quantus ergo Job, & quam incomparabili laude major, qui non solum inter quater decies centena millia, nec inter quatuordecim milliones hominum probissimus & sanctissimus, sed omnibus ævo illo viventibus probior & sanctior. *Non est ei similis in terrâ*; Homo verè sanctus.

Hæc sanctitas, quæso, in quo consistit? Verbo dicam: Qui divinæ voluntati conformior, aut qui sui ipsius contemptu submissior, aut qui perferendo ac tolerando patientior, hic certè sanctior: sanctissimus qui patientissimus, aut qui humillimus, qui nutibus divinis obsequentissimus.

Quomodo autem Job obsecro  
ad

ad hunc sanctimonix gradum ascendit? Vir erat simplex & rectus, ac timens Deum & recedens à malo. Quisque suos mores, oro, ad quatuor hæc capita examinet. Et primò quidem, quàm non simplices sumus, ô Deus! quàm autem callidi, quàm astuti & vastri! quàm tortuosi & multiplicis ingenii, quàm versuti & fallaces, quàm cauti & subdoli veteratores, quàm captiosi & insidiosii, quàm docti & peracuti fallere! Si nummus in controversiâ sit, fraudes, machinæ, doli, captiones & deceptiones innumeræ sunt: quàm nemo hic simplex. Sed considerate hanc veram simplicitatem, quàm ea divinos oculos ad se trahat. Laus summa; Vir simplex & rectus. *a* Ejus sinceritatis Iob omni vitâ fuit, ut bonam conscientiam semper habuerit. Hinc peccati nullius sibi conscius: Neque enim, inquit, reprehendit me cor meum in omni vitâ meâ. *b* Non se peccasse negat, sed quæ peccavit, mox iterum fuisse deprecatum affirmat.

Capia-

*a* Schlecht und Gerecht.

*b* Iob. c. 27. v. 6.

Capiamus obsecro hoc vitæ melioris compendium. Peccasti & lapsus es? Mox à lapsu resurge. Lapsus es centies? centies resurge. Lapsus es millies. millies resurge, vel *Actu amoris*, vel, *Actu doloris & contritionis*. Actus, seu, quod idem, cogitatio amoris est ista: Mi Deus, tuam legem posthac integrè servabo, in iis præsertim, in quibus eam hætenus neglexi. Amoris hic actus est. Doloris seu Contritionis erit hoc modo. Mi Deus, te summum bonum offendi, sed facti me pœnitet, non faciam amplius, quod feci. Modò ista seriò & ex animo cogitentur aut dicantur, præsentissimam peccatis exhibent medelam. Ita possumus nos horâ qualibet apud Deum in gratiam reponere, si gratiâ hac tantâ velimus uti. Ratio est; quia gemini illi doloris & amoris actus commissas labeis mox emaculant. Peccata & dolor de peccatis simul habitare non possunt: Amor divinus & noxarum turpitude eodem corde non morantur. Sin istud remediî genus negligamus, & interim

delictorum cumulos augeamus, affidue reprehendet nos cor nostrum, æterna salus continuis objecta periculis nutabit.

Sed ad Jobum redeo, qui tam nobile factus est spectaculum Angelis, Mundo & hominibus, & Deo tantopere placuit, ut Deus undequaque velit concurrere spectatores: è cælo Angelos, ex inferis Diabolos, è terris homines. Idcirco quoque Satanam, cælestis curiæ Præses interrogat: Nunquid considerasti servum meum Job? Laus summa, dici à Deo, *Servum meum*. Tu gloriaris Caco-dæmon, quod terram, velut illius Dominus perambulaveris; ego autem de meo fideli servo, qui mihi charior est orbe, & omnibus in Orbe hominibus. Scipio Numantinus amore in suos cives dixisse fertur: Malo unum Romanum servare, quam omnes Numantinos, etsi hostes, occidere. Pænè idem hîc dici poterit: maluisset Deus Orbem universum, maluisset omnes pænè homines amittere, quam Job unicum non servare. *Non erat ei similis in terra.*

Videte,



Videte, obsecro, quanti momenti sit divinis oculis placere, Deo sincere corde servire. Hæc nobis & dies & noctes cogitanda. Ingenium sæpe rebus vanissimis consumimus, Huc nostrum omne studium, huc curæ ac sollicitudines universæ forrent convertendæ, ut digna Deo exhiberetur servitus. Nos quidem animum versamus per plurima, sed non per istud: curam ac sollicitudinem innumeris rebus injicimus, sed non oculis divinis in nos derivandis. Hic triplex suggero documentum.

Primum: summa Iobi sanctitas jure nobis veneranda. Diabolus acutissimus sanè ac perspicacissimus accusator, centoculus, ac milloculus Panurgus, quod enim mille homines non vident, hoc ille pervidet argutissimè. Cum ergo illi senatus Angelorum fecisset potestatem dicendi contra Iobum, quicquid posset aut sciret, quicquid in Iobo videretur reprehensibile. An non putatis mendacissimum hunc calumniatorem vaferrimè scruta-

tatum esse, ut quidpiam criminis in Iobum posset devolvere. Nihilominus hic subtilissimus spiritus, insidiosissimus hic Argus, & artifex celerrimus, qui dies noctesque nos nostrasque actiones arbitratur, nil aliud reperit, nisi quod improbi solent objicere; solam intentionem Iobi, (quam plerumque nec scire solet, nec facile potest) calumniatus. Nunquid Job, ait, frustra timet Deum. En Calumniam! Intentionem seu agendi animum carpit, cum carpere non possit actiones. At Iob verè sanctus: Hinc Origenes illum ceteris omnibus illius ævi etiam Patriarchis præferens: Magnus, inquit, erit Abraham in fide, sed excellit illum Iob in tolerantia: Magnus erat Iacob in cordis munditia, sed non fuit illo minor Iob in misericordia. Omnia quæ fecerunt sancti, fecit etiam Iob: quod autem sustinuit cum gratiarum actionibus, hoc nullus alius sustinuit. Abrahamo unus erat filius amittendus, Iobo decem simul liberi sunt amissi fato, mæstissimo. Iob præsigni sanctimoniam ornatus.

Alte-

# CAPUT VI. 85

Alterum : summa Jobi sanctitas non veneranda solum sed & imitanda nobis est. Nec difficulter ad sanctitatem istam perveniri potest. Cui quæso facilius servitur , Deo an Satanæ ? Qui autem non est Dei Servus , Servus est peccati. Contra hanc utramque servitutem non est medium. Et certè qui recusat famulari Deo , famulatur Diabolo. Non servis Deo ? Ergo peccato. Si peccato ? Ergo carni , ergo mundo , ergo Diabolo. Horribiles sunt isti non tam domini quam tyranni : quos populo suo interminatus olim Deus : cum diceret : quia mihi detrectatis servire , Servietis , inquit , ibi diis alienis , die ac nocte , qui non dabunt nobis requiem. a Job simplex & rectus serviebat Deo : Hæc illum servitus ad istud sanctimonix culmen evexit , hunc ei titulum , S A N C T U S , comparavit. Sed quomodo ad sanctitatem istam perveniendum ?

Tertium ergo est , obtinendæ sanctitatis via non difficilis. Servus

vus Domino suo exactissime serviturus, non solum Domini vocem, sed & oculos, & manus loquentes, atque adeò omnes dominicos nutus attendit. Ante omnia ingenium Domini explorat, quid velit & cupiat, qui aversetur & respuat: quaquam hoc in rebus humanis sapissime fallat. Nam si Domini genius afficiatur comessationibus nimium crebris, recreationibus, fatuis, ludicris, illicitis, consortiis parum honestis, pecuniis improbè partis, lusu sibus prohibitis, laboribus in dies festos peccantibus, malè fecerit servus, si omnem ad hæc operam adducat: rectissimè aget, si Domino nihil, nisi quod honestum & rectum est, imperanti accuratissimè obtemperat. Ita Jobus ad divinas voces Dei què leges, ad divinos oculos & nutus se totum, quantus quantus erat, conformabat: quicquid sciret Deo placere, hoc & ipse probabat, quod Deum noverat averfari, hoc & ipse horruit & averfatus est. Verbo dicam. Verissimum Jobus Heliotropium fuit; ad apertum solem aperièbatur, ad absconditum clau-  
deba-



debatur, ad obliquum sese obliquabat, quocunque demum sol divinus se flexisset, eo etiam Jobus continuo convertebatur. Sol noster Deus & voluntas divina, huc suum quisque animum attollat, ad omnem solis flexum se flectat; placeat ipsi quod placuerit Deo, displiceat, quod Deo displicuerit, velit quod vult Deus. Hæc vera verissima est sanctitas, sincera cum divina voluntate conformitas. Quanto autem hæc conformitas est major & sincerior; tanto etiam quivis sanctior est. Hinc aureus illè titulus emergit S A N C T U S.

Sunt in Orbe summorum principum speciosa nomina, formosissimi tituli: Potentissimus, Serenissimus, Augustissimus, Invictissimus, Beatissimus. Hos unus omnes superat S A N C T U S; modò à cælesti curiâ decernatur. nomen enim Deo proprium est Ecclesia teste, dum canit, *Tu solus Sanctus*. Sed humanissimus Deus nominis istius amplitudinem nobiscum dividit. Quod affirmans Petrus: sancti eritis, inquit, quoniam ego sanctus

ctus sum. *a* Cujus ergo voluntas cum divinâ conformis est, ille sanè sanctus est; cujus conformior, ille sanctior; sanctissimus, qui conformissimam cum divinâ gesserit voluntatem.

*a* 1. Petri. c. I. v. 16.

---

## THEATRI DIVINÆ PROVIDENTIÆ PARS ALTERA adornatur.

### CAPUT VII.

*Iobus Calamitosus, sed Patiens.*

**H** Ebræus sapiens ut lætitiæ nimium exuberantem comprimat, sapienter vaticinatur: Rîsus dolore miscebitur, & extrema gaudii luctus occupat. *a* Lætitiæ novissimum tristitia, quemadmodum diuturna cæli serenitas plerumque clauditur tempestate. Roma-

*a* Prov. 14. v. 15.

manus Comicus a eruditè dixit :

*Quamobrem omnes, cùm secundæ res  
sunt maximè, tunc maximè*

*Meditari secum oportet, quo pacto ad-  
versam fortunam ferant.*

Hæc dulcium & amarorum, tri-  
stium & lætorum perpetua est mix-  
tura in vitâ humanâ; fel & mel ubiq;  
sibi sunt proxima. Hilaritas & mœ-  
ror mutuis sese vestigiis premunt, &  
ubi lusus desinit, illic incipit luctus.

Spectavimus hætenus in divinæ  
providentiæ theatro partem primam.  
Jobus in amænissimis hortis velut  
in Paradiso collocatus à Deo, vitam  
ex omni parte beatam vivere cæde-  
batur: nec opes, nec scientiæ, nec ho-  
nores defuerunt. Titulis jure meri-  
tissimo gaudebat omnibus istis.

## J O B U S.

- |               |                |
|---------------|----------------|
| 1. Opulentus. | 8. Sacerdos.   |
| 2. Doctus.    | 9. Propheta.   |
| 3. Honoratus. | 10. Martyr.    |
| 4. Rex Regum. | 11. Christi ac |
| 5. Pius.      | patientiæ ty-  |
| 6. Felix.     | pus.           |
| 7. Fidelis.   | 12. Sanctus.   |

F 5

Job

a Terent. in suo Phormione act. 2.  
scena 1.

Job verè felix, felicissimus; sed una etiam continens, continentissimus.

Subitò versa omnia. Nunc ergo alteram theatri partem spectamus quæ cuncta non solum atrata, sed quadruplices diras exhibet imagines, lamenta inferorum, Mare naufragum, atrox incendium, Ruinam ædium. Hac parte Jobus Calamitosus sed patiens spectabitur. Eò autem ærumnarum venit, ut omnes omnino facultates perdiderit, ultra viginti morbis teterrimis laborarit, vitam duntaxat, sed ipsam etiam morte multo acerbiores retinuerit. Neque hæ calamitates pauculos dies, aut hebdomades non multas, sed ipsum septennium totum tenebant. Obstupesces, Lector, ubi particulatim audis, quomodo Deus servum sibi charissimum exercuerit. Hæc in divinæ providentiæ theatro pars altera est.

Sed causas forsitan quærimus tot ærumnarum, uti Apostoli quondam de cæco quærebant: Rabi, quis peccavit, hic an parentes ejus, ut cæcus nasceretur? Quibus respondit



dit Christus : Neque hic peccavit , neque parentes ejus , sed ut manifestentur opera Dei in illo. *a* Idem de Jobo dicendum.

Sed ubi quæso , & quomodo , aut quam habuerunt originem tam infandæ calamitates ? Hoc jam ordiemur dicere. Et primo quidem loco explicabimus , quâ ratione Jobus in senatu ac confessu Angelorum à cacodæmone graviter sit accusatus tanquam Hypocrita , & quomodo accusator à cælesti curiâ potestatem acceperit in omnes Jobi facultates pro arbitrio eripiendas. Deinde , quomodo divina providentia in his omnibus sit respicienda.

Senatus ac confessus Angelorum à scriptore sacro his verbis describitur. Quadam die cùm venissent filii Dei ut assisterent coram Domino , affuit inter eos etiam Satân. Cui dixit Dominus : Unde venis ? Qui respondens ait : Circuiivi terram , & perambulavi eam. Dixitque Dominus ad eum : Nunquid considerasti servum meum Job , quod

non

non sit ei similis in terrâ, homo simplex & rectus, ac timens Deum, & recedens à malo. Cui respondens Satan ait: Nunquid Job frustra timet Deum? Nonne tu vallasti eum, ac domum ejus? universamque substantiam ejus per circuitum? operibus manuum ejus benedixisti, & possessio ejus crevit in terrâ: Sed extende paullulum manum tuam, & tange cuncta quæ possidet; nisi in faciem benedixerit tibi. *a*

Hæc Diabolus accusator fratrum, calumniator hominum, unde & nomen traxit, in conventu Angelorum evomuit; meram calumniam, ignem Avernalem, merum venenum, invidentiam merissimam. Hypocrita, inquit, est Jobus, qui sanctitatis gerit palliolum. Nimirum tamdiu probus est quamdiu opulentus est: tamdiu fidelis, quamdiu felix. Tangatur aliquantulum, opes illi eripiantur, devolvatur ad pauperiem, mox in voces impias erumpet, ita simulata sanctitas patebit. Has calumnias in innocen-

*a Job cap. 1. vers. 6. & seqq.  
ad 12.*

nocentem jecit Diabolus in Cælum senatu.

Quis autem senatus iste, in quem etiam Diabolus est admissus? Num visio duntaxat aut symbolum fuit, an res, prout narratur, contigit? Isaias, Ezechiel, Hieremias, Daniel, Zacharias plurima per arcanos visus didicerunt à Deo. Hic autem non fuit visio. Deus olim in regem Achabum cogi voluit senatum, in quo Michæas vates velut curiæ amanuensis: Vidi Dominum, ait, sedentem super solium suum, & omnem exercitum cæli assistentem ei à sinistris. Et ait Dominus. Quis decipiet Achab regem Israël, ut ascendat & cadet in Ramoth Galaad? Egredus est autem spiritus, & stetit coram Domino, & ait: Ego decipiam illum. Cui locutus est Dominus: in quo? Et ille ait: Egrediar, & ero spiritus mendax in ore omnium prophetarum ejus. Et dixit Dominus: Decipies & prævalebis; egredere, & fac ita. *a*

En senatum, en curiæ accensum, aut ministrum spiritum, en

*a* Nahtsbott oder Nahtsbdiener,

amanuenssem Curiaë, & Michæam. Verùm in isto super Jobi caput concilio amanuenss Curia fuit Moses, qui prima duo, & ultimum hujus historiæ caput conscripsit, cui proinde Deus hæc Senatus Acta patefecit. Hic autem Senatus, ut de Jobo decerneret, convocatus, non visio, non symbolum, non rei imago fuit, sed verè, prout res memoratur, contigit. Sic Augustinus <sup>b</sup> sentit. Cum Augustinum nomino, triginta & plures fide dignissimos testes produco. Cum Augustino è recentioribus optimi scriptores sentiunt. <sup>c</sup>

Ergo Angeli, seu, Filii Dei con-  
venerunt consilia collaturi de Jo-  
bo. Angelorum unus aliquis Dei  
Personam sustinens Senatûs caput  
caput & curiaë præses fuit. Hoc in  
lege priscâ frequentissimè factum.  
Quando enim Deus cum Mose a-  
liisque sanctioribus viris locutus  
per-

<sup>a</sup> Dichtschreiber.

<sup>b</sup> Aug: in annotat. in Job.

<sup>c</sup> Caspar sanct. in commentar. Ia-  
cobus Saliatus tomo. 1. Annali-  
Ecclesiæ.



perhibetur, Angelus Dei Personam  
 functus, Dei vicarius fuisse censen-  
 dus est. Sat habet Angelorum Deus,  
 quos mittat hoc nomine proreges  
 cæli. Deinde hinc infinitam Dei  
 maiestatem licet conjecturare, qui  
 beatis solum in cælo familiarem se-  
 se exhibet, ceterorum nulli copiam  
 sui facit. Dei promissum est: In cœ-  
 lo me videbitis: Terræ negatur hic  
 aspectus.

Fuerunt igitur Angelorum co-  
 mitia in Provinciâ Hussæâ, &  
 quod vero simile, ad Augustam  
 Jobi domum. Cum nos de Angelis  
 differemus non tantum cuius homi-  
 ni, sed etiam cuius provincie ac  
 regno suum tutelarem Angelum  
 assignari diximus, magnis autem fa-  
 stigiis illis geminos. Ita Sallianus  
 asserit Iob, ut Regi, duos fuisse  
 assignatos Angelos; ejusdem regno  
 unum, Conjungi unum; ita Sin-  
 guli liberorum singulos habuerunt.  
 Cum autem Iobi familia fuerit mul-  
 tanimis, singuli quoque domesti-  
 ci suos habuerunt tutelares Ange-  
 los. Hinc frequens & copiosus fuit  
 hic Angelorum senatus. In hunc  
 etiam

etiam Satan velut senatorii ordinis & Angelus lucis ventitavit. Sed mox agnitus est pedarius hic ex orco senator. Erat autem ille ipse Diabolus, qui Iobo adhæsit ab utero, nec suorum infimus, sed inter dæmonas princeps aliquis, cum ausus sit dicere: circuivi terram, & perambulavi eam. Ita Daniel locutus: Princeps, inquit, regni Persarum restitit mihi viginti & uno diebus, & ecce Michaël unus de principibus primis venit in adiutorium meum. <sup>a</sup> Hoc Gabriel dixit de cacodæmone quem Persarum principem appellavit.

Sed objicias: Quid opus hoc Angelorum conventu & concilio? Nunquid etiam eminus loquuntur Angeli? Ita sanè; loquuntur etiam eminus; sed quia cacodæmon Iobo præsens, grande illi moliebatur malum, Angeli verò cupiebant de rebus quibusdam certiores reddi, ideò res conventum postulavit. Sed hic tria statuo considerata.

Primum est, Cultus Angelorum,  
præ-

præsertim tutelarium, qui nobiscum veluti nascuntur. in omni ætate, in periculis omnibus fidelissimè defendunt; nec deferunt nos, donec utrique, nos vitâ, illi officio pariter defungamur. Fidissimis custodibus istis omne obsequium, quotidianus cultus ac veneratio debetur: quia ipsi pervigilant pro nobis. Vide, mi Lector, quæ de horum cultu diximus in horologio nostro.

Alterum, divinæ providentiæ Contemplatio. Consilium tuæ providentiæ, mi Deus, consilium quam non est fortuitum. Nec enim casu horribilis hæc tempestas in caput Jobi detonuit, sed à cælesti curiâ, ab Angelorum senatu ita conclusum ac decretum est. Nos hac in re miserabiliter cæcati, cum res pejus, quam optaveramus, succedunt, modò huic, modò illi culpam impingimus, & illis pessimè imprecamur: Cùm nemo est, in quem hæc conferamus, fortunæ culpam attribuimus, puerili prorsus fatuitate. Hinc illæ voces stolidæ: Quàm mihi fortuna nil favet! quam sinistro sidere sum genitus! ut me

G

malè

male habet acerba fors! Sermones isti & cogitationes infantium sunt, aut insipientium. Nec pilus cuiquam diripitur, sine certâ Dei providentiâ & destinatâ voluntate. Si non pilus, quantò minus centum aut mille floreni, quantò minus fama & bonum nomen mihi rapietur, Deo id non prævidente, non volente? Hæc sunt decreta e cælo. Quæ Jobus agnoscens: Nihil, inquit, in terrâ sine causâ fit, & de humo non oriatur dolor *a*.

Jobus divinam providentiam contemplatione seriâ expendit, & eorum quæ scripturus erat, solidissimum fundamentum jaciens. Nihil, ait, temere, ac sine causâ, quod Deus non prævideat ac dispenset. Et de humo, ait, non oriatur dolor: nec enim quidquam crescit quod seminatum non sit. Vnde ergo, inquires, tantum lapparum, lolii ac herbarum malarum, in altis præsertim montibus, quo nullus satori est accessus? Adamus sevit protoplastus, qui grana de pomo, quod sublegit terræ mandavit, ea certè hos fructus ferunt.



runt. Nos quoque ab Adamo serinepotes, quotidie semen ejuscemodiserimus, quid mirum si talem segetem metamus? Radix juniperorum, ait Job, erat cibus eorum. Hoc germen pro foliis pungentes aculeos, & meras habet spinas. Quas Gregorius explicans, Spina est, inquit, omne peccatum, quia dum trahit ad delectationem, pungendo lacerat mentem. Semen amaritudinis est peccatum: hoc semen nos quotidie spargimus, & spinas inde nasci miramur. Vnde hæc mihi calamitas, dicimus, unde tot ærumnæ? unde hæc tribulorum & urticarum seges, unde senticetum istud tot miseriarum? à te ipso, mi homo, tu seminasti hæc germina. De humo non oritur dolor. Deus & divina providentia ita decreverunt, ut qui sic peccant, sic etiam puniantur. Hæc humana mala quæ patimur, suas habent origines, & causas suas, quas divina providentia nexu mirabili connectit cum earum effectibus. Nihil sine causâ fit.

G 2.

Ter.

Job. c. 30. v. 4.

Tertium est Fidelitatis Constantia. Quàm graviter Jobum calumniatus est ! Nam curiæ cælestis præfidi in os objiciens : Tu inquit, gloriaris de fidei servo : Tange illum, & mutatam mox cernes fidelitatem. Idem faciet tibi, quod Diis suis aliæ gentes faciunt.

Idololatræ Deos suos venerabantur, quandiu illis ad votum fluebant omnia : Eosdem autem execrabantur, conspuebant, humi allidebant, pedibus calcabant, detestabantur, cùm adversa premeret fortuna. Ita Sinenses, quod Petrus Mafsejus narrat, cùm res sunt turbulentiæ deastros suos flagellant & in publicum projiciunt. Talem calumniabatur Diabolus futurum Job, qui ubi ferientem sentiret manum, mox pristinam mutaret fidem, à Deo recessurus. Eam ob causam adeò urgebat : Tange illum, tange, tange ; mox pro servo experieris hostem.

Hanc fidelitatis constantiam probè obsecro pensiculemus, ne infidi aut infideles unquam inveniamur, alioqui Diabolo futuri ludibrium,  
&

& iusta accusationis materia. Si laudemus Deum, eique ore pleno gratias agamus eo solum tempore, cum bene nobis est; conquaramur autem & murmuremus, animum spemque abjiciamus, & preces solitas intermittamus rebus asperis. Ohe! Christiani, hæc certa est fidelitatis inconstantia. Hic ridet ac exultat, hic vincit & triumphat Diabolus. Hic nervis omnibus, hic quantiscunque possumus studiis contendamus, ut servi permaneamus fideles. Si tacti à Deo & aliquantulum castigati, desinamus Deum diligere, solitis precationibus colere, obsequiis consuetis venerari; contra verò incipiamus oggannire, & Dei providentiam velut dormitantem accusare, mussitare, intra nos fremere ac reclamare. En ethnicos, en verè infideles, en Diabolum jam accusatorem veridicum. Hic nos excitet atque animet fidelissima Jobi patientia, ejusdemque patientissima fidelitas. Dicamus cum Jobo: Etiam si occiderit me, in ipso sperabo. Omnium in me hominum

furor exandescat, ego tamen Deum non deferam; quatiatur Orbis, & in pristinum revolvatur chaos, ego tamen à Deo non recedam; omnium in me Diabolorum potestas deserviat, ego tamen Deo nihilominus adhærebo. Undique & undique in meum solius caput mille, iterumque mille calamitates ruant, ego tamen Deo meo fidelis permanebo. Occidat me centies, occidat me milies, in ipso tamen sperabo. Hæc nimium patiens, hæc vera, & constans, hæc Jobæa est fidelitas.

---

### C A P U T V I I I.

*Sententia in Iobum dicitur & executioni datur.*

**V**T antiquos mores non illaudatos transfiret, virum è multis milibus excellentissimum sibi sumens Plinius Major, hæc in ejus laudem recitavit: Cato primus, tres summas in homine res, præstitisse existimatus est: optimus orator: optimus Imperator: optimus Senator. <sup>a</sup> Hic tantus vir quater & quadragies die dicta

<sup>a</sup> *Plin. l. 7. Nat. hist. c. 27.*



dictâ, in jus ambulare jussus est. Hic ipse sibi patronus & caussidicus eâ semper facundiâ, eâ rationum vi ac pondere dixit, ut nunquam non victor, causâ semper vicerit.

Æschines orator Græcus in Demosthenem concitatissimæ linguæ, affirmat Aristophontem apud Athenienses esse gloriatum publicè, quod quinquies & nonagies in judicio accusatus, causam semper obtinuerit à culpâ omni absolutus.

Arabicus princeps, Hussæus Rex Job, semel tantum accusatus, quamvis innocens, quamvis à jam noto & mendaci calumniatore Diabolo, nihilominus Job in judicio hæsit & litem perdidit: nam traditus est accusatori, qui eum vexaret, pessundaret, spoliaret ad arbitrium. Judiciâ Dei abyssus multa, & abyssus plurima, infinita! Mi Deus, quàm mirabilia sunt ad tuum tribunal jura, quàm inusitatæ disceptationes, quàm insolentes sententiæ! mendacissimus accusator causâ est superior, vir sincerus & innocens, vir justus & mentis optimæ causâ cadit;

G 4

a Psal. 36. v. 7.

dit : Virtus trahitur ad supplicium  
& plectitur, satanas omnium vitio-  
rum inventor & auctor tripudiat, &  
cum plausu, quod vult, impetrat.  
Abyssus multa, Dei iudicia, inex-  
haustum, inscrutabile, immensum  
pelagus, tribunal divinum. Verè  
Job dixit : Quis poterit scrutari vias  
ejus, aut quis potest ei dicere? Ope-  
ratus es iniquitatem. Ecce, Deus  
excelsus in fortitudine suâ, &  
nullus ei similis in legislatori-  
bus. *a*

Agedum sententiam in Jobi ca-  
put pronuntiatam penitus inve-  
stigemus. Et primo quidem loco  
explicandum, quale nam decre-  
tum cælestis curiæ Præses in Iobi  
facultates fixerit. Altero, quam  
promptè ac celeriter. Diabolus  
illud exequi cæperit. Ita primum è  
quatuor mæstissimis nuntiis audie-  
mus. Adeste animis.

Ubi Diabolo, data est actio, spe-  
ciosissima illius postulatio nec colo-  
re nec fuce caruit. Iobus Dei fa-  
mulus, ajebat veterator, videri po-  
test fuisse hætenus fidelis. Credam  
equi-

equidem, si fidem faciant experientia. Iob bonus est, dum illi bene est. Felicitas placidos habet mores. Tolle felicitatem & summa erit morum asperitas: dum Iobus bene pascitur, bene loquitur; fames eum exerceat, & sermones multo alios observabis. Ventosa pila est Iobus, volat illa dum est integra, vel paululum eam perfora, & alas ei abstulisti; flaccidum jacebit corium. Iobi sanctimoniam opes fulciunt, honores stabiliunt, res secundissimæ in altum evehunt, tolle opes, adime honores, rebus asperis exerce, & tota Iobi sanctimonia collabescet. Animus ad inopiam & contumeliam inexpertus, ubi eum injuria & paupertas afflaverit, repente concidet, velut paralyti tactus. Verà me dixisse, docebit experientia.

Non benignè solùm excepta est accusatio ista, sed sententia mox lata, & Iobus innocens decreto notatus gravissimo: Decreti verba sunt. *Ecce universa quæ habet, in manu tuâ sunt; tantùm in eum ne extendas manum tuam.*

Sed ubi criminis depulsio, ubi apologia & patrocinium? quis propugnator Iobi aut defensor? Ergo Iob nunquam auditus & tamen damnatus? Nos hactenus legem hanc certam censuimus: Qui statuit aliquid parte inauditâ alterâ, æquum licet statuerit, iniquus est. Pars certè utraque audienda, quod hic minimè factum.

Nihilominus quis potest Deo dicere? Operatus es iniquitatem. Hic contemplemur divinæ providentiæ theatrum. Nulla Iobo illata est injuria, nec spatium sui colligendi subtractum. Deus ab ipso stetit, ipsius defensor & advocatus fidelissimus. Hæc autem ab omnibus retrò sæculis prævidit, & ad punctulum dimensus est. Pergat modò accusator, & omnibus suppliciis exagitet Iobum, patebit suæ tempore criminatio, & innocentia Iobi.

Observemus hic, non semper sanctitatis aut divini favoris esse indicium, continuò, quod petitur, impetrare; nec etiam signum est iræ divinæ, si rogantis deprecatio ferat repulsam. Summus Dei hostis Diabolus,



bolus, statim impetravit, quod postulavit. Moses Deo amicissimus quiddam petiit, & exauditus non est. Paulus servus Dei fidelissimus similiter aliquid petiit & repulsam passus est. Mosi dicitur: Non poteris videre faciem meam. *a* Paulo respondetur: Sufficit tibi gratia mea. *b* Quis quæso, mi Deus, tuam am-  
 biat amicitiam, si tuos etiam amicos non suavius tractes? Sed Dei vicem respondens Augustinus: Apostolus, inquit, exauditus est ad salutem, etsi non ad voluntatem: Diabolus exauditus est ad voluntatem, sed ad damnationem. Ideo enim concessus est iste tentandus, ut eo probato esset ille cruciandus. *c* Nam istud Diabolum, geniuni superbissimum magis ussit, quam ullus Avernalis ignis, quòd Iobus illum mendacii apertissimi convicerit patientiâ. Atque hoc Deus ab omni æternitate prævidit, Diabolus autem id nesciit. Idcirco hic ante nos theatrum divinæ provi-

*a* Exodi c. 33. v. 20.

*b* 2 Cor. c. 12. v. 9.

*c* August. 10m. 9. tr. 6. in cap. 3.  
 ep. Ioan.

providentiæ, quæ Diabolo liberri-  
mam fecit potestatem omnes Iobi  
facultates dissipandi, prout vellet :  
Ecce enim in manu tua sunt univer-  
sa quæ habet: tracta ea ut vis, ne post-  
modum dixeris, Iobum nimis molli-  
ter à me castigatum. Tu igitur ipse  
fortunas ejus omnes diripe; verun-  
tamen animam illius serva. Mirabi-  
lissima est divina providentia, quæ  
Diabolo, & omnibus ejus famulis,  
hominibus malis potestatem alios  
vexandi permittit, sed potestatem ad  
guttulam ad unguiculum dimensam.  
Nam uti mari metas posuit: Huc  
usque pervenies, & non ulterius: Ita  
Diabolo & ejus affeclis terminos  
ponit Deus, ultra quos vexando &  
torquendo progredi nec hilum pos-  
sunt. Et nos fatuæ simplicitatis ho-  
mines modò hunc modò illum ac-  
cusamus, adversus multos varie que-  
ruli. Respiciamus divinam providen-  
tiam, quæ sua cuilibet admetitur  
exactissimè.

Quam primum igitur Diabolus  
Decretum audiit, & potestatem ve-  
xandi Iobi accepit; mox: Di-  
ctum, factum. Nam continuo Sa-  
bæos,

bæos, qui ad fines Hussæ regionis habitabant, excitavit & armavit, ut in Iobi territorium irruptione factâ pecus abigerent: quos paratissimos ad hoc injuriæ invenit; nam illi facinus statim aggressi, mille quingenta capita majoris pecoris abegerunt, custodes, bubulcos, agalones, interfecerunt. Periculum cædis effugiens cursor: Boves arabant, inquit, & asinæ pascebantur juxta eos, irruerunt Sabæi, tuleruntque omnia, & pueros percusserunt gladio: & evali ego solus, ut nuntiarem tibi. Hic primus fuit è quatuor mæstissimis nuntiis:

Videte cacodæmonis celeritatem! quàm veloces illi manus & pedes? quam præpetes alæ; Volat, agilior ventis. Quam enim citò ad deprædationes & cædes hostem inflammavit? Spiritus est. Celeritate summâ, momento plurima, maxima, conficit. En etiam quàm ingenio promptus, quàm sagax & versutus! Custodes pecoris ita cædibus sterni curavit, ut tamen nuntius cladis evaderet. Quamvis Chrysostomus,  
alii-

aliique censeant, hos nuncios fuisse Diabolos; Nam aliter, ajunt, vix fieri potuisset, ut vnus alteri tantis ac dimensis spatiis succederet; alter alterius vestigiis hæreret, ne Jobo ullum respirandi, aut sui colligendi spatium daretur. Deinde verisimillimum est, hos ex Orcu tabellarios acceptæ cladi maximam verbis auxefin addidisse, Iobi animo gravissimè concutiendo, quod certè homines rustici non potuissent: Sicut enim lætus nuntius plerunque affingit aliquid, ut plus exhilaret; ita indubiè hi nuntii rem, ex se lamentabilem, incredibiliter exasperarunt vultu, voce, lacrimis, gestu, totius corporis efformatione. Prætereà quomodo quartus ille nuntius è collabente domo, quâ omnes, qui in eâ erant, attriti sunt, solus evadere potuisset? aut scire, si periculi expers ipse fuerat, omnes obtritos esse, nisi Diabolus fuisset?

Vera sit hæc sententia; nec enim anxie hîc tricandum. Venit ergo Diabolorum aliquis famuli pagani habitu, scissis vestibus, vultu & manibus.



nibus forsan cruentis, flens, ægro  
 anhelitu, singultiens, omnibus ad-  
 lamenta compositis, & eò spectan-  
 tibus, vt animum Jobi turbaret ac  
 emolliret ad pusillanimitatem.

Reverà hæc tanta clades homi-  
 nem vel ferreum frægerit. Jactura  
 certè non levis unico raptu mille  
 Boves, Asinas quingentas, oneribus  
 vehendis destinatas perdere. Sed  
 istud etiamnum leve potest videri  
 ad secutura comparatum. Damnum  
 hoc tam copiosi pecoris, tam repen-  
 tinum ac grave, Iobum absque du-  
 bio accerrimè punxit, nam agri eo  
 anno manserunt necessariò inculti,  
 bobus arantibus jam sublatis; ser-  
 vis etiam jugulatis, metus immine-  
 bat hostes redituros. Sentit hæc sa-  
 piens, sed non consentit. Sensit ista  
 Jobus, sed pusillanimitati aut impa-  
 tientiae non consensit. Hic Arabs  
 sapiens dominatus est astris, & qui-  
 dem malignis admodum & fatali-  
 bus.

Discamus hîc vitam nostram  
 omnem aceto & felle, absynthio &  
 amaritudine plurimâ mixtam: quod  
 Diabolo negatum, ejus sæpe mini-  
 stris

stris concessum. Et nos miremur  
aut indignemur cum felleum hoc  
acetum linguam commordet? Ob-  
secro, non exspectemus meliora.  
Hæc vitæ hujus ratio est; Deus ama-  
riis dulcia, tristibus læta, adversis,  
prospera perpetuo miscet, & in hoc  
summa Dei providentia, curaque  
prorsus erga nos paterna elucet. Cu-  
jus causam assignans Augustinus:  
Ideò, inquit, Deus felicitatibus ter-  
renis amaritudines miscet, ut illa  
quæraturs felicitas, cujus dulcedo  
non est fallax. *a* Idem hoc confir-  
mans Chrysostomus: Ideò, in-  
quit, nec homines semper Deus in  
calamitatibus dimittit, ne deficient;  
nec in quiete & rerum prosperitate,  
ne socordiores fiant: Sed mutatio-  
nibus ac vicissitudinibus eorum sa-  
lutem variat. *b* Nimirum in bonâ  
chely non solum fidiculæ sunt gra-  
ciles, tenerioris soni, suavè canen-  
tes, sed sunt hypate & parhypate  
graviozem reddentes sonum. *c* Ita  
etiam in vitâ nostrâ prosperitas  
calami-

*a* Aug. serm. 29. in Matth.

*b* Chrys. in Psal. 123.

*c* Der grosse und kleine Brummer.

calamitas velut diversæ fides miscentur. Venustè ac verè dixit Philosophus à Madaurâ : Verum verbum est profectò ; Non est homini quidquam tam lætum divinitus datum , quin difficultatis aliquid sit admixtum , conjugatione quadam mellis & fellis , ut si quid illud solvit, hoc adstringat. Norunt Medici dulcia stomacho inimica, felli faventia : nam stomachum laxant , dissuunt, nauseam creant ; fel autem augent : idcirco dulcibus austeri aliquid & amari, quod stringat, attemperandum. Ambrosius flumen rapacius alveo & marginibus clausum ostendens : Deus, inquit , delitiis & gaudiis nostris ponit modum , ne supra alveum effusa rationem obruant. *a*

Ante hac Iobus , ut piscosus & abundans Danubius , aut ut latus Rhenus fluxit , & pecoris & auri dives. Iam paullatim arcto alveo & angustis stringitur marginibus , vel puellis vadandus ; inò tandem penitus siccabitur & exarescet tam amplius fluvius.

H

Hæc

*a. Ambros. l. i. de Abel & Cain c. i.*

Hic iterum fidelitatem Iobi maximam consideremus. Calumniabatur illius innocentiam Diabolus, quod, quæ hætenus fecisset, non sincero fecisset animo. Omnia ei obsequia abundantissimè compensata. Mox in mores delapsurum pravos, ubi contundi aliquantulum cœpisset. Contusus est insigniter immitissimâ cacodæmonis manu, & primo quidem ictu mille ac quingenta pecoris sui capita amisit. Nondum tamen ullum impatientiæ signum edidit, non Deum linguâ violavit, neminem execrandis deprecationibus confixit, nihil adversus divinam providentiam ogganniit, sua Deo servitia non renuntiavit, non iram Dei in Sabæorum caput evocavit, non illis diras non crucem, non rotas, imprecatus est; imò cortice jam suo cœpit natare, & suo sumptu vivens, sine stipendiis Deo militare.

His ipsis annis quibus Europa tot arsit bellis simile quid contigit. Vir strenuus generosæ stirpis ac mentis, suo principi bellum moventi cum quingentis militibus suppetias venit; idque suis impendiis, sumptu suo



# CAPUT VIII. 115

fuo Nec enim aliud ambiit stipendium quam eâ re domino suo gratificari. Hoc sanè tantis favoribus exceptum est, ita dominum devinxit famulo, ita placuit gratuitum hoc obsequium, ut vir ille strenuus ad honores amplissimos evectus, in eam receptus sit gratiam, quam vix amplius posse amittere, sit creditum.

Hoc homini præstat homo, ut adeò placeat? Certè fidelissimus ac liberalissimus Deus obligatiorem se agnoscit tam fideli homini, de quo affirmari possit; En illi Deus res terræ & temporis subducit, spiritalem dulcedinem negat, solatia subtrahit: ita bonus homo sine stipendiis, sine præmiis vivit, & tamen à Deo non recedit, divinis obsequiis non valedicit, quantis potest viribus Deo etiamnum servit, & suis velut impendiis se alit! O Servum bonum & fidelem! Generosa hæc est fidelitas, quæ Deum homini mirificè conciliat. Ita quisque Deo serviat, & sibi dictum putet: Esto fidelis usque ad mortem, & dabo tibi

H. 2

coro-

a *Matth. c. 25.*

coronam vitæ. *a* Et licet solatium omne subducatur, nullum in oculis sit præmium, nihilominus fidelis Servus dicet: En adsum, Domine, Servus tuus, ad omnem nutum paratissimus: jube, impera; quod iusseris, quod imperaris exequar promptissimè. Nec verò aliud à te stipendium peto, quam te ipsum & tuam gratiam. Hoc omnino est suis victitare impendiis & aliquanto tempore servitia præstare gratuita. Hoc homini Deum obligat, hoc divinos auget & stabilit favores. Promissum est divinum: Oculi mei ad fideles terræ, ut sedeant mecum. *b*

Discat hîc etiam qui aut nullas, aut admodum paucas & valde placidas habet afflictionēs, aut potius morsuunculas, se non inter robustissimos à Deo censerî. Probatæ miles virtutis ad expeditiones arduas, ad oppugnationes periculosas, ad difficillima quæque mittitur: imbellis & inexercitatus tiro ad tam strenua non evocatur. Ita qui minus habet præliorum, minus etiam speret præmiorum.

*a* Apoc. c. 2. v. 10.

*b* Psal. 100, v 6.

## C A P U T V I I I. 117

miorum. Ita omnino de se cogitet, qui aut pauca patitur, aut multa, sed impatienter; ohe, miles è butyro & saccharo compactus, quam non natus es ad fortia! Parcit tibi Deus, & inter ignavam turbam alit te, ne penitus perdat. Fortes exercentur ad fortia. Jobum Deus orbe universo inspectante tam ad certamina & pugnas, quam ad triumphos & coronas evocavit. Felix quem durant adversa & difficilia.

## C A P U T I X.

*Quo animo secundum Nuntium acceperit, nobisq; perferende rerum humanarum jactura.*

**A**ugustus Imperator quod Plinius narrat, in cohorte prætoriâ centurionem habuit Aulum Junium, qui currum & equos plenissimo cursu ruentes, corporis sui mole repente potuit sistere. *a* Diabolus Dei permissu contra Jobum rapido ferebatur cursu & quadrigas concitatissimas immisit. Quatuor nimirum nuntios mæstissimos subornavit, quorum singuli tam tristia narrarunt, ut Jobum hoc primo

H 3

incurso

*a Plin. lib. 7. Nat. hist. c. 20.*

incurſu mentis ſtatu dejiciendum  
nemo non credidiſſet.

At Iobus adeò nervoſus, patiens,  
magnanimus, erga divinam provi-  
dentiam tam reverens, voluntati di-  
vinæ tam conformis fuit, ut falca-  
tum iſtum & in ſe ruentem currum  
Satanæ objecto corpore ſuſtinuerit  
fortiſſimè. Iobus etiamnum ſtat ere-  
ctiſſimus, primo congreſſu neuti-  
quam dejectus Nuntius primus,  
quingentas aſinas & boves mille  
abactos lamentabatur. Secundus  
nuntius ſeptem ovium millia unà  
cum opilionibus igne cæleſti deſta-  
graſſe referebat. In hac altera clade  
percenſendâ, nos primo loco expo-  
nemus, quo animo Iobus hunc nun-  
tium acceperit: Deinde quomodo  
nos Jobi ſpectatores in omni rerum  
humanarum jacturâ divinam provi-  
dentiam ſuſpicere debeamus.

Secundus ergo Nuntius, ſive fue-  
rit cacodæmonum aliquis, ſive ho-  
mo, ut alii cenſent, à cacodæmone  
agitatus, parturiente lingua curre-  
bat, incendium cælo lapſum in oves  
nuntiaturus. Hiſtorici ſacri verba  
ſunt. Cumque adhuc ille loquere-  
tur



tur (primus nuntius) venit alter & dixit: Ignis Dei cecidit è cælo, & tactas oves puerosque consumpsit: & effugi ego solus ut nuntiarem tibi. *a* Gravis sanè ictus fuerat primus, sed illo nihil mitior secundus. Prior mille armenti & quingenta capita ademit: iste alter ovium simul septem millia consumpsit. O cladem nimis repentinam & informem! Ô casum acerbissimum! si lupus aut fur septem oves rapiat, sentitur damnum; si septuaginta, gravius sentitur, septingentas uno abigeatu *b* perdere, damnum est multò gravissimum; jam verò septem millia simul amittere, jactura horribilis & damnum pæne intolerabile: qui fieri possit, ut bonus Paterfamilias dispendium tantum non gravissimè sentiat? Clades reverâ fuit pluribus annis non sarcienda.

Et videte, quæso, pulchram Diaboli methodum. Primus in Iobum intentatus ictus ab hominibus fuit, alter à cælo: tertius iterum ab hominibus, quartus iterum à cælo.

H 4

Nos

*a* Iob. c. I. v. 16.*b* Vieh Diebstal.

Nos quando lædimur ab hominum aliquo , confugimus ad Deum ; cum à Deo percutimur , ad homines conyolamus auxilium aut solatium petitori. Hoc igitur hic egit Diabolus , ut omnem Jobo solatiolivel minimi accessum intercluderet , ut nec sanctiore ullâ cogitatione sese armare posset. Plaga plagam excipiebat , vulnus addebatur vulneri. Ut Jobus denique cogitaverit ; ipsum etiam cælum adversus me pugnat , ipse etiam Deus me destituit. Sed neque, ut Paulus loquitur, Diaboli cogitationes ignoramus.<sup>a</sup> In maximam spem venerat veterator, hac ratione Jobum ad desperationem facilè pertrahendum, cum enim ante hac innumeras pecudes Deo sacrificarît , jam autem nec unguulam nec floccum oviculæ retinuerit, desperabit Deum sibi offensum & iratum sine sacrificiis placari posse.

Nequissime Alattor , <sup>b</sup> non solis ovibus aut hircis , non vitulis solis aut tauris placatur Numen. Nunquid enim manducabit carnes taurorum ?

<sup>a</sup> 2 Cor. c. 2. v. 11.

<sup>b</sup> Plagteuffel.

rorum ? aut sanguinem hircorum potabit ? Immola Deo sacrificium laudis , & redde Altissimo vota tua. *a* Sacrificium Deo Spiritus contritus , cor contritum & humiliatum Deus non despicit. Hoc Jobus non ignoravit, ideò amissis ovibus & bobus omnibus sacrificavit Deo seipsum , sacrificium utique gratissimum. Ita Job videri potuit amisisse omnia, & nihil amisit , quia faventem sibi Deum retinuit , in quo habuit omnia.

Hic ergo ad theatrum divinæ providentiæ collocati discamus omnes humanarum rerum jacturas æquo animo perferre. Hic multiplices damnorum formæ sunt. Est , qui pecuniariis rebus & insidiis circumvenitur & Philippeos non paucos perdit. Alteri pecunia eripitur vi aut vanis promissionibus , aut fallacibus artificiis. Est , qui fortunis suis evertitur per mercaturam , & unâ secum plurimos in damni societatem trahit. Aliorum facultates aliorum injuriis & injustiis

H 5

tiis

*a* Psal. 49. v. 13. & 14.

tiis atteruntur. Sunt, qui salinotenui vix famem solari possint. Alios perpetuæ gravesque dominorum exactiones ad rei familiaris angustias compellunt; nonnulli ad mendicitatem detruduntur morbis, tempestatibus, incendiis, naufragiis. Amplissimum est egestatis regnum & diversissimæ ad illud viæ. In isto autem divinæ providentiæ theatro discimus quâ ratione omne genus penuriæ patienter & æquo animo perferamus. Quod certè non erit difficile subjungenda monita consideranti.

Primum: Quicquid Deus facultatum nobis concessit, quicquid concessurus est depositum Dei & mutuum est, non debitum; fruendum accepimus ut alienum, non possidendum ut proprium; nos administrari tantum sumus & procuratores, non Domini. Si Dominus, quod suum est, repetat, quid ostendemus? Domini vox est per Aggæum vatem: Meum est argentum, meum est aurum, dicit Dominus exercituum a Basilius illa Lucæ verba eluci-

a Agg. e. 2. v. 9.



elucidans : Tu , inquit , nonne spoliator es , qui quæ dispensanda accepisti , propria reputas ? Est panis famelici quem tu tenes , nudi tunica quam in conclavi conservas. Quod Leo Romanus præsul confirmans : Hæc , ait , non magis possidenda quam dispensanda commisit Deus. Et quemadmodum ad exhibendas comœdias vestes conceduntur mutuae , quarum usus cessat ad spectaculi finem , tunc enim cuilibet actorum dicitur. Redde quod mutuum accepisti , tuum non est quod usui tuo concessum est ; redde aliena , redde ; finis est comœdiæ , redde. Ita profectò & a Seneca philosophatus : Non est , inquit , quod nos suspiciamus , tanquam inter nostra positi ; mutuò accepimus : ususfructus noster est. b clariùs Annæo Paulus ; Nihil , inquit , intulimus in hunc mundum : haud dubium quod nec auferre quid possumus. Cum Paulo clarissimè Iobus : Nudus , ait , egressus sum de utero matris meæ ,

& nu-

a *Sen : Consol : ad Marc am. c.*  
10.

b *1 Tim. c. 6. v. 7.*

& nudus revertar illuc. *a* Pro veste mihi fuit nuditas cum ordiretur vitam, eadem mihi in operimentum erit, cum vitam finiero, ut suus exordio respondeat epilogus.

Secundum : Omnem jacturam tolerare nos doceat magnanimitas eorum, qui plurima habuerunt, & omnia perdiderunt. Expendite, oro, Ezechiae regis optimi tolerantiam admirandam. Rex sese humanissimum exhibuerat in Babylonicos oratores, quibus omnem opulentiam regiae domus ostendit : Displacuit Deo hæc etiam levis ostentatio, Missus igitur Isaias, qui rigidum Dei decretum afferens. Ecce Dies venient, inquit, & auferentur omnia quæ sunt in domo tua, & quæ condiderunt Patres tui usque in diem hunc, in Babylonem : non remanibet quidquam, ait Dominus. Sed & de filiis tuis qui egredientur ex te quos generabis, tollentur, & erunt eunuchi in palatio regis Babylonis. *b*

Quan-

*a* *Iob. c. I. v. 21.*

*b* *4 Reg. c. 20. v. 17. & seqq.*

Quanti reges alii adducto supercilio respondissent. Quæ ista est curiæ cælestis æquites ? Siccine Deus humanitatem solet plectere ; legatis Babylonii thesauros meos ostendisse tantum sit criminis ac piaculi , ut thesauros idè universos perdam ? quis unquam audivit talia ? quid quæso vitii est benevolum ac humanum in exteros esse ? Deinde mihi meòque regno expedire judicabam, sciri à Babyloniiis , me à pecuniâ & ærarii thesauris insigniter instructum , habere quod in arma & bellicas vires conferam : Rex Regem facilè oppugnat, quem ærario exhausto , pecuniis scit egere.

Hæc & plura talia in suæ causæ patrociniū Rex Ezechias adducere potuisset. At ille nihil horum : reprehensionem modestissimè ferens, sententiam severam patientissime accipiens divinæ providentiæ committit omnia, hoc unum animo volutans. Deus utique , quid mihi expedit , melius novit , quam ego. Hinc illæ regis optimi voces : Bonus sermo Domini , quem locutus es.

Hoc

Hoc responsum, tam submissum, ita Deo placuit, ut Ezechiae vivo nil penitus sit ereptum.

Ita, O mei Christiani, ita in pecuniariis jacturis omnibus loquamur: Bonus sermo Domini, bonus & gratus, etsi minus dulcis & jucundus.

Regina Pannoniae Elisabeta, principis Ludovici vidua, post conjugis funus bonis omnibus evoluta, è castro cum liberis ejecta, consiliis & auxiliis destituta, à cognatis & omnibus hominibus deserta, nec hospitium quidem, quo reciperetur, invenire potuit. Ergo ad Cœnobium divi Francisci abiit, & hoc unum rogavit, ut hymnum Ambrosianum, Te Deum Laudamus, canerent & gratias agerent Deo, qui famulam suam dignatus esset calice Domini co tam liberaliter perfundere; id enim se gratiam maximam interpretari.

Hi sunt, qui Jobi doctrinam affecti, pecuniam ausi sunt contemnere, & hilariter cum Jobo canere: Dominus dedit, Dominus abstulit, sit nomen Domini benedictum: Bonus



nus sermo Domini, bonus in omnibus.

Tertium, quotiescunque damno afficimur, penuriâ vel inopiâ premimur, mox ad theatrum providentiæ divinæ recurramus, ubi audiemus solere Deum hæc adimere vilia, ut eorum vice substituat meliora. Nimirum abstrahit à noxiis, ut ad sese nos pertrahat. Quis nescit? Insuave pharmacum, sed salubre. Ideo Tobias ad filium. Noli timere, inquit, fili mi, pauperem quidem vitam gerimus, sed multa bona habebimus, si timuerimus Deum. Fili, ait, non horreamus paupertatem, ut grande malum, sed potius nos illi attemperemus; illa nemini mala est, nisi malè ferentibus: tenuis est victus noster, sed sufficiens est, non cupientibus plura, multa habebimus bona, si mala hæc vitæ non iniquâ mente perferamus. Repositæ sunt nobis opes in meliore vitâ.

En Tobias ad theatrum providentiæ divinæ confidens, Dominum dantem, Dominum auferentem assidue aspexit: Ita Deo visum, ita melius est. Quid nos homunculi divinæ

vinæ huic legi obluctemur? Actum agimus. Quisque suis sese necessitatibus accommodet. Ita rectius vita ducitur.

Miles, ut fertur, soleam ferream invenit, & cingulo eam affixit. Cum autem sclopo peteretur trajiciendus, glans ferrea in hanc ipsam soleam incurrit, & ita militem præstitit illæsum. Tum miles jocose: Juvat etiam profectò, inquit, lorica non magna, modò eam noris aptare tibi. <sup>a</sup> Ita paupertatis incommoda & numariæ jacturæ juvant, modò illis nos accommodemus tolerantia quam nobis suggerit divina providentia.

Quartum: Conducit plurimum, in similes eventus animum maturè obarmare prævidendo. Dic, agendum, si tibi hoc illud auferretur fraude, vi, malis artibus, quid faceres? Non sanè aliud bonæ mentis homo, quam hoc ipsum respondebit: Quid faciam! quam ut me ipsum in divinæ providentiæ manus injiciam, & dicam: Domine, quod accepi-

sti,

a Es hilfft auch ein schlechter Harnisch/ wann man ihn nur recht anlegt.

sti, tuum est; gratias ago, quod hæc-  
 nus hoc mihi commodaveris. Etiam  
 mea omnia perdam, res mobiles &  
 immobiles, tam prædia quàm ruta  
 cæsa: *a* tam multa tamen nunquam  
 perdidero quanta Jobus perdidit,  
 qui sese in hos eventus præparans:  
 Quia timor, inquit, quem timebam,  
 evenit mihi, & quod verebar, acci-  
 dit. *b* Sat diu cælum favit, sol amæ-  
 nus fultit; nunc tempestates & tur-  
 bines; præ vidi.

Chrysostomus ut in has curas nos  
 intentos redderet, rectissimè monet:  
 In tranquillitate tempestatem, in sa-  
 nitate morbum, in divitiis pauper-  
 tatem expecta, prout monet Eccle-  
 siasticus. In die bonorum ne imme-  
 mor sis malorum. *c* Stephano Ab-  
 bati viro sanctissimo, quem Grego-  
 rius magnus *d* laudat, frumenti ali-  
 quid collectum fuit, quod in alimo-  
 niam totius anni parca frugalitas re-  
 condidit pro pluribus. Hoc omne,

I

tritu-

*a* *Ligende vnd fahrende Gütter.*

*b* *Iob. c. 3. v. 25.*

*c* *Chrys. hom. de Avarit. Eccli. c.*

*11. v. 27.*

*d* *Creg. l. 5. dial. c. 19.*

tritūrâ nec dum excussum, homo insigniter nequam crudeli manu incendit. Nunciatum hoc est quàm primum Stephano, qui ore renidenti, & pacatâ mente. Non est, inquit, de quo angamur nos & cruciemur; ille viderit, qui hoc fecit. *a*

Hanc animi tranquillitatem, mi homo, considera, & ad illam te ipsum interroga: Si tibi tale quid accidat, quis sensus? quæ verba tua forent? Atqui profectò quod huic & illi contigit, etiam nobis potest contingere. Obarmemus igitur animum & adversus incursiones futuras præmuniamus. Sapienter dixit Publius: Aufert vim præsentibus malis, qui futura prospexit.

Quintum: si res familiaris deficiat, si eripiantur facultates, videte Iobum, qui alium ante se Iobum non vidit. Ingens viro solatium attulisset, vel pictum cernere virum alium eximiè patientem. Sed Iobus ante se Iobum alium non habuit; ipse velut auctor & magister patientiæ, omnes illius numeros explevit. Cum enim jam alterum tristem nuntium

audis.

*a Vide meum Heliotropium.*



audisset, necdum tamen recessit à Deo, sed nec verbum adversus Deum edidit, quòd ignem cælo in oves dejecisset. Etiamnum sibi constabat patientia; nihil indignationis, nihil excandescentiæ, nihil imprecationis malæ auditum. Origenes Iobi personam agens, scitè prorsus & piè. Ego, inquit, paulatim oves sacrificaturus eram, sed illi gratias ago, qui omnium unicum holocaustum suo ipse igne effecit & suscepit. Ita pro se quisque loquatur de se. Ego particulatim his & illis & aliis dedissem eleemosynas, hanc ita divisam stipem, hos sacrificales nummos, Deus simul omnes accipit. Factum bonum, Deo gratias.

Hoc profectò Jobi profapiam & generositatem sapit, hoc verè Christianum: Quod Paulus asseverans: Rememoramini, ait, pristinos dies, in quibus illuminati magnum certamen sustinuitis passionum, & in altero quidem opprobriis & tribulationibus spectaculum facti, in altero autem socii taliter conversantium effecti. Nam & vinctis compassi estis, & rapinam bonorum vestrorum

cum gaudio suscepistis, cognoscentes vos habere meliorem & manentem substantiam. *a* Cogitemus quantum à nato Christo ad Constantinum Imperatorem, per annos trecentos, innumeri Christiani sint passi ab idololatriis orbe toto dominantibus. Quamprimum delatus ad iudices Christianus, proximum orat, bonis illum omnibus exuere: & ea ærario publico addicere. At illi rapinam bonorum suorum cum gaudio susceperunt. Et licet bonis jam spoliati plurimis insuper contumeliis sint affecti, hanc tamen pugnam subierunt alacerrimè modò gratum possent exhibere superius spectaculum.

Plutarchus narrat Julium Cæsarem Pompejo jam victo in Alexandrinos movisse arma. Hic Cæsaris copiarum duos pontes occupare nitebantur. Successit ad primum bellicus conatus; pontem occuparunt: ab altero miles Cæsarianus vi repulsus est. Hic omnes fugere certatim, & ad naves properare. Hæ nimii ponderis impatientes, deinde fugientium

*a* Hebr. c. 10. v. 21. & seqq.

gientium insultibus variè quassatæ mergebantur. Octingenti milites unâ cum nautis perierunt in aquis. Natando tamen evaserunt non pauci. Inter hos ipse Cæsar è purpurâ notus, hostium telis acerrime petebatur. At ille rejectâ veste aquis se credidit & dextrâ quidem natationem promovit, lævâ libellos tenuit sublimes, ne madefaceret; ita ducentos passus unicâ manu enatavit ad littus. *a* Factum audax, sed & generosum ac forte. Nos quidem, dum hic vivimus, in oculis habemus cælum, sed interim mari jactamur, & fluctibus insuper & telis calamitatum petimur variarum. Abjiciamus igitur quicquid natantes impedit. Divitiæ sunt malæ sarcinæ, quæ prægravant & mergunt. Si veritati fides est, quis divitum emergit? Facilius visum est Christo, ut camelus acum transiret, quam dives cælum penetraret. *b* Executiamus ergo sarcinas, modò librum nostrum non madefaciamus, modò enatemus salvâ conscientia, quicquid demû remaneat impedimento-

I 3

rum.

*a Plutarchus & Dio Cassius.*

*b Matth. 19. v. 24.*

rum. Melius est parum cum timore Domini, quàm thesauri magni & insatiabiles. *a* Modò conscientia liber non corrumpatur, cœterarum rerum omnium jacturam facere, lucro erit. Laboremus & luctemur, ut enatemus. Rapinam bonorum nostrorum cum gaudio suscipiamus. Peribimus, nisi sic pereamus.

## CAPUT X.

*Tertius Iobi nuntius inducitur; & impatientia mortalium sugillatâ, Numinis providentia commendatur.*

**A**Thenienses adversus Medos & Persas in campis Marathonis acerrimo prælio decertarunt, ut Suidas memorat, & victoriam reportarunt illustrissimam. Ex Atheniensi milite unus aliquis, cui Hæmonius nomen, licet vulnere lethali saucius seipsum tamen in pedes erexit, & cucurrit Athenas, reperitque confidentes etiamnum in curiâ senatores: eò irrumpens, quantâ potuit voce proclamavit: μέγα χαίετε, νικᾶμεν *b*  
His dictis corruit exanimis, legatione

*a* Prov. c. 15. v. 16.

*b* Gaudete multum, vicimus. Suidas interpret: salvi estote, salvi sumus.



tione voluntaria eximiè perfunctus.

Tertius ad Iobum pervenit nuntius, fidelis quidem, sed acerbus: siquidem non minorem prioribus cladem annuntians. Chaldæi, ait, in tres cuneos divisi irruerunt, & aggressionem camelos abegerunt omnes, insuper & custodes occiderunt, vix ego unus evasi, qui hæc hero meo indicarem. En primus ictus ab hominibus Iobo intentatus est, prædonibus Sabæis: alter à Deo è cælo venit: tertius iterum ab hominibus, Chaldæis prædonibus: quartus item è cælo à Deo fuit. Ab hoc supremo ictu speravit dæmon victoriam: verum spes in irritum cecidit: Hos enim omnes ictus excepit Iobus, & infractus stetit illæsa patientiâ. Nobis nunc de tertio tristi nuntio agendum, & unâ explicandum, quàm varia sit impatentia, & quàm paterna Dei providentia. *a*

Cursor tertius illatam cladem his omnino verbis significavit: Chaldæi fecerunt tres turmas, & invaserunt camelos, & tulerunt eos; necnon etiam pueros percusserunt gla-

I 4

dio:

*a Iob. c. I. v. 17.*

dio : & ego fugi solus, ut nuntiarem tibi: Ah, ubi nunc speciosa illa Jobi nomina, opulentus & Felix ! Nunc majoris pecoris duodecim millia capitaminus quingentis, sunt ablata. Nulla hîc amplius opulentia, felicitas interiit. Ad saccum, & ad incitas redactus est Job, deinceps mendicandum erit ; nec facile unquam præcisas alas reparabit ; imò brevî tam miser, ut eum tam pauperes quàm divites velut extremi builti claver sint fugituri. Mi Deus, quàm graves & acerbi à tuis flagellis veniunt ictus, quorum singuli Jobum necaverint. Si cui ovicula subtrahatur unica, equus aut bos unicus auferatur, questus & lamenta sequuntur ; si viginti aut triginta oves, vel equi, vel boves, si ovile aut equile totum pereat, quàm intolerabilis creditur esse jactura, irrecuperabile damnum ! Si duodecim millia gallinarum abripiant urin prædam, aut etiam si solum duodecim millia pannum, vel supellectilia, quantumvis vilia, si parvulo sublegantur numero, protinus excandescencia, furor, insania se produnt.

Job perdit sui pecoris millia duodecim, imo armentum totum, nec tamen excandescit, nec furit, nec insanit, nil mali cuiquam imprecatur, Deum non deserit, patientiæ leges non infringit, sanctimoniæ non valedicit; quis enim audiit dicentem? Perii, occidi; actum est de meâ omni familiâ; recessit à me Deus, quid ei serviam amplius? Nil simile auditus Job dicere. Ex quo sanè omnibus constare potuit, virum fuisse maximæ sapientiæ. Salomone teste: qui patiens est, multâ gubernatur prudentiâ. *a* Job vel ideò etiam sapientissimus, quia patientissimus.

Mi Deus, quam multiplex & varia est nostra impatientia; in omnes sese formas diffundit: Præceps, Morosa, Melancholica, Sorbens, Fulminatrix & Furiosa. Singula paucis explico. *Præceps* est impatientia, quæ vix tacta, statim profilit ad arma. Quemadmodum in instrumentis fidium ærearum, quamprimum manubria *b* tanguntur, mox subsi-

I 5

lit

*a* Prov. c. 14. v. 29.*b* Clavier.

lit tigillum *a* musicum : ita nos quàm primum oculo stringimur obliquo, aut digitulo leviter impellimur, mox vociferamur, & complicamus pugnos ad vindicandam injuriam, Sicuti cùm fomes igniarius, & cucullus pulverarius *b* conveniunt, mox flamma emicat, ita cùm levis injuriola in animum incidit impatientem, continuo præceps provolat furor.

*Morosa* est impatientia, quæ acerba, tetrica, indignabunda, stomachans, fremebunda, ea quæ manu tenet aut in angulum conijcit, aut parieti vel humo illidit, subinde pedibus calcit projecta. Hæc querularum semper plena est *Melancholiæ* morosæ valde similis, sed eâ prolixior, & ex alijs causis. Hæc omnium pæne rerum capit toedium, vix quisquam est, qui huic satisfaciat; similis anui rugosæ, quæ linum nodosum girgillo devolvit, & modò linum & inexplicabiles nodos, modò tractorium instrumentum & rhom-

*a* Docken vocantur.

*b* Zindstrick und Pulfferspan.



rhombum accusat. *a* Ita impatientia melancholica in rebus pænè omnibus tricatur, proprio nomine vocanda, Balneum diaboli. *Sorbens* impatientia dicitur, quæ suum ipsa vomitum glutit & devorat, supprimit & sorbet suas ipsa lacrimas; & sicut morbi contagia in animum nonnunquam penetrant, & interdum ulcus ad nervos solet descendere, ita hæc impatientiæ tabes interiora depascitur, sepultus altâ mente premitur dolor. Hæc impatientia versat animum per omnia: cogitat & coquit, sed plerumque tantum tonitrua; cum finita est hæc coctio, turbines, tempestates, grandines emittuntur. *Fulminatrix* autem impatientia est, quæ ignes jaculatur & fulmina, quæ verba vomit deterrima, calumnias spargit, contumelias jacet, detestatur, maledicit, execratur, & imprecatur; omnibus, præterquam sibi, culpam impingit. Ætnam dixeris, flammarum globos & saxa jaculantem, & ipsi

mini-

*a* Ein altes Weib so ein knopset garn  
abwint / gibt ein weil dem Haspel /  
ein weil dem Garn die schuld.

minitantem cælo incendium. *Furiosa* denique & armata impatients est, quæ ferrum rapit, pugiones & telaprehendit, gladios stringit, vulnera minatur & cædes. Parum illi est verbis rem agere, nisi & verberibus ac plagis sæviat; nec ei satis, manibus ac pedibus se defendere, nisi aliis violentas manus injiciat, & humi dejectos pedibus conculcet.

Visne, mi Lector, nobile illius paradigma cernere, quod meis oculis spectavi, auribus excepi. Anno millesimo sexcentesimo decimo octavo, quo serenissimus Elector, Bavarix Dux Maximilianus in Bohemia rebellem arma movit, die Augusti vicesimo nono in oppidum Boëmicum Strowiz Prætorianus miles ingressus est. Ego cum sociis ad tuguriolum futoris deductus sum. Hic jucundum fuit spectare patientiam, subito ab impatientiâ expugnatam. Sutor paterfamilias, religione Anabaptista, vir usquequaque humanissimus, verba melle ac sesamo sparsa jaciebat. Si quis militum ingressus salutasset hunc opificem, adven-

adventorem illi resalutabat amicissimè : si quis calceos petiisset , promptissimè ac miti pretio dabat ; si quis novas soleas vetustis calceis induci cupiisset , paratissimus gratificari satagebat ; si quis è tugurio discedens valedixisset, ille hominem suavissimè compellans, mi Frater, aiebat, dominus J E S U S te custodiat. Omnia hætenus præclarè, & ad normam patientiæ. Subitò mutata omnia. Si quidem repentè vir iste bonus par solearum cœpit quærere, nec tamen eas uspiam reperire. Hic datum spectaculo initium. Ego è regione me collocavi, ut probè in oculis esset comœdia. Et vidi sanè quid præceps , quid morosa & fulminatrix facere soleret impatientia. Sutor ob soleas , quas putabat furto subtractas , jam pænè in rabiem effertus , neminem ingredientium non allatrare , omnes tam inquilinos quam exteros invadere ; uxorem, liberos acerrimis verbis perstringere, futoriam suppellectilem huc illuc disjicere a ligulas chalybeas, ferreas, tudes

a Reibhölzer / Klopffhölzer /  
 Stahl / Federrisen lenst.

tudes, mateolas, modulos & formas omnia permiscere; modò radulam, *a* modò spongiam, modò forficem aut forcipem, modò falculam, modò assulam sutoriam prehendere, & mox iterum rejicere; jam caput fricare, jam impatienter exspuere, jam calcitrare, *b* ita varias impatientiæ species eleganter exprimere: ita præceps, morosa fulminatrix impatientia insigniter sese spectandam dare. Sed nunquid de Græciæ fortunis agebatur? Par unicum solearum credebatur furto sublatum, quod denique repertum est, ubi diu satis duravit comœdia.

Hæc nobis, mi Lector, applicemus tunc maximè, cum impatientia sive morosa, sive fulminatrix, sive furiosa in foribus est; ipsi sibi quisque dicat: Eho! humanissime sutor, num bellus ille lusus incipit, numquid initium das comœdiæ, in quâ præcipitem, morosam, melancholicam, furiosam, fulminatricem

*a* Raspel oder reisser / schwam / schâr / zang / Kneib / Schneidbret.

*b* Stampffen.



impatientiam oculis subjicias? Vide, mi patientissime Iob, quam non profundè tibi hæreat patientia: quamdiu nemo te lædit, dum omnes tibi assentiuntur, quamdiu adversi nihil occurrit, bonus es & patiens, sed tuo sensu. Tange montem, tange, tange, mox fumigabit horrendum, mox præceps, morosa, fulminatrix, furiosa impatientsia omnibus viis provolabit. O bone Iob, ô placidissima simul! Hæcine tuæ patientiæ sunt specimina?

Verissimè dixit Salomon: Qui impatiens est, exaltat stultitiam suam. *a* jam igitur liquet, quantum sapias, quam prudens sis & solers, qui impatientiâ tuâ, stultitiam tuam adeò prodis & exaltas. Iob simul perdit mille boves, asinas quingentas, & tacet. Perdit ovium septem millia, & tacet. Perdit tria millia camelorum, & tacet. Id solum proloquitur, quod in conditoris laudem est, & de acceptis plagis gratias agit, omnia divinæ providentiæ committit. Tu verò propter rem vilissimam, ob lanam capri-

primam aut scarabæi umbram, mox impatientissimus excandescis; quam primum aliquid displicet, aut non ex sententiâ succedit, aut ingenio tuo adversatur, statim fel & acetum evomis, mox iram & impatientiam prodas. Tange montes & fumigabunt.<sup>a</sup> O mons malitiose! vix tangeris & fumigas! Quid ais homo marscule, qui minimo momento impelleris ad iram? O ingenium percitum nimis ac ferox; quam facile fit, quod doleat! Florenos pauculos furto aut fraude aliâ sublatos perdis; nomini aut existimationi tuæ paullulum decerpitur, humanam gratiam amittis. ô damnum irrecoverabile! mox tonitrua, mox furor & excandescencia, & flumen bilis funditur. O bone, quam multum à familiâ Jobi degeneras! quam non æmularis charismata illa meliora! Qui impatiens est, exaltat stultitiam. Quod Siracides non absque minis confirmans: Væ his, qui perdidit patientiam. <sup>a</sup> Iob inter tam multiplices luctus patientiæ tamen observantissimus fuit; omnia per-

perdidit, patientiam non amisit.

Ex hac Jobi familiâ Spiridion fuit, vir singularis patientiæ. In hujus ovile noctu effractores & abigei subreperant. Sed Deus qui pastorem servaverat, servabat & oves. Fures nec regredi, nec progredi potuerunt: Ita facilè capti sunt. Manè Spiidion ad oves revisit, quas inter, pro custodibus fures reperit. Hic Spiridion commeritam iram dissimulare, ad lenitatem se componere, omnem verborum acrimoniam suppressere, hortari potius & rogare, infame hoc opificium desinerent, honestis potius laboribus pararent victum. Ne tamen, inquit, hac nocte frustra vigilaveritis, hunc vobis arietem accipite; donum non leve, si meum æstimetis affectum. Hic vir profectò è Prosapiâ Jobi fuit, qui oblata casu flexit ad consilium, & in rationem vertit necessitatem. Nos hujus genii non sumus, qui plerunque perdimus sustinentiam, & exaltamus stultitiam impatientiâ; nec Deus quidem ipse à nostrarum impatientissimo æstu irarum securus est; os nostrum in cælo ponimus, & non rarò Deum

K

obli-

obliquis accusationibus incessere non veremur. Ad augendam porro & conservandam patientiam faciet, divinam providentiam in duobus potissimum considerare.

Primum. Providentia divina in quotidianis Mundi suppliciis se admirandam exhibet. Nam nisi crebrioribus tentationibus, ærumnis, calamitatibus excitaremur, cælum reverâ parum calidè desideraremus, contenti vitæ hujus amarissimâ dulcedine: quotusquisque diceret: mihi quidem bene est; hic requies, hic patria mea. Idcirco divina providentia ingenti miseriarum varietate terram nobis exosam cupit reddere, perinde ut cocus, qui vult quædam ferculorum removeri, ea sale plus æquo condit, aut pipere, unde facile novit, non multum ambienda: ita certè divina providentia hanc mortalem vitam variis cladibus exasperat & acerbatur, ut vitam desideremus meliorem & æternam: unde pii gemitus, & beatæ lacrimæ. Cum Hebræo populo sic egit Deus in Ægypto. Infantiuli eorum velut canes excutiebantur in flumen, ipsi ad opus lateritium



tium adigebantur flagellis, unde quaque afflictissimi erant, absque hoc fuisset, nullus mortalium eos in promissas uberes terras educere valuisset. Ad iter illos fecit expeditos ærumnarum copia. Ita nos sanè parum ardentibus desideriis cælum pulsamus, quamdiu terra favet. Augustinus humanæ gentis stuporem admiratus dixit, O infelicitas generis humani! amarus est mundus; & diligitur: putas, si dulcis esset, qualiter amaretur? Flores illius quomodo colligeres; qui à spinis non revocas manum. *a* Qui mortalium stupor etiam Chrysostomum attonitum reddidit, ut exclamaret in hæc verba. Si nunc tam libenter præsentis vitæ immoramur, cum sint tot tristitia, pericula, timores, & curæ nos undique circumstantes: si nihil horum esset, quando unquam futura desideraremus? Plurimum igitur debemus afflictionibus paternis.

Alterum: Quotidie peccamus, & aggeramus debita, sed bonus Deus favore maximo sua sibi solutionem expedit, noxas quotidie puni-

K 2

nien-

*a* Aug. serm. III. de temp. & alibi.

niendo. Quotidiana peccata provocant quotidiana supplicia. Hæc illorum piacularia sunt sacra. Quotidie peccas? quotidie puniendus es; idque si fiat, summam gratiam interpretare: sic eluunt pænæ, quod inquinant noxæ. Quam rem eximie Chrysostomus elucidans: Peccatum, inquit, sanies est; pœna ferrum medicinale: sicut igitur saniem habens, si non secatur, in majoribus malis est; ita peccator si non puniatur, omnium miserrimus est. *a* Norunt bonæ mentis homines, Semper aliquid nævorum in animo suppurare, hinc semper opus est castigationis malagmate, quod purulentiam hanc siccet. Siracides hoc ipso sensu: In die tribulationis, inquit, commemorabitur sui, & sicut in sereno glacies, solventur peccata tua. *b* In utroque igitur divinam providentiam adoremus, quæ pœnis eluit corrigitque noxas, & dum mortalem exacerbat vitam, provocat ad immortalem & æternam. A suppliciis sapimus.

*a* Chryst: 6. ad pop:

*b* Eccli: c. 3. v. 17.

## CAPUT XI.

*Nuntius quartus liberorum interitum docet  
Iobum: ille nos tolerantiam in funeri-  
bus amicorum.*

**T**Riplici conflictu Jobus cum Sa-  
tanâ, eam exeruit virtutem, eam  
reportavit victoriam, ut illud Venu-  
sini de hoc viro verissimè possit affir-  
mari: Illi robur, & æs triplex circa  
pectus erat. *a* Primi tres Nuntii  
quantumcunque luctuosi, Jobum  
tamen ad impatientiam & pusillani-  
mitatem impellere non potuerunt.  
Vox Jobi constans erat: sint ablata  
omnia: Dominus dedit, Dominus  
abstulit; sit nomen Domini benedi-  
ctum. Facultates mihi mutuò con-  
cessas non conqueror à me repetitas:  
depositum reddo.

Cacodæmon igitur jacturus ale-  
am, & aggressu quarto tentaturus  
Jobum, iis viribus eoque nocendi  
stratagemate, insultu tam valido  
patrem optimum invasit, ut nemo  
fieri posse crediderit, Jobi patienti-  
am non expugnandam. Decem Iob  
liberos habuit: Septem filios, tres  
K 3 filias.

*a Horat. l. 1. Oda 3.*

filiis. Omnes tunc unâ erant, in eâdem domo convivantes, læti, concordēs. Subitò coorti turbines eâ vîdomum concusserunt, ut collapsa sit; & omnes Jobi liberos unâ, sed horribili ruinâ sepeliverit. Hic primo loco dicendum, quo animo Jobus plorabilem hunc casum tulerit; Deinde, quâ æquitate animi nobis funera parentum, liberorum, cognatorum, amicorum, aliorumque charorum sint toleranda.

Tristissimum cursorem quantum Historicus facer his omnino verbis depingit: Adhuc loquebatur ille (cursor tertius) & ecce alius intravit, & dixit: Filiis tuis & Filiabus vescentibus & bibentibus vinum in domo fratris sui primogeniti, repentè ventus vehemens irruit à regione deserti, & concussit quatuor angulos domûs, quæ corruens oppressit liberos tuos, & mortui sunt: & effugi ego solus, ut nuntiarem tibi. <sup>a</sup> Ecce nuntius reverâ longè luctuosissimus! decem hominum carissimorum funera simul nuntiantur. Cujus parentis cor duraverit in tam repentino

vehe-



vehementi luctu: Consideremus paullulum istius cladis acerbitem.

1. Repentè hoc contigit, nemine hic quidquam mali metuentes; plurimum autem horroris habet subitum ac grande malum. 2. Decem liberi Job in convivio & inter epulas sunt oppressi, dum vino calerent, dum hilaritati vacarent, antequam purgarentur sacrificiis; ita forsan obnoxii peccatis obierunt. Hinc Absolonem Rex David acerbissimè luxit, quòd metueret, ne peccatis merfus rapeatur ad supplicia immortalia. 3. Omnes liberi Job domûs lapsu obtriti, nec unico quidem filio servato aut filiâ, in familiæ propagationem: & tamen servus, cladis nuntius, evasit. 4. Obtriti sunt autem tam fœdè, quod Chrysostomus censet, & cadavera sic deformata, ut internosci nequiverint pro sepultura. 5. à Cælo & vento hæc tanta clades fuit. Inde pronum erat cogitare: Deus toti familiæ Jobi offensissimus est, omnes vult extinctos. 6. Luctuosissimum hunc Nuntium Cacodæmon studio in hunc locum distulit, verâ nocendi methodo, ut quamvis nuntiorum

nullus pusillanimum Iobum aut impatientem redderet, hic tamen ultimus id posset, ob parentum maximum in liberos amorem. Latinus Pacatus in panegyri Theodosianâ: Instituyente naturâ, inquit, plus ferè filios quàm nosmetipsos diligimus.

Iacob Filium unicum amisit Ioseph, qui primogenitus non fuit, nihilominus parens mæstissimus vestimenta rupit, cilicium induit, & annis compluribus funus filii fletitum luxit. Cumque solatii adhiberentur fomenta, noluit consolationem accipere; sed ait: Descendam ad Filium meum lugens in infernum. <sup>a</sup> Mortuo Ioseph, vita mihi omnis amara est. Augustini calculo, transegit Iacob in luctu & lacrimis viginti tres annos. Quanta igitur virtus Iobi fuerit, quæ decem liberorum repentinum obitum tantâ ferens æquanimitate, adoravit & dixit: Nudus egressus sum de utero matris meæ, & nudus revertar illuc. Dominus dedit, Dominus abstulit; sicut Domino placuit, ita factum est: sit nomen Domini benedictum.

Solon

<sup>a</sup> Gen: c. 36. v. & seqq.

Solon è septem Græciæ sapien-  
tibus, vir magnus, Plutarcho teste,  
Mileti apud Thaletem; (qui ad  
nuptias neque blanditiis neque ra-  
tionibus adduci poterat,) hospita-  
tus est liberaliter. Thales hominem  
peregrinum subornavit, qui se re-  
cens Athenis venire simularet, & fi-  
lium Solonis mortuum nuntiaret,  
atque in ejus rei confirmationem,  
funeri sese interfuisse diceret. Hic  
Solon, ultra quàm virum adeò sapi-  
entem deceret, luctum nihil dissimu-  
lare, altum ingemiscere, lamentari,  
caput cædere, & se quàm maximè  
hominem fateri. Ad quem opportu-  
ne Thales: Et hoc est, mi Solon, in-  
quit, quòd uxorem non ducam; hoc  
tali luctu carere malo. Quanta igitur  
Iobi sapientia, æquanimitas, pa-  
tientia, quanta viri virtus, in decem  
clarissimorum pignorum, conjun-  
ctis exequiis, & patrem se agnoscere  
qui genuerit mortales, & ostendere  
se virum, qui tot liberorum necem  
æquanimiter perferre possit. Nam in  
his omnibus non peccavit Iob labiis  
suis, neque stultum quid contra  
Deum locutus est.

Luctum & mærorem è charorum funeribus contrahere, humanum est, nec vetitum, sed lugendum cum ea moderatione, quam beatus Paulus præscribens: Nolumus, inquit, vos ignorare Fratres de dormientibus, ut non contristemini; sicut & cæteri, qui spem non habent. <sup>a</sup> Quo sensu egregiè dixit Bernardus: Non culpamus, affectum, nisi excedat modum. <sup>b</sup> Tertullianus nobilissimo scripto de patientiâ, vehementiorem æquo tristitiam, Impatientiæ speciem appellet; cum scilicet parentes à liberis, aut hi ab illis ita deflentur; cum cognatorum aut amicorum, cum benefactorum aut Patronorum funera ita deplorantur, perinde si Deus solatium & auxilium omne subtraxisset. Quod si rem ad vivum reseceamus, undecunque oriatur mæror aut luctus, nunquam ei nimium indulgendum: ob causas quas adjungimus.

Prima: Luctus & mæror pariunt morbos & ipsam quandoque mortem. Cor mœstum constringitur veluti

<sup>a</sup> 1 Thess. c. 4. v. 13.

<sup>b</sup> Bern. serm. 26. in Cant.



luti pyrum in sole tostum. Cur mi-  
 feri nostra nobis ipsi mala duplicem-  
 us intempestivo luctu? Satis sit  
 amisisse pecuniam aut cognatum,  
 cur insuper sponte incurram mor-  
 bum? cur vitæ annos mærore non  
 profuturo imminuam? Luctus est  
 tabificus, qui cor hominis corrodit,  
 contrahit, exest, discerpit, vires im-  
 minuit: hinc tabes & morbi, hinc in-  
 teritus & mors. Asinius Pollio in-  
 duratæ vir patientiæ, quo die filium  
 charissimum amisit, convivio inter-  
 fuit. Anaxagoras philosophus, nun-  
 ciatâ filii morte: sciebam, inquit,  
 me mortalem genuisse. In eadem  
 constanti patientiâ fortissimos sese  
 præstiterunt alii complures. M. Ho-  
 ratius Puluillus templum solenni  
 ritu dedicans, cum sub actione illa  
 mors filii nunciaretur, hoc unum re-  
 spondit: Vos cadaver curate; ego  
 meum officium: & Et perrexit. Hie-  
 ronymus in epitaphio Nepotiani  
 fortium ejuscemodi virorum bene  
 longum textit catalogum. Ac revera  
 in rem suam fortis est, quisquis lu-  
 ctui moderatur.

Secun-

a *Livius Decade I. l. 2.*

Secunda causa : Deus plurimos è vivis tollit maturè , quia prævitet seducendos , aut ab aliis , aut certè à se ipsis. Quot juvenes , quot puellæ sanctè moriuntur , quibus ætas adulta fuisset via ad vitia ? Quot viri feminæque obeunt ætate adulta , quos senium deduxisset ad Tartarum. Hæc omnia Deus sapientissimè prævitet , vitæ filum plurimis incidit maturiùs , ne vitam perdant meliorem. Non paucos paterna prorsus miseratione calamitatibus futuris subducit , ne prolixioribus intabescant suppliciis , & celeriore morte pertingant ad vitam. Sapientia clamat : Raptus est , ne malitia mutaret intellectum ejus , aut ne fictio deciperet animam illius. Consummatus in brevi , explevit tempora multa : placita enim erat Deo anima illius : propter hoc properavit educere illum de medio iniquitatum. *a* Hinc plerumque quò juniores morimur , hoc sanctiores. Cyprianus mortuos moderatissimè lugendos suadens : Cùm sciam , inquit , eos non amitti , sed præmitti ;

neq

nec accipiendas hîc esse atra vestes, quando illi indumenta illic jam alba sumpserint. Et profectò idololatræ tam immodico Christianorum luctu non leviter offenduntur. Quomodo enim eos tam miserabiliter deploramus, quos apud Deum & optimo esse loco inter cælites affirmamus? Verba factis reclamant. Si in cælo sunt, quod speramus, & illis & nobis gratulemur.

Tertia causa: Tot fortium Christianorum summa in domando luctu generositas. Singularissimam hac in re laudem tulerunt feminae, quæ filiorum cædem masculo prorsus spectarunt pectore. Machabæa princeps septem filios; beata Felicitas septem quoque filios; Beata Symphorosa totidem planè filios in conspectu suo trucidari spectarunt animosissimè. Machabæa quidem herois illustrissima unà cum septem filiis coram Antiocho Rege virtutis suæ dedit spectaculum. Nam filii omnes in oculis matris, ordine tormentis exquisitissimis affecti, sartagine & ollas æreas tulerunt. Et primo quidem amputata lingua & cutis à capite

capite abstracta, summæ quoque manus & pedes præcisi, ipse spirans etiamnum in sartaginem coniectus, fratribus & matre insipientibus. Ita secundus, ita tertius, ita quartus & quintus, ita sextus & septimus adstante ac inspectante matre excarnificati sunt atrocissimè. At verò mater æternis annalibus dignissima, morientium filiorum exhortatrix animosissima, tot sibi mortes inferri. *Bono animo ferebat propter spem, quam in Deo habebat.* a Eheu nos modicæ ac perbrevis patientiæ homines! mala nostra iniquo animo ferimus, quia in Deo spem non habemus. Sic sancta Felicitas septem filios se spectante cruciari & necari sustinuit. b Sic sancta Symphorosa filios totidem, se præsentem crudeliter laniatos & jugulatos ante se præmisit in cælum. Hac Heroidum triga Jobus nequaquam inferior, decies in suâ Sobole, mortem triumphavit; de quo Chrysostomus: Beatus Job, inquit, nihil acerbi passus est, cum in-

tempe-

a 2 Mach. c. 7. v. 20.

b K. SS. latinos 7. Martii & 18. Julii.



tempeſtivam liberorum ſuorum mortem audiret, eò quòd Deum plus amaret quam illos. Utrum autem Abrahamus, filium maſtare juſſus, an amiſſis decem liberis Iobus, plus luxerit; problema eſſe volumus.

Quarta cauſa: Immoderatus lu-  
ctus divinæ Voluntati & patientiæ  
reſiſtatur. Voluntas Dei cuius ho-  
minum ſuos & patiendi & moriendi  
terminos fixit, an illos loco movebi-  
mus? Quid autem lamentando aliud  
agimus, cùm protervè dicimus? ô ri-  
gidum fatum! talem opitulatorem,  
talem amicum, talem benefactorem  
nunquam amplius nanciſcar. O nul-  
lus ſpei homines! - potens eſt Deus  
de lapidibus iſtis ſuſcitare filios A-  
brahæ. *a* Placuit ſanè Ambroſio mos  
ille, quem Trauſi, Getæ ac Cauſia-  
ni tenuerunt: qui naſcentes luctu &  
lacrimis, morientes plauſu & tripu-  
diis proſecuti. Neque diſplicuit mos  
Lyciorum, qui viris in luctu veſtem  
aſſignarunt femineam, ut effemina-  
tum ac molle pectus ſignificarent.  
Idem Ambroſius in Valentiniani  
Imperatoris funere dixit; David mo-  
ritur

turum filium flebat, mortuum non dolebat. Flebat ne sibi eriperetur; sed flere desiit ereptum, quem sciebat esse cum Christo. Quo sensu Hieronymus ad Paulam perscribens: Cur, inquit, dolemus quemquam mortuum? An ad hoc nati sumus, ut maneamus æterni? *a* Hæc suo quoque calculo confirmans Chrysostomus. Cum quis moritur, ait, & doles, in conscientiam tuam inquire, quòd te idem paulò post manebit exitus. Emenda te. *b* Lugemus mortuos, & brevi etiam morituri non emendamus vitam. Luctus sterilis & vanus. Non redibunt ad nos mortui, sed nos transibimus ad illos. Omittamus lacrimas, & paremus iter. Emendate, inquit Chrysostomus, & mortuum satis luxisti:

Vis scire, mi Christiane, unde in nobis turbationes oriantur tam crebræ, tam varii luctus, tristitia & mœror tam frequens proveniat? Causam è prisco Patre liquidissimam colligimus. Basilii sapienter &

verè:

*a Hier: ad Paulam super obitu Blesillæ.*

*b Chrys: in epist. I. Thessal. c. 4.*

verè: Tunc assequêris, inquit, ut  
semper gaudeas, si vitæ tuæ institu-  
tum ratione omnis ad Deum colli-  
met & spectet. Hinc lugendi, tri-  
standi ac mœrendi copiosissima se-  
ges, quia non in rebus omnibus ad  
Deum collinamus. Hinc reverâ  
illæ lacrimæ. Extra Deum vagamur  
huc illuc, nec coram Deo, ut facere  
jussus est Abraham, ambulamus;  
hinc non rarò levicula quæque res  
in grandem nos luctum conjicit. De  
mago Elymâ dicitur: Cecidit in  
eum caligo & tenebræ, & circuiens  
quærebat, qui ei manum daret. His  
tenebris volutamur vagi à Deo, &  
Elymâ miseriore, nec quidem quæ-  
rimus, cui tutò manum porrigamus.  
Jobus in ærumnis omnibus unum  
Deum respexit. Hinc illæ voces  
animosissimæ: Etiam si occiderit  
me, in ipso sperabo. Tu igitur, quis-  
quis in luctu es, spera in Domino,  
expecta Dominum, viriliter age; &  
confortetur cor tuum, & sustine  
Dominum, sustine, sustine. Tantò  
autem faciliùs sustinebis Dominum,  
quantò eum attentius in rebus re-

L

spe-

spexeris. Perpetua gaudii materia,  
oculus in Deum semper reflexus.

## CAPUT XII.

*Generosissimus Iobi animus è triplici maxime  
dicto perspicitur.*

**E**Romanis vir robustissimus Fu-  
sius Salvius, ut Plinius refert,  
iis pollebat corporis viribus, ut quo-  
tiescunque collubesceret, roboris  
sui experimentum ac specimen da-  
turus, duo centenaria pondera re-  
ceperit pedibus, duo manibus, duo  
brachiis, duo humeris: ita universè  
octo centum pondiis onustus scalas  
ascendit. *a* Robur prorsus incredi-  
bile

In Jobum Satanas quatuor immi-  
sit nuntios. Quorum primus boves  
& asinas omnes abactos: Secundus  
ovium septem millia: Tertius ca-  
melos ab hoste captos: Quartus de-  
cem liberos in una domo dum men-  
sæ accumberent, miserrimè obtritotos  
nuntiabat. Adeò luctuosi erant hi  
nuntij, ut eorum quilibet, præsertim  
ultimus, duo centenaria plumbi  
pondera pectori Iob imposuerit: unde

*a Plin: l. 7. Nat: hist: c. 20.*



de nihil fuisset miri, si ad eam animi  
abjectionem, imbecillitatem, con-  
sternationem, ad illas pectoris angu-  
stias reductus, & in tanto luctu sui-  
met oblitus, jamque desperationi  
proximus, ore pleno evomisset im-  
patientiam.

At Jobus tam patiens & magna-  
nimus, ut eum hæc octo centenaria  
plumbi pondera non tantum non  
compresserint, sed in pedes erexe-  
rint, & animo cælum ascendentem  
oppidò firmarint. Antea quidem  
tacuit, nunc verò loquitur, Deumq;  
laudat, monitaque dat sapientissima.  
Videte gradientem ad sublimia, &  
per extensissimas cæli scalas pertin-  
gentem ad Dei solium. Audite quid  
dicat patientiæ Magister: Dominus  
dedit, Dominus abstulit: sit nomen  
Domini benedictum.

Videte, obsecro; actorem nostrum  
quàm præclare se gerat in divinæ  
providentiæ theatro, quàm Herois  
insigniter agat personam, non sine  
maxima voluptate cælestis Curia &  
plausu. Sed hujus tragicocomædiæ,  
nondum ultimus est actus, vix ini-  
tium. Denuò senatus Angelorum

super Jobi causam cogetur, novum  
Satanas decretum accipiet, ipsum  
Jobi corpus & animum, ipsam ejus  
valetudinem modis omnibus affli-  
gendi. Hic profectò mirissima spe-  
ctabimus, & omni nostrâ opinione  
majora. Sed prius aurea Jobi dicta,  
dicta cedro digna, eaque triplicia  
consideremus. Primum est: Nudus  
egressus sum de utero matris meæ,  
& nudus revertar illuc. Alterum:  
Dominus dedit, Dominus abstulit.  
Tertium sicut Domino placuit, ita  
factum est: Sit nomen Domini bene-  
dictum. De his quædam explicatiùs  
trademus.

Quartus ad Jobum cursor, ubi  
sermonem finiit, hæc sacer histori-  
cus verba subjungit: Tunc surrexit  
Job, & scidit vestimenta sua, tonsq;  
capite corruens in terram, adoravit,  
ac dixit: Nudus egressus sum de  
utero matris meæ, & nudus revertar  
illuc. Tres nuntios mestissimos Job  
audiit, loco suo confidens, immo-  
bilis, tanquam ea nihil ad se. At  
ubi mors decem filiorum nuntiata  
est, loco consurrexit ad luctum &  
ad longissimum funus se composuit.

Quod.

Quod vestimenta sciderit, quod comam & barbam tondere voluerit, non impatientiæ fuere signa, sed doloris summi testimonia. Vetusti hoc moris fuit, noto luctûs indicio lacerare vestem. Jacob patriarcha cum audiisset filium Ioseph à ferâ necatum, scidit vestimenta sua. *a* Rex David lugens in Saulis & Abneri funere, vestem conscidit. *b* Idem Rex Ezechias & legati ejus fecerunt. Hoc non solum apud Hebræam sed alias etiam gentes univatum, solitum & adfuetum est. Deinde Jobus testari voluit, hæc tam acerba non leniter à se sentiri, nec enim stoicum aut insensilem, sed pium & tenerrimum sensûs Philosophum.

*Tunc igitur surrexit Iob.* Hæc verba exponens Origenes: Cum inquit, surgeret, sic secum meditabatur Iob: Nunc tempus belli, nunc victoriæ acceptio, nunc coronarium compositio, nunc retributionis expectatio. *c* Qui secundo Danubio

L 3

navi-

*a* Gen. c. 36.

*b* 2 Reg. c. I. & 3.

*c* Origin: libro I. commentar. in Iob.

navigiis , aut Lyco ratibus vehuntur, cū transeundus vortex, & mo-  
 nentur à nautis , ut ad cautiorem  
 sessionem se componant ; nauticus  
 clamor auditur : *Attendite.* Cū  
 ingruunt adversa , quivis exhortetur  
 seipsum : Attende , vorticosus locus  
 est. Nunc animis opus, nunc tempus  
 belli est ; conceptam exere virtutem.  
 Ita te gere , ut Deo & omnibus Dei  
 Angelis spectatoribus te probes.  
 Pugna generosè, vince strenuè; pati-  
 entia vincit omnia. Et en tibi Iobum  
 inter vitia duo medium ! Primum  
 appellari solet stupiditas , indolen-  
 tia, insensibilitas Stoicorum : Alte-  
 rum pusillanimitas & nimius dolo-  
 ris sensus. Job sensit, ac doluit, sed à  
 Deo non recessit, pro doloribus gra-  
 tias egit. Ergo & tu simile quid aude.  
 Certantibus corona promittitur, non  
 otiantibus : Facilius erit tibi, alterius  
 exemplum imitari, quam præire. Ju-  
 vat certè seipsum sic exhortari , &  
 animare ad pugnam : Aut vince, aut  
 cælum perdidisti : age , surge , & at-  
 tende rebus tuis : nisi viceris, peristi.

Sec nec illud mysterio vacat,  
 quod

a Durch den Strudel.



quòd Jobus *scidit vestimenta sua.* Avo illo mos obtinuit, viros primarios veste pretiosa, sed scissa & lacera sepelire, ne prædones cupiditate vestium tracti exhumarent cadavera. Jobus tot ærumnis involutus sic egit, perinde si dixisset: En ego sum mortuus, mea igitur vestis sit, quæ deceat mortuum; scissa & lacera. In prælio & conflictu maritimo, si pars altera se victam credat, quicquid boni est in navi in fluctus spargit, ne præda fiat hosti. Haud aliter Jobus abjecit, quicquid impedimento futurum, aut hosti cessurum credidit. Imitemur obsecro, & ad feliciorum cum morte conflictum, bona nostra scindamus non solum cognatis, sed Christo & egenis, ne quid Diabolus suum faciat è bonis male divisis.

Prætereà Jobus, prout initia sese dabant ærumnarum, facile conjectavit post sua sibi omnia adempta, se ipsum denique cessurum in prædam, nec sibi carnificem diabolum quidquam parsurum. Ergo quod faceret lictor, Job ipsemet facit; vestes sibi detrahit & excipiendis se plagis

L 4. parat.

parat. Origenes Iobum hîc ita loquentem silit: Ecce detectum paravi corpus ad dolorum tolerantiam; tor- que, contunde, verbera. Et quoniam Jobus è libro divinæ providentiæ satis collegit, decretum esse, ut tam ipse, quàm sua familia deridiculo habeatur, aptavit igitur se superiorum decreto, & non tantum capiti diadema, sed decus etiam naturale, crines & barbam abstulit, & *Corruens in terram adoravit*. Quâ unâ re luculenter testatus est Orbi, se probè perspectum habere, à quo hæc omnia provenirent, & quod ille ademisset omnia, qui omnia dedisset. Atque hoc est, Christiani, cælestibus decretis obsequi, ac divinæ providentiæ se totum permittere. Hinc triplex illud nobilissimum, non auro solum sed & gemmis scribendum manavit dictū.

Primum. *Nudus egressus sum de utero matris meæ, & nudus revertar illuc*. Quicquid ignis & turbo abstulerunt, non meum erat; nam horum penitus nihil mecum attuli, quo die in hunc Orbem immigravi, sed nec quidquam inde auferam, cum emigravero. *Nudus egressus sum*

sum de utero matris meæ. Ita in scenam hanc prodii, ita etiam abibo. Optimè habet: meo in hunc mundum paupertino ingressui, simillimus erit egressus. Nihil attuli, nihil auferam. Cum igitur certò sciam, hæc mihi omnia relinquenda, cur non modò relinquam? Quid iuvat spes longas & inanes texere? supplicium semel subeundum, non sine supplicio differtur. Plerumque magna puniendo reo fit gratia, si expectatæ pænæ demitur mora. Quod igitur aliquando relinquendum est, jam relinquam.

Mathematicorum cum Euclide scitum est: à puncto ad punctum recta ducitur linea. Jobus inter duo extrema vitæ suæ puncta, principium & finem, rectissimam duxit lineam: Pauperrimus, ait, meus in vitam ingressus fuit; pauperrimus erit egressus è vitâ. En virum! qui ex merito suo & simplex & rectus dicatur. En quàm opportunè in memoriam revocet primum carcerem in utero matris, & secundum in utero telluris. Hæc namque illius verba sunt.

Nudus egressus sum de utero matris meæ. Genitricem suam designat, quæ ipsum novem mensibus intra viscera gestavit. *Nudus revertar illuc* ; sub terram è cuius grandi utero Adamus, & nos omnes ab ipso nepotes prodiimus, suo quisque ordine redituri. Notum cæleste carmen : In sudore vultus tui vesceris pane tuo, donec revertaris in terram, de quâ sumptus es : quia pulvis es & in pulverem reverteris.

Et nos etiam, obsecro, tam sobriè philosophemur cum Jobo, præsertim cum pecunia nobis, aut charum aliquid adimitur. Secum quisque hæc volvat : primum Carcerem meum habitavi verus homo, ubi his sarcinis nequaquam indigui, cibum, potum, vestem suppeditavit mater ; nunc ista studiis tam contentiosis quærito, ac si salus omnis, & beatitudo in illis verteretur, cum sciam hæc mihi omnia magis impedimento esse quam adjumento. Secundus carcer, in quem pertrahemur brevî, terra est. Nudus revertar illuc, nec obolum mecum asportaturus. Omnia mihi hic relinquenda, quæ temporis & ter-



& terræ sunt ; & nescio sanè hodiernâ luce an crastinâ repetantur à me, quæ mutuò accepi. Primum vitæ meæ punctum , introitus egentissimus : ultimum punctum exitus cum introitu simillimus. Cur ergo ab uno ad punctum alterum , non rectam duco lineam ? cur medium facio tam curvum ? cur inter utrumque finem pauperrimum, copiam rerum omnium & abundantiam exposco ? Nudus egressus , nudus per lineam rectam , rectissimam revertar. Hæc profectò aut non cogitamus , aut cogitantes prout par est non æstimamus , momentis suis minus exacte omnia ponderantes.

Alterum Jobi dictum : *Dominus dedit, Dominus abstulit.* Quicquid habui, alienum fuit : mutuum fuit, à Deo commodatum fuit. Quod aliquanto tempore fruendum dederit, illi sunt agendæ gratiæ , quòd suum sibi receperit , querelæ contra illum nullæ sunt movendæ. Dedit sua, abstulit sua ; postquam sum usus mutuanti gratias ago.

Ita prorsus sentiendum , ita & loquendum est. Aliter dicta , malè dicta.

dicta. Illud præcipue, *Dominus abstulit*, usque & usque accuratissime inculcandum, ut vel demum philosophiam hanc capiamus. Anno *a* quo hæc scribo, innumeræ in Europâ totâ sunt querimonie: Bavaria, Suevia, Alsatia, Austria, Silesia, Boleum, Sicambri, *b* Batavia, Gallia, Italia, Provinciæ, ac regna omnia, sua sibi queruntur erepta, & verò etiam cladium suarum auctores nominant: Ab his ducibus, ajunt, ab his legionibus, ab istis militibus tantum damni nobis illatum est. Sed age nunc, ô mea Austria, ô Boheum, ô Rhætia utraque. *c* age ô charissima Germania, vosque cæteræ provinciæ omnes, memorate vestras quasunque perpessæ rapinas estis, & incendia illa injuriasque exaggerate quantum potestis; nemo isthæc absque commiseratione audierit, nemo legerit. Quod si autem hominibus, quidquid damnorum est, impingitis, misratio in risum definit. Quia cælo aberratis, & quidem toto, toto.

Huc  
*a* Annus fuit 1633. *b* Franken.  
*c* Schwaben und Bayern.

C A P  
 Huc enim, h  
 trum Jobi paul  
 errorem deprehe  
 lanitatum audie  
 ABSTULIT  
 ABSTULIT  
 que millies rept  
 NUS ABST  
 non hostes No  
 tes hos milit  
 DOMINU  
 Sed, ô mi be  
 hic reclamant:  
 eras, ô Job, e  
 diabolus, ille  
 nes commovit  
 ores cælo dev  
 qua liberi tui  
 misso turbini  
 Chaldaei & Sa  
 Sed Jobus  
 nus, identide  
 nus abstulit, I  
 Dominus Di  
 dais & Saba  
 ferendi Iobi  
 potestate illi  
 rapere, nec  
 gere potuisse

Huc enim, huc obsecro, ad Theatrum Jobi paullulum confidete, & errorem deprehendetis, auctorem calamitatum audietis, DOMINUS ABSTULIT, DOMINUS ABSTULIT, idque centies, idque millies repetendum, DOMINUS ABSTULIT. non Dani, non hostes Nortmanni, sed qui hostes hos misit, ille ipse hoc fecit; DOMINUS ABSTULIT.

Sed, ô mi bone Job, multâ millia hic reclamant: Erras, vociferantur, erras, ô Job, erras; tua tibi abstulit diabolus, ille tempestatem & turbines commovit, ille ignem in tuas oves cælo devocavit, ille domum, in quâ liberi tui convivabantur, immisso turbine dejecit; reliquum Chaldæi & Sabæi abstulerunt.

Sed Jobus sermonis sui tenacissimus, identidem vociferatur: Dominus abstulit, Dominus abstulit. Nam Dominus Diabolo, Dominus Chaldæis & Sabæis potestatem fecit auferendi Iobo omnia. Absque hac potestate illi nec vel unam oviculam rapere, nec vel pilum quidem tangere potuissent. DEUS Chaldæis, & Sa-

Sabæis, Deus Diabolo usus est, ut instrumento. Quemadmodum igitur opus confecisse dicitur non lima, non malleus, sed opifex qui limâ & malleo est usus; ita qui licentiam dedit, qui facultatem auferentibus concessit: Dominus abstulisse firmissime credendus, & exemplo Jobi est laudandus.

Tarquinius *Superbus*, Romanorum septimus, sed ultimus Rex, cogitabat arcanum Gabios ad filium transmittere responsum. Ergo tabellarium Dominicos jussus expectantem, lentè ambulando per hortum duxit (ubi baculo summorum papaverum capita decutiebat) itaque nuntium dimisit. Quis quæso papavera truncavit, baculus an Tarquinius, qui ea non attigit? Non baculo certè, sed Tarquinio leguminum hæc cædes rectissimè tribuetur. Ita reverà Deus nos punit, sed utitur instrumentis, hominibus & diabolis, sicut & ceteris rebus creatis: Facit hæc omnia Dei manus, sed armata, vario instrumenti genere; homines & Diaboli fustes & baculi sunt, quibus nos ferit Deus, quibus spoliatur, quibus



quibus punit. Ita Dominus aufert, Dominus abstulit, Dominus aufert. Sic regna & provinciæ, sic urbes & pagi cogitent. Erepta sunt nobis nostra; Deus eripuit, sed per illos & istos. Ita quivis hominum de se rebusque suis ratiocinetur: damnum quod contraxi, Deus intulit; morbum, in quem incidi, Deus immisit; vulnus quod accepi, Deus inflixit, verum per has & has causas, per hæc & hæc instrumenta. Hinc Amos ausus est dicere: Non est malum in civitate, quod Dominus non fecerit. *a* Quod Michæas confirmavit similibus verbis: Descendit malum à Domino in portam Hierusalem. *b*

Tertium Jobi dictum: *Sicut Domino placuit, ita factum est: sit nomen Domini benedictum.* Triplicia hæc dicta tam sunt vibrantia, tam plenâ sensu & eruditione sacrâ, ut cupiam ea omnium Christianorum animis summo studio inscripta. Quidquid uspiam friati, & ad pingendum scribendumque commoliti est auri, in hujus

*a* Amos c. 3. v. 6.

*b* Mich. c. 1. v. 12.

hujus unius ornatum scripturæ in-  
sumatur : Unionum gemmarumque  
quidquid in varias dispositum figu-  
ras, per corpus & vestes hominum  
ludit, in has ipsas Jobi gnomas,  
æquissimum est, ut congeratur ex-  
primendas. Cum Cosmas mona-  
chus è dictis Athanasii quippiam  
impeniùs laudasset, Basiliius abbas  
auctorem hunc summi æstimans :  
si, aī, tinveneris aliquid ex opusculis  
Athanasii, nec habueris chartam, in  
vestimentis tuis scribe illud. *a* Ita  
ego de Iobi distis, si desit charta ;  
si pugillaribus, si membranâ careas,  
non strophio, non vestimento par-  
cas, auro scribe, gemmis exara.  
quamvis parum sit vel auro vel gem-  
mis nobilissima hæc dicta scribi :  
Omnium pectoribus velim Christi  
sanguine ita illa inscribi, ut nec de-  
leri, nec abradi, nec oblivione ulla  
exedi possint hæc ipsa verba : *Sicut*  
*Domino placuit, ita factum est.* Quod  
Deus ab omni æternitate statuit, de-  
crevit, & velut circino descripsit,  
atque ad unguem exegit, illud om-  
nino nunc fit, non minus, non am-  
plius.

*a In prato spirit. c. 40.*

C A  
pius vel pun-  
tum. Dei vo-  
rationibus est  
nis amantissi-  
dentiam divi-  
veneror & ad-  
absque provid-  
me a nemine  
di posse. Ego  
um, sol meu-  
lucet, ad hur-  
to, illi me toti-  
sacro, ad or-  
conformo. S-  
ita factum est  
rum est.

*Sic nomen I.*  
melos cygnar-  
o symphoniar-  
quam omnes.  
tam cælum n-  
diat. In adven-  
longè optima-  
sum : ipsi Ar-  
ducentur ; in-  
cant. Nam si  
illud, Sanctus  
cile expedit v-  
qui annumeri-

plius vel punctulo, quam destinatum. Dei voluntas mihi pro mille rationibus est. Hanc pronissimis ulnis amantissimè complector: Providentiam divinam in rebus omnibus veneror & adoro, quia certus sum, absque providentiæ divinæ licentiâ, me à nemine vel culmo quidem lædi posse. Ego sum vile Heliotropium, sol meus supra me in excelsolucet, ad hunc solem meum me verito, illi me totum debeo, totum consacro, ad omnes illius nutus me conformo. Sicut Domino placuit, ita factum est, ita fiet, ita futurum est.

*Sit nomen Domini benedictum. O melos cygnæum! ô cæleste canticû! ô symphoniam longè suavissimam! quam omnes Angeli, quam vel totum cælum non sine voluptate audiat. In adversis Deo gratias agere, longè optima est musica extra cælum: ipsi Angeli non suavius modulentur; imò hîc à nobis illi discant. Nam suum Angelis trifagion illud, Sanctus, Sanctus, Sanctus, facile expedit vita sine dolore; Nos qui innumeris colluctamur malis,*

rem certè magnam præstamus, si etiam inter dolores Deo gratias agimus. O Jobe, vel inter miseras extremas beatissime, qui in maximo luctu cantilenam multò dulcissimam cecinisti: *Sit nomen Domini benedictum.* Quis, ô virorum patientissime, quis tibi tuum tam lætuni, Deo gratias, dictavit, nisi æquanimitas & patientia constantissima? Hanc Gregorius Nazianzenus considerans: Gratias ago, inquit, ut in rebus lætis, ita etiam in acerbis, quandoquidem illud exploratum habeo, nihil rerum nostrarum apud summam Rationem expers esse rationis.

Quisquis in omnibus adversis tam contra Diabolum quàm diaboli afsecas cupit esse munitissimus, hoc triplex Jobi dictum veluti septemplex scutum sibi oppandat.

1. *Nudus egressus sum de utero matris meæ, & nudus revertar illuc.*
2. *Dominus dedit, Dominus abstulit.*
3. *Sicut Domino placuit, ita factum est: sit nomen Domini benedictum.*

Atque

Atque hoc æ  
nec Iobis Duc  
qua omnes ho  
ritus, quã  
plumbeas om  
catapulta tripi  
colorum phala  
impendiis max

Iobis Virtus à  
elevata, ulte  
S I ab Orbe  
unquam,  
cum Jobo con  
est gravissimo.  
nam spondi  
cigulus. Ne  
posse, quin Jo  
tates, post aba  
los liberos ex  
entiam, & D  
Sed spe suã tu  
cinianus pug  
tantem & ho  
norem laus  
hunc modum  
his non pecca  
que stultum,



Atque hoc æs triplex circa pectus:  
 hæc Ioabi Ducis lancea tricuspis est,  
 quâ omnes hostes sternamus, quâ  
 ictus, quâ plagas, quâ glandes  
 plumbeas omnes excamus. Hæc  
 catapulta triplex totas ridet Dia-  
 bolorum phalangas. Tam levibus  
 impendiis maximæ stant victoriæ.

## CAPUT XIII.

*Iobi Virtus à Satana per calumniam  
 elevata, ulterius exercenda datur.*

**S**I ab Orbe condito cacodæmon  
 unquam, certè in quadruplici  
 cum Jobo conflictu, pudore affectus  
 est gravissimo. Indubiam sibi victo-  
 riam spondit nequam hic menda-  
 cifigulus. Nec enim credidit fieri  
 posse, quin Jobus post ereptas facul-  
 tates, post abactos greges, post occi-  
 sos liberos exardesceret in impati-  
 entiam, & Deum violaret linguâ.  
 Sed spe suâ turpissimè falsus est Or-  
 cinianus pugil. Nam Jobum cer-  
 tantem & hostibus omnibus supe-  
 riorem laus desuper adveniens in  
 hunc modum mactavit. In omnibus  
 his non peccavit Job labiis suis, ne-  
 que stultum quid contra Deum lo-  
 cutus

cutus est. *a* Non tantum non convitia, non blasphemias, non impiani vocem ullam in Deum jecit, non ex-candescentiæ ignes evomuit, sed Deum etiam laudavit, divinam in se animadversionem approbavit, Deo pro tam acerbis offis gratias egit. Hoc autem inde provenit, quia in se suisque omnibus divinam & plane paternam providentiam agnovit, ei-que se totum perfectissimè commisit. Ita Jobus cacodæmonem non tantum pudore horribili affecit, sed longè gravius percussit, quam ipse à cacodæmone vapulârat. Quâ de re Origenes pulcherrimè differens: Non tantum, inquit, tetigerunt Diaboli sagittæ Jobum, quantum Diabolum vulneraverunt Jobi gratiarum actiones. *b* Hæc ardua patientia & patiens constantia mirificè à priscis Patribus laudatur. Hos inter facundissimè Chrysostomus: Fortiter, inquit, colluctatus est Diabolus, sed athletam vincere non potuit. Immanes suscitavit fluctus, sed firmissimam petram movere non valuit;

*a* Job: c. I. v. 22.

*b* Orig: l. I. in Job.

C A P  
valuit, machin  
sed currim val  
arborem con  
dejecit, ramos  
radici nihil no  
tarit, sed the  
tuit. In omni  
Job labiis suis  
Nimirum  
eter nam sic  
inde nullus e  
vellere. Stetit  
tientiſſimus,  
propter denu  
convocatus e  
Quid in san  
dusum sit, c  
cessum, ita ex  
codicamus,  
cacodæmon  
& quam nec  
pelle, in sena  
Primas qu  
duplicem a  
tantâ patien  
stantiâ Job  
sua ipse me  
doluerit se  
pugnari. H

## CAPUT XIII. 181

valuit; machinationes suas adhibuit, sed turrim validissimam non stravit; arborem concussit, sed poma non dejecit, ramos quidem confregit, sed radici nihil nocuit; parietem perforavit, sed thesauros auferre non potuit. In omnibus his non peccavit Job labiis suis.

Nimirum Jobus providentiam æter nam sic arctè complexus est, ut inde nullus eum turbo potuerit avellere. Stetit ut Marpesia cautes, patientissimus, constantissimus. Quapropter denuò, & jam secundum convocatus est Angelorum senatus. Quid in sanctiore hoc concilio conclusum sit, quantum Diabolo concessum, ita exponemus, ut primo loco dicamus, quam sævam sitim alat acodæmon in nostram perniciem, & quam nequiter illud, *pellem pro pelle*, in senatu allegarit.

Primās quatuor tentationes, quadruplicem acerbum sanè mœrorem tantâ patientiâ, magnanimitate, constantiâ Iobus sustinuit, ut Diabolus sua ipse mendacia erubescens, plus doluerit se vinci, quam Iobus se oppugnari. Hinc non invitus credam,

ad alterum hoc concilium cacodæmonem, tanquam aperte invidum & mendacem, vi vocatum in jus, ut rem se fateretur; qui Jobum innocentem falso accusasset. Hinc etiam post primam illam tempestatem multò sævissimam pauculi dies, aliquid certe temporis elapsum est, dum senatus Angelorum denud coisset; de quo sacer Historicus ita loquitur: Factum est autem, cum quadam die venissent filii Dei, & starent coram Domino, venisset quoque Satan inter eos, & staret in conspectu ejus, ut diceret Dominus ad Satan: Unde venis? Qui respondens ait: Circuivi terram, & perambulavi eam. Et dixit Dominus ad Satan: Nunquid considerasti servum meum Iob, quod non sit ei similis in terra, vir simplex & rectus ac timens Deum, & recedens à malo, & adhuc retinens innocentiam? Tu autem commovisti me adversus eum, ut affligerem eum frustra. Cui respondens Satan ait: pellem pro pelle, & cuncta quæ habet homo dabit pro anima suâ.

Quem Christus Mundi principem

rem appellat in  
bis circuitores  
terram, inquit  
Post spatiosam  
adfuit ad An  
quissimus amb  
no ferebatur c  
Iobum uberri  
quit, commo  
ut affligerem e  
mores induit  
senator, & hinc  
ait, & unâ I  
ut augeter, &  
adligeret, A  
tiam.

Videte pro  
muneratione  
titer, & vicit;  
novis ornatu  
mens innocent  
me veterato  
triumphum,  
sti trophæa,  
apertissimis c  
sa est iam sp  
re, ut Iob  
mus in imp  
in Deum vo



pem appellat in cænaculo, is sese Orbis circuitorem vocans : Circuivi terram, inquit, & perambulavi eam. Post spatiosam hanc ambulationem adfuit ad Angelorum curiam nequissimus ambulator, sed quia silentio fatebatur culpam, præses curiæ Iobum uberrimè laudans : Tu, inquit, commovisti me adversus eum, ut affligerem eum frustra. Humanos mores induit hoc sermone summus senator, & hinc frustra se commotum ait, & unà Iobi laudes ita repetiit, ut augeret, & illud insuper elegii adiiceret, *Adhuc retinens innocentiam.*

Videte promptissimam virtutis remunerationem. Pugnavit Iobus fortiter, & vicit ; mox à cælitum senatu novis ornatur titulis : *Et adhuc retinens innocentiam.* Tu verò nequissime veterator ante prælium cecinisti triumphum, & ante victoriam erexisti trophæa, atque innocentiam Iobi apertissimis onerasti mendaciis. Elusa est iam spes tua, quâ credebas fore, ut Iobus undequaque afflictissimus in impatientiam versus, impias in Deum voces spargeret. Nihil mi-

mus fecit. Laudavit Deum, Deo gratias egit. Ita post omnes tentationes tuas, post admotas quascunque machinas, post luctus & animi dolores acerbissimos. *Adhuc retinet innocentiam.*

Hic Diabolus novam accusationis caliditatem commentus: Pellem pro pelle inquit, & cuncta quæ habet homo dabit, pro animâ suâ. Advertite obsecro, ut astutissimus mango mendacia sua colorare, & facis suis mantellum obviam possit mittere: Job, inquit, pelli suæ meruit: pellis propria, pellis perchara. Pelles alienas pecoris, sed & liberorum discerpi, aut afferri non adeo iniquè tulit, modò ille suam servet integram. Pretiosissima rerum omnium valetudo & vita, & ideò etiam charissima. Periculum pecuniæ facilè negligimus, modò non subeamus valetudinis & vitæ. Fortassis grave sit alicui, egere; sed multò gravissimum est non valere; non vivere. Modò Job vivus & sanus sit, quid tum, si sit egenus? Alioquin mitte manum tuam, & tange os ejus, & tunc videbis quòd in faciem benedicat tibi. *a*

Accusatio nova, sed mendacissima; & quam exitus rei docebit meram fuisse calumniam. Divina ergo providentia cum ab omni æternitate prævidisset, quomodo Jobus in altero etiam congressu pugnaturus & triumphaturus esset, licentiam de-

dit.

*a Job: c. 2. v. 5.*

C A P  
sit Diabolo:  
ut, ut veller,  
tam. Itaque i  
sententia & f  
debatur adve  
in maximam  
tatem. Verba  
in manu tu  
mam illius se  
Quam adu  
dentia in hoc  
codamoni m  
torum. Ver  
serva. Adme  
bolo & affec  
idque ad ung  
possint, nec  
quam iis De  
itus in Olive  
vestra, & po  
hic diabolo  
quousque  
Animam il  
intellectum  
insensibilis, &  
enim omnis  
promeritum  
Vult ig

*a Ib: v.*

dit Diabolo : vexaret eum, & affligeret, ut vellet, modò non eriperet vitam. Itaque jam secundùm lata est sententia & fixum decretum, ut videbatur adversus Iobum, sed reverà in maximam Iobi laudem ac felicitatem. Verba decreti sunt ista: Ecce in manu tuâ est, verumtamen animam illius serva. *a*

Quàm admirabilem se Dei providentia in hoc theatro exhibet! Cacodæmoni multum permittitur, non totum. *Veruntamen animam illius serva.* Admetitur Deus omnem diabolo & affectis diaboli potestatem, idque ad unguiculum, ut plura non possint, nec ultra nocere valeant, quàm iis Deus permittat. Ideò Christus in Oliveto dixit: Hæc est hora vestra, & potestas tenebrarum. *b* Ita hic diabolo exactissimè præscribitur quousque liceat Iobum cruciare: *Animam illius serva*; rationem & intellectum ne turba, unde stupidus, insensilis, mente alienatus fiat. Sic enim omnis Iobi virtus intercidisset, promeritum omne cessasset.

Vult igitur divina providentia  
M 5 suis

*a* Ib: v. 6. *b* Luc. c. 22.

suis nec punctulum temporis peri-  
 re, ut nullæ actiones eorum suo pri-  
 ventur præmio ac mercede. Dein-  
 de si permisisset Deus Jobum in fu-  
 rorem aut mentis alienationem agi,  
 omnem sibi & Angelis abstulisset  
 voluptatem illius spectaculi, quo he-  
 ros iste tam graviter vulneratus, to-  
 ties dejectus, tamen validius confur-  
 rexit & stetit, hosti restitit, patien-  
 tiam auxit, Deum laudavit. Ecce  
 spectaculum dignum, ait Seneca, ad  
 quod respiciat, intentus operi suo  
 Deus: Vir fortis cum malâ fortunâ  
 compositus. <sup>a</sup> Et certè si placeat  
 Deo, animi gratiâ (loquitur ut ho-  
 mines) è cælo prospicere, nil pul-  
 chrius in Orbe spectabit quam ma-  
 gnanimum ac patientem virum inter  
 ruinas stantem & erectum. Ergo  
 præceptum est Diabolo: Animam  
 illius serva; crucia, torque, flagella,  
 percutite, ut vis, tantum ei vitam  
 non adime. Videte quàm sollicitè  
 Deus suos suorumque vitam atten-  
 dat! Custodit Dominus omnia ossa  
 eorum; unum ex his non contere-  
 tur. <sup>b</sup>

Sed

<sup>a</sup> Sen. de provid. c. 2.

<sup>b</sup> Psal. 33. v. 21.



Sed perpendamus hic etiam inextinguibilem diaboli sitim in perniciem humanam. Monet & proclamatur præco cælestis: Væ terræ & mari, quia descendit diabolus ad vos habens iram magnam. <sup>a</sup> Animula unica, si spes sit ad seducendum, plus est cacodæmoni, quàm omnia regna Mundi. Felis eo appetitu in mures fertur, ut impransâ & incænata totos dies ad unius musculi cavum excubet & infidietur, adeò hanc aprugnam esurit. Sed multò vigilantior felle diabolus in seducendis hominibus; nonnunquam enim quinquaginta, sexaginta, sed & octoginta, sed & centum annis observat ac infidiatur, ut vel unicam seducat animam; patientissimæ felis. Neque verò sævissimus tantum, sed & callidissimus est hic fallendi artifex. <sup>b</sup>

*Cui nomina mille,  
Mille nocendi artes.*

Indumentum ejus è Leoninâ & vulpinâ pelle confarcinatum, uti vestes morionum apud nos cuneato seg-

<sup>a</sup> Apoc. c. 12. v. 12.

<sup>b</sup> Virgil. l. 6. Æneid.

semine *a* suuntur. Lyfander dux Lacedemonum dicere solebat: Quò non pertingit Leonina, ibi assuenda est vulpina pellis. Hac vafricie incredibiliter excellit. Taxiarchus *b* ex orco. Nam subinde ut latro ex insidiis oppugnat; nos cum hoste pugnamus invisibili. Subinde ut famelicus lupo nos oviculas imbecilles invadit: Nonnunquam ut rapax Leo in nos pugnat, & insidiatores oculos nec momento quidem à nobis avertit. Imò totus est lèo, totus est vulpes, totus crudelitas & dolus. Mille astutias comminiscitur, mille larvas sumit, mille machinas in nos commolitur. Idcirco caput Apostolorum clamat: Sobrii estote & vigilate, quia adversarius vester Diabolus tanquam leo rugiens circuit, quærens quem devoret. *c* Si quando bos efferatus fune rupto vagatur urbe, omnes viâ cedunt & latebras quærunt: Hic è styge taurus ferocissimus magis fugiendus; cornu ferit, caveo. De Acheruntæo hoc

*a* Gespicket Narrenleide.

*b* Geldweibel.

*c* Pet. c. 5. v. 8.

C. A. M.  
hoc tauro Io  
nicida erat a  
ferinum, nil  
ferim in cor  
randas tenta  
melicos gula  
na, multos  
quærenda,  
ut. Hos veste  
linum blan  
onium. Ergo  
late.  
Verum &  
sicutum consi  
pelle. Suacu  
ut cum eam  
alias pelles n  
vita cuius ta  
thesauris om  
que omnia p  
tinere vita  
docente, pel  
& exuvias v  
nec sine gran  
ta duo arcti  
nitur pene  
um absterg  
entur oculi,

a Ioan. c.

hoc tauro Ioannes monet : Ille homicida erat ab initio. *a* Et quod miserimum, nil pænè in nobis est, præferrim in corpore, quod illi ad parandas tentationes non serviat. Famelicos gulâ, saturos tentat luxuriâ, multos pecuniâ quæsitâ, alios quærendâ, quosdam perditâ irritat. Hos vestium pompâ, illos libidinum blandâ nequitia, hostis omnium. Ergo sobrii estote, & vigilate.

Verùm & illud stygii accusatoris dictum considerandum : *Pellem pro pelle.* Sua cuique pellis tam cara est, ut cum eam retinere finitur, mille alias pelles non invitus perdat. Hæc vita cuius tam pretiosa est, & præthesauris omnibus dilectâ, ut denique omnia projiciamus, modò liceat retinere vitam. Serpens, naturâ id docente, pellem pro pelle relinquit, & exuvias veteres novis permutat, nec sine grandi labore : nam per saxa duo arctius junctâ, operosissimè nititur penetrare, & ita senile tergum abstergere, quantumvis laceantur oculi, decurtetur syrma ; hæc enim

enim sperat renascitura. Qui in eodem cum tauro, circo componitur ad pugnam, non pileum curat, non pallium, non bardocucullum, a sed vitam; modò evadat vivus, sat vicit. Cùm in mari periculum est naufragii, nullis thesauris parcitur, non aromatibus, non frumento, non cedro, non corio, non aliis quibuscunque mercibus, ducentæ, aut etiam trecentæ sacchari cistæ, ipsæ argenti laminæ in fluctus sparguntur, modò liceat retinere vitam. Quantum animalcula etiam minima pugnant, pro vitâ? vermiculus pede leviter calcatus, ut in omnem se partem torquet, ne vitæ quid perdat! Pecudes atque aves faucibus, ut omnibus se modis defendunt, ne vivere desinant! Magis hic vitæ amor in hominibus elucet. Qui in latronum cruentas manus delabitur, si vim vi repellere nequeat, promptus & arma & pecuniam, & vestes, & quicquid pretii est, porrigit, dum modò vitam inde auferat. Ægrotus & morbis gravioribus fractus, si vel modica spes vitæ alluceat, omnes

suas

a Spanische Rapp.

C A  
 suas facultat  
 modo vivat  
 a vivere, c  
 possidet, nor  
 est lucis hujus  
 illa quæ f  
 at annis d  
 a medicos c  
 am, nec ab  
 magis deterin  
 gis iape no  
 tumos, sed  
 isque memb  
 a animæqu  
 mus, modò v  
 misere serven  
 cis hujus anl  
 ce est, vel i  
 re. Pellem  
 O Mortal  
 num plenissi  
 brevi penite  
 men est, ut  
 mille solun  
 orium aut b  
 at pellem h

a Matth  
 v. 3.  
 Luca c.



suas facultates in medicos dissipat, modo vivat; imò mavult valere ac vivere, quàm quicquid rerum possidet, non perdere: tanta libido est lucis hujus propagandæ. Ita mulier illa quæ fluxu sanguinis laborabat annis duodecim: erogaverat in medicos omnem substantiam suam, nec ab ullo potuit curari, sed magis deterius habebat. *a* Chirurgis sæpe non pecuniam tantum & numos, sed & ipsum corpus, corporisque membra, & quasi partem vitæ animæque dimidium impendimus, modo vitam, quantumcunque miserè servemus, adeò tenax est lucis hujus ambitiosa mortalitas. Dulce est, vel in cruce pendentem, vivere. Pellem pro pelle.

O Mortales, si vita hæc ærumnarum plenissima, & quicquid fiat, brevi penitus deferenda, tanti tamen est, ut prompti ac lubentes non mille solum, sed centum millibus ovium aut boum pelles detrahamus, ut pellem hanc unicam nostri corporis

*a* *Matth. c. 9. v. 18. Marc. c. 8.*

*v. 3. 2.*

*Luca c. 8. v. 43.*

poris paullò diutius retineamus; cur nostras non simul omnes sarcinulas dimittimus, ut immortalem vitam, ut æternas voluptates, ut thesauros nunquam defecturos comparenus? cur ad colligendos filices tam effusi ac prodigi, ad comparandas gemmas tam tenaces & parci sumus? Ah, quàm imperiti & stolidi mercatores! Beati cælites irrident nos, quod equum mutemus gingriâ. <sup>a</sup> Christus cælestis gemmarius ad intelligenda rerum pretia nos erudiens: simile est, inquit, regnum cælorum homini negotiatori quærenti bonas margaritas. Inventâ autem unâ pretiosâ margaritâ, abiit, & vendidit omnia quæ habuit & emit eam. <sup>b</sup>

Iosephus in manibus heræ pallium reliquit, & cum eo pænè omnem felicitatem suam. Nam facile conjectare poterat, se graviter accusandum, insuper in vincula, fortassis etiam in crucem rapiendum. Non refert, inquit, modò non violenter innocentiam, modò non amittere æternitatem beatam. Ita & nos in rebus

<sup>a</sup> Ein Ros umh ein Pfeiffen.

<sup>b</sup> Matth. c. 13. v. 45. & seq.

C A  
rebus omnib  
leant numm  
leant volupt  
tores, vana  
leat valerud  
non perdam  
pelle. De C  
saltes: ext  
lem. Quicq  
sum videtur  
sta pecori pe  
hanc pellem  
lites tegit. F  
tum commu

C A  
Deus voluntat  
benes quam  
Satana c

H Istoria  
omni æ  
mines in ex  
tutis propo  
Agamemne  
cipem oppi  
alii, quid f  
lo contem

## C A P U T. XIV. 193

rebus omnibus philosophemur. Valeant nummi, valeant honores, valeant voluptates, humani valeant favores, vana valeant solatia, ipsa valeat valetudo & vita, modò vitam non perdam æternam. Pellem pro pelle. De Orbibus cælestibus canit psaltes: extendens cælum sicut pellem. Quicquid in hoc Orbe pretiosum videtur aut voluptarium, detracta pecori pellis est. Ah, mittamus hanc pellem, pro pelle illâ, quæ cælitates tegit. Felix permutatio, quæ lutum commutat auro.

---

## C A P U T XIV.

*Deus voluntatis suæ executores habet tam bonos quàm impios spiritus. Iobi corpus Satana committitur affligendum.*

**H**istoria tam sacra quàm profana omni ævo eximios quosdam homines in exemplum æmulandæ virtutis proposuit. Homerus regem Agamemnonem producit, ut principem oppidò prudentem, in quo alii, quid se deceat, velut in speculo contemplantur. Sic Achillem

N                      ob

ob oculos ponit. Ita Maro Æneam sapientem & pium regem prædicat. Ita suum poetæ Herculem canunt, ubique invictum, omnibus terrarum monstris imperio novercali objectum, qui labore ac patientiâ domuisset omnia. Ita suum Xenophon Cyrus extollit, in quo reges & monarchæ omnes, heroicæ virtutis specimen spectarent. Sed multa sanè finxerunt hi boni scriptores de iis, quos imitandos in alto statuerunt. Cyrus aliique reges depicti sunt, non quales fuerint, sed quales esse debuerint. Hos igitur pictores hoc loco cum veniâ jubemus plurimum valere. Certiorem hîc condimus historiam, de Jobo scriptam.

Patientia cum in Orbe hoc humanis in rebus omnibus summè sit necessaria, providentissimus Deus ab omni ævo homines sibi duos elegit, qui humanum genus patientiam docerent, & verbis & exemplis. Primus in lege priscâ Iob fuit. Alter in novâ Dominus Iesus, Dei filius. Hîc videre prorsus est, quantum honoris Deus præstiterit Iobo, quem elegit, ut veluti Collega esset Christi filii

Quoniam

C A  
Quemadmo  
Theologia  
fant, quoru  
iste pomeridi  
Ira Iobus p  
meridianus  
Dominus.  
verba sunt c  
Verbum sup  
Nec Pati  
Ad opus  
Venit ad  
Casar Baro  
giodie nasc  
timâ Mund  
præsepi visu  
patientia  
de Iobo. Q  
hactenus et  
lusius possu  
Nos hoc  
Primum, q  
habeat exe  
uno, sed p  
tum esse Ie  
ter illius et  
a Hyn  
Cor



Quemadmodum in unâ eâdemque  
Theologiæ scholâ gemini doctores  
sunt, quorum ille antemeridianum,  
iste pomeridianum tempus occupat.  
Ita Iobus patientiæ professor ante-  
meridianus; pomeridianus Christus  
Dominus. Eò Thomæ Aquinatis  
verba sunt capienda :

*Verbum supernum prodiens,  
Nec Patris linguens dexteram,  
Ad opus suum exiens,  
Venit ad vitæ vesperam a.*

Cæsar Baronius in suo martyrolo-  
gio die nascentis Christi, sextâ & ul-  
timâ Mundi ætate Dei Filium in  
præsepi visum affirmat. De Christo  
patientiæ præceptore aliàs. Nunc  
de Iobo. Quæ Hussæus iste princeps  
hactenus est passus, videri jocus &  
lusus possunt ad ea, quæ sequuntur.  
Nos hoc capite duo exequemur :  
Primum, quales Deus suppliciorum  
habeat executores. Alterum, non  
uno, sed pluribus morbis conficta-  
tum esse Iobum, & in quo singulari-  
ter illius eluxerit patientia.

N 2

Quam

*a Hymnus ex laudibus in Festa  
Corporis Christi.*

Quam primum à Curia cælesti editum est decretum, de Jobo variis morbis vexando, Diabolus ipsis velocior Euris, mox invasit Jobum, gravitate valetudinis teterrimâ. Egressus igitur Satan à facie Domini, percussit Job ulcere pessimo, à plantâ pedis usque ad verticem ejus.

<sup>a</sup> Hic ante omnia in hoc theatro providentiam divinam considerate, quos ea Triumviros capitales, quos lictores, quales habeat tortores & carnifices. Ad hoc muneris Cælestes & Avernales, boni & mali Angeli adhibentur, prout Deo visum. Angeli sancti florentissimas quinque civitates Sodomam, Gomorrham, Seboim, Adamam incendiis deleverunt. Assyriorum pænè ducenta millia in Sennacheribi castris occiderunt. Patriarcham Jacob Angelus in femore mutilavit <sup>b</sup> Angelus ævo Davidis septuaginta millia hominum peste jugulavit. Quod Regum Chronicon affirmat: Misit Angelum Dominus in Hierusalem ut percuteret eam. Angeli duo Heliodorum æra-

<sup>a</sup> Job. c. 2. v. 7.

<sup>b</sup> Gen. c. 32.

C A P  
so facto imm  
Angelus per  
vernum a  
titerierit. b A  
bitatur, bonu  
tum, quem li  
Domini app  
Angelis super  
viris capit  
angeli, ait, fin  
cipiunt, ætern  
Sed etiam  
plicia Deus  
quod regius  
ones per Ar  
tos, qui mu  
cit ab extern  
ritus Saul R  
am spiritus.  
De eisdem  
apparitorib  
fortes meos  
vasa furor  
ninem terr

a 2. M

c Aug

d Ps: 7

e 1. Co

f Is: c.

io sacro imminentem flagellarunt.  
*a* Angelus percussit Herodem, ut inter vermium agmina spirans cadaver interierit. *b* Alphonfus Tostatus arbitratur, bonum Angelum designarium, quem litteræ divinæ Angelum Domini appellant. Augustinus de Angelis superioribus, velut de Triumviris capitalibus differens: sancti angeli, ait, sine irâ puniunt, quos accipiunt, æternâ lege Dei puniēdos. *c*

Sed etiam per Angelos malos supplicia Deus irrogat. Sunt enim, quod regius vates testatur, immisiones per Angelos malos. *d* Paulus eos, qui murmuraverunt, periisse dicit ab exterminatore. *e* Ita malus spiritus Saul Regem invasit. Malus etiam spiritus Achabum regem decepit. De eisdem Angelis divinæ vindictæ apparitoribus Isaias: Vocavi, ait, fortes meos in ira meâ. Dominus, & vasa furoris ejus, ut disperdat omnem terram. *f* De seipso Paulus:

N 3

Datus

*a* 2. Mach: c. 3. *b* Actor. c. 12.

*c* Aug: l. 9. de civit. c. 5.

*d* Ps: 77. v. 49.

*e* 1. Cor: c. 10. v. 10.

*f* Is: c. 13. v. 3. & 5.



Datus est mihi stimulus carnis meæ, inquit, Angelus Satanæ, qui me colaphizet: *a* Augustinus putat vehementissimum corporis dolorem fuisse. Et in hominem impurum atque incestificum excandescens: ludicavi, ait, tradere huiusmodi Satanæ in interitum carnis. *b* Quod confirmans Augustinus: Doctores autem corporum, inquit, plerunque immittuntur ab Angelis Satanæ. In Iobo res liquida: percussit eum Diabolus ulcere pessimo. Ita bonis & malis Angelis Deus utitur in inferendis suppliciis.

Romani veteres spectaculis & commissionibus bestiarum diversis plurimum sunt delectati. Nonnunquam vix dies suffecit in hanc voluptatem. Et hinc Amphitheatrum, Cavea, Colissæum, re parum discrepantia. Capitolinus asserit, frequenter die uno centum feras Lybicas, centum leones, centum tigrides, subinde ursos mille spectaculo productos. Qui commisi cum bestis, dicti sunt bestiarii. Christiani ut plurimum ad has pugnas damnati. Eam ob causam

Igna-

*a* 2 Cor. c. 12. v. 7.

*b* 1 Cor. c. 5. v. 3.

C A  
Ignatius An  
que innum  
tis objicer  
desuerunt,  
nati, ad har  
Hec specta  
tima, cum i  
Hic mur  
quæ Deus f  
ejus minit  
enim Diab  
dunt, id l  
lunt. *a* Idci  
iamanes in  
veâ conclu  
spectaculo  
Angelis ju  
in Iobum  
Deo quint  
impetu af  
ves altero:  
beros; hoc  
este animi  
In fun  
hec pauca  
ceribus pl  
esse medi



Ignatius Antiochenus Antistes alii-  
que innumeri Romam missi, ut be-  
stiis objicerentur. Cùm Christiani  
defuerunt, gladiatores & capite dam-  
nati, ad hanc lanienā auctorati sunt.  
Hęc spectatorum olim voluptas ma-  
xima, cùm in hominē emissā est fera.

Hic mundus est instar Caveæ, in  
quā Deus suas alit feras, Diabolos &  
ejus ministros, homines malos. Quod  
enim Diabolorum machinæ non le-  
dunt, id hominum technæ convel-  
lunt. Idcirco non miremur, si subitò  
immanes in nos feræ provolent: Ca-  
veâ conclusi sumus. Hęc cæli sunt  
spectaculo. Has pugnas arbitrari vel  
Angelis jucundum est. Ita Diabolus  
in Iobum velut leo furiosissimus à  
Deo quintum emissus, primo quidē  
impetu asinas & boves abripuit; o-  
ves altero; tertio camelos; quarto li-  
beros; hoc quinto valetudinem. Ad-  
este animis, spectabitis micissima.

In fundamenti locum ponimus  
hec pauca. Ne suspicemur Iobum ul-  
ceribus plenū fuisse, uti nostri solent  
esse medici, qui pedes aut alias cor-

N 4

poris

a Wo der Teuffel nit hin kan/da  
schickt er seinen Boten.

poris partes copioso pure tabidas monstrant. Merum pus, ulcus merum Job fuit, morbos ultra vicos habuit, idque non unâ solum alterâve hebdomade, sed annis pluribus; & ad eam quidem inopiam redactus, adeoque desertus ab omnibus, ut ad finetum denique non suum, sed urbis, & publicum sit deportatus. Jobum diversis ac pluribus morbis conflictatum testis luculentus Origenes. Nullum reliquit supplicium, ait, neque pœnam, neque dolorem; putredinem, vermes, ossium divisionem, nervorum fatigationem, membrorum debilitationem, atque totius carnalis compaginis passionem atque dolorem (attendite ægroti) jaceri non poterat, stare aut sedere non valebat, requiem non habebat, resumptionem non inveniebat. <sup>a</sup>

Nil ultra verum dixit Origenes. At seriò illud expendamus. Percussit Job ulcere pessimo, à plantâ pedis, usque ad verticem ejus. Nihil in eo sani, solâ exceptâ linguâ, quam unam non sine astu Diabolus voluit esse illæsanî; Ut haberet Iob,

<sup>a</sup> Origenes in Iobum.

quo

C A  
quo Deo m  
tum peperi  
as in Dei  
gratiis suis  
Numinis la  
Deinde  
diversæ, n  
morbis, ut  
nervi, veni  
silium erat  
dere, sed  
etiam ossi  
mè torquer  
corporis m  
bis, dolori  
rentur, idq  
Et perpe  
Diaboli fu  
in Jobum  
tentationi  
niter vict  
mentem v  
norum cri  
membrati  
ita, ut nin  
tarent, &  
tæ craticu  
mus infat

a Scat

quo Deo malediceret. Verū in caput suum pepercerat. Nam unde blasphemias in Deū sperabat Alastor, inde in gratiis suis non nisi meras merissimas Numinis laudes coactus est audire.

Deinde Corporis partes in Jobo diversæ, non iisdem cruciabantur morbis, uti sunt carnes, cutis, ossa, nervi, venæ, viscera. Diaboli consilium erat, non cutim tandem radere, sed carnes & ossa ipsa, ipsas etiam ossium medullas immanissimè torquere; ita prorsus, ut omnia corporis membra singularibus morbis, doloribus & cruciatibus affligerentur, idque annis pluribus.

Et perpendatur, obsecro, acerrimus Diaboli furor & invidia crudelissima in Jobum concepta, à quo primis tentationum congressibus tam insigniter victus ac triumphatus est. In mentem veniat ingeniosa tot tyrannorum crudelitas, quæ Christianos membratim & stillatim jussit perire; ita, ut nimium quantum se mori sentirent, & qualia fuere tormenta, lentæ craticulæ, suspensæ caveæ, scaphismus infandus, a quem rectè appelles

N 5

quin-

a *Scaphismum alibi explicamus.*



quindecim dierum acerbissimam mortem. sed nihil est hoc ad ingenium & tyrannidem Diaboli, qui ad excogitandos dolores subtilissimæ celeritatis est; cui mille cruciatus in expedito sunt. In Iobò autem cruciando id solum cavere debuit, ne doloribus vitā eriperet, quod illi non erat difficile, cui facile fuit vitales partes in novam identidem lanienā reficere, aut nunquā nimium lædere.

Profectò Iobus ipse dolorum suorum optimus interpres, non unum duntaxat morbum nec dolorem fuisse unum multiplici gemitu explanans: verba mea, inquit, dolore plena sunt. Ego ille quondam opulentus, repente contritus sum. Tenuit cervicem meam, confregit me, & posuit me sibi quasi in signum. Circumdedit me lanceis suis, Convulneravit lumbos meos; non pepercit, & effudit in terrā viscera mea. Conscidit me vulnere super vulnus, irruit in me quasi gigas. Quia sagittæ Domini inime sunt, quarum indignatio ebibit spiritum meum & terrores Domini militant contra me. Quæ est fortitudo mea, ut sustineam?

Facies

C  
Facies me  
pebræ me  
tem oppre  
hilu redac  
Ademp  
earum vic  
gravissimo  
ti comprel  
plenus ac i  
gittis à Do  
pum emiss  
kiano inte  
gorgillo co  
nienti geni  
rari potuiss  
illa: effudit  
usq; summ  
tus dixit: C  
vulnus. H  
culos effle  
In tanti  
teri sermone  
rendæ fuit  
tia, Patient  
bo prorsus  
rum hic ill  
Animus b  
mali

2 Iob c



Facies mea intumuit à fletu, & palpebræ meæ caligaverunt. Nunc autem oppressit me doler meus, & in nihilū redacti sunt omnes artus mei. α.

Ademptas ait fortunas omnes, in earum vicem immisos sibi dolores gravissimos, ossa sua velut in torculari compressa. Sicut autem erinaceus plenus ac horrens aculeis, ita Iob sagittis à Domino in eum, velut in scopum emissis. Erasmo martyri Christiano intestina è ventre velut filagigillo convoluta. Neque hoc tormenti genus ad Iobi lanienā desiderari potuisse, argumento sunt verba illa: effudit in terrā viscera. Diversis, iisque summis doloribus Iob afflictatus dixit: Conscidit me vulnere super vulnus. Hinc nihil fuisset, miri si oculos effleffet, & dolore cōtabuisset.

In tantis certè cruciatibus vix alteri sermoni, vix voculæ ulli aliū effrendæ fuit locus, quàm isti: Patientia, Patientia, Patientia. Quæ in Iobo prorsus summa fuit. Quàm verum hîc illud priscum.

*Animus bonus malâ in re dimidium mali est.*

Quàm  
α Iob c. 6. & c. 16. diversis. vers.

Quàm verum & Salomonis illud Spiritus viri sustentat imbecillitatem suam. ⁊ Bonæ mentis & duratæ patientiæ homo imbecillitatem corporis, robore Spiritûs & animi vigore fulcit. Fulcimenta Iobi & Fomenta fuerunt ista: Dominus hos morbos dedit, Dominus hos morbos auferet, sed suo tempore. Sicut ille omnium optimè novit tempus ad inferendos morbos, ita ille ipse quoque scit tempus ad eosdem auferendos. Sicut Domino placuit, ita factum est. Sit nomen Domini benedictum. Deo divinæquè providentiæ adscribit omnia; non Diabolis, non hominibus flagitiosis. Nimirum summa papaverum capita decussa, non Tarquinii baculo, sed ipsi sunt Tarquinio tribuenda. Sit ergo nomen Domini benedictum tam inter tristitia quàm læta, tam inter adversa quàm prospera, tam inter delitias quàm ærumnas, inter rosas & spinas, inter divitias & egestatem, inter morbos & sanitatem; Sit nomen Domini benedictum, & tantò magis benedictum, quo graviores

⁊ Prov. c. 18. v. 14.

C  
viores dolo  
piores pat  
peditat occ  
be lucrosi

C  
Morborum

M Iracu  
inter  
spectavit.  
nario the  
minimur  
quingenti  
scenam in  
plumbi co  
habuit in  
modè sic  
bat thea  
robusti!

Hussæ  
eā etiam  
tena plu  
suo corp  
capite p  
è ratione  
ribus ac

a Pl

viores dolores, sed simul etiam ampliores patiendi ac promerendi supeditat occasiones. Hac nihil in orbe lucrosius patientiâ.

---

## CAPUT XV.

*Morborum syllabus, acrimonia, & diuturnitas describitur.*

**M**iraculum narrat Plinius, quod inter plurimos suis ipse oculis spectavit. Athenatus, inquit, quingenario thorace plumbeo decem ad minimum indutus, cothurnisque quingentorum pondo calceatus per scenam ingrediebatur. *a* Vir iste sex plumbi centumpondia & dimidium habuit indutui, & nihilominus commodè sicut actores alii obambula-  
bat theatrum. Prodigium hominis robusti!

Huffæus rex Iobus eos morbos & eâ etiam patientiâ toleravit, ut centena plumbi cētumpondia ipse unus suo corpore tulisse dici possit: nam capite priori tam ex Origene, quàm è ratione monstravimus, Iobum pluribus ac diversis morbis jactatum.

Nunc

*a Plin. l. 7. Nat. hist: c. 20.*

Nunc illos porro incipiemus numerare, & suum cuique nomen tribuere; unà etiam explicare, quam acerbis & vehementes fuerint hi morbi, quanto tempore durarint.

Ut multiplices morbos & dolores suos Iobus explicaret: *a* Circumdedit me lanceis suis, inquit, Nocte os meum perforatur doloribus, & qui me comedunt, non dormiunt. Nulla quies nec interdiu nec noctu, ipsa ossa terebrant dolores maximi. Hoc nemini videatur mirum: potest in humano corpore tantæ acritudinis humor aut pus reperiri, quod per ossa ad ipsas penetret medullas. Et qui comedunt, ait, non dormiunt: In multitudine eorum consumitur vestimentum meum. Vernies, qui artus meos discerpunt & commolunt, eo numero in me grassantur, ut cū corpus meum pascendis illis non sufficiat, in vestes meas convertant famem, easq; perrodendo consumant. Pelli mee cōsumptis carnibus adhæsit os meum. *b* Vix ossibus hæreo, quæ malè teguntur undiq; perforatâ cuti.

Ita

*a* Iob c. 16. v. 14. & c. 30. v. 17.

*b* Iob 19. v. 20.

C  
Ita sum  
es per die  
nunt Iob  
sum imme  
quos tamen  
re poterat  
bos summi  
Primus  
gnum, tetr  
to serpeba  
depascens  
carnes: h  
plurimum  
pessimo.  
Alter,  
Hæc flamm  
& invisum  
hic dolore  
Tertius  
bile subm  
primum est  
partes,  
corpus te  
cere.  
Quarti  
quium, i  
retur ex  
bi voces

a Glu



Ita summi atque continui dolores per diem perque noctem exercuerunt Iobum, cujus morbi non solum immedicabiles, sed & letales; quos tamen Diabolus ita temperare poterat, ne enecarent. Incipio morbos summam enumerare.

Primus, Phagedæna, ulcus malignum, tetrum, verminosum quod toto serpebat corpore, artus miserè depascens & urens, & ipsas peredens carnes: hinc tumoris, puris, foetoris plurimum. Percussus est Iob vulcere pessimo.

Alter, Sacer ignis, Erysipelas a. Hæc flamma pedes plerunque ligat, & invisum illis creat otium. Magni hinc dolores, sed non letiferi.

Tertius, Cancer, cui vires ab atrabile subministrantur, ejusque proprium est serpere, & post affectas partes, sanas etiam corripere, & corpus totum puri ac tumori objicere.

Quartus, frequens animi Delirium, ut subinde jam jam crederetur expiraturus. Hinc illæ Iobi voces: Solum mihi superest sepul-

a. Gloufcury S. Antoni Geur,

pulchrum & sepelire me, sat mortuus sum.

Quintus, Lepra seu elephantiasis foeditissima, quæ cutem reddit atram.

Job ipse asserit: Cutis mea denigrata est super me. *b* Hæc lepra ad ipsa descendit ossa, plumbeum facit sanguinem, animam foetentem, moerore, somnia terrifica, & angores parit. Talem fuisse Constantini imperatoris censet Baronius. Hac Deus superbos quandoque reges castigat; *c* hac Diabolus reges etiam sanctos exercere ausus est.

Sextus, Podagra infestissima, quæ acutissimos dolores infert pedibus, quos vincit affigitque pulvinari attolito. Fatetur Job: posuisti in nervo pedem meum. *d*

Septimus, Chiragra, quæ manuum usum sic adimit, ut ægrotantis ori cibus sit velut implumi aviculæ ab altero ingerendus. Magna miseria, præter magnos dolores.

Octavus, Arthritis, seu, morbus articularis, qui dolores horribiles in omnibus membris concitat. Hinc

illa

*a* Iob.c.17.v.1.

*b* Ib.c.30.v.30.

*c* 2.Par:26.19.

*d* Ib.c.13.v.27.

C  
illa Jobi  
redacti  
Nonus  
tridum eb  
tur prisci  
Cyprianu  
mus, Oly  
plicant il  
meus es tu  
Septuagiri  
gem sic fa  
putredine  
Jobus id  
dunt, inq  
lianus enc  
cabatur D  
tes Job b  
& pastus f  
revocaret  
mei verm  
pore; in h  
bile, Job  
fuisse ple  
sens putri  
ercitu sca  
hunc nor  
mum ap  
terpres,  
*a* Iob

illa Jobi querimonia: In nihilum redacti sunt omnes artus mei. *a*

Nonus, Vermes, Corpus Jobi putridum ebulliisse vermibus, testantur prisci Patres, Basilii, Origenes, Cyprianus, Augustinus, Chrysostomus, Olympiodorus, alii, qui eò explicant illa: Putredini dixi, Pater meus es tu, & soror mea vermibus. Septuaginta interpretes Jobi conjugem sic faciunt loquentem: Tu in putredine vermium sedes. Nec ipse Jobus id negans: Et qui me comedunt, inquit, non dormiunt. Tertullianus encomiastes patientiæ: Disscabatur Diabolus, ait, cum erumpentes Job bestiolas, in eosdem specus & pastus foraminosa carnis ludendo revocaret: Perinde si diceret: Hic, o mei vermiculi, manete in meo corpore; in hæc pascua nati estis. Credibile, Jobum intus & foris vermibus fuisse plenissimum, ut esse solet caesus putridus, qui vermiculorum exercitu scaturit. Ideò Chrysostomus hunc nonum morbum, fontes vermium appellat. Origenes Jobi interpretes, arbitratur hos tot vermes

O

fuisse

*a Job. c. 16. v. 8.*

fuisse dæmones, qui Iobum miris & infandis modis cruciaverint. Hinc etiam illa Iobi lamenta: Reversusque mirabiliter me crucias. *a*

Decimus, Ulcera, non tantum pedibus, manibus, præcordiis impressa, sed etiam naribus, auribus ori & gingivæ innata. Hinc illa Iobi, deploratio: In amaritudinibus moratur oculus meus. *b* Omnia tumida, purulenta, tabida: ubique dolor & tormentum.

Undecimus, vehemens capitis dolor qui necessario consecutus è tot factoribus & interiore humorum, præcipuè atræ bilis incendio. Vix dubium quin dentium dolores maximi, ad usque insaniam sævientes accesserint. Nec dubium, quin omnes interiores corporis partes, stomachus, lien, renes, hepar, & pulmones horribiliter corruptæ, ulcerosæ, inflatæ obstructæ. A plantâ pedis usque ad verticem ejus, non erat in eo sanitas. Nulla pars, cui non singularis & morbus & dolor fuerit. Hinc illæ Iobi flebiles voces: Non concedit requiescere spiritum

*a Ibid. c. 10. v. 16. b Ib. c. 17. v. 2.*

C  
ritum me  
dinibus.  
Duode  
singultus  
stabat eo  
ad impa  
quanto co  
tur angust  
bos seque  
Hic qu  
denda sun  
tem patien  
Primum  
Nero, nor  
nus, sed  
quo cæsus  
Deus illi  
sit, flagell  
ut veller  
nec cacod  
luit, ut eff  
ret. Enin  
nunquam  
bolo & in  
Hinc mor  
supra quæ  
Ioannes I  
aus medic

*a Ibid.*



ritum meum, & implet me amaritudinibus. *a*

Duodecimus, cordis palpitatio, singultus, tremor; quod omne spectabat eò, ut tantò citius ac facilius ad impatientiam permoveretur, quantò cor atctius diversis vallaretur angustiis. Alios duodecim morbos sequenti capite subjungemus.

Hic quædam attentius perpendenda sunt ad firmandam languentem patientiam.

Primum: Non Busris aliquis, non Nero, non Phalaris, non Diocletianus, sed ipse Diabolus flagellum, quo cæsus Job, suis viribus vibravit. Deus illi potestatem omnem concessit, flagellandi Jobum, & lacerandi ut vellet, modò vitæ parceret; quam nec cacadæmon quidem eripere voluit, ut esset, unde diutissimè torqueret. Enimverò quod mille homines nunquam excogitaverint, hoc Diabolo & inventu & factu facillimum. Hinc morbi à dæmonibus immissi, supra quam dici potest horribiles. Ioannes Langius Lembergius Palatinus medicus eruditè cōplura scripsit.

O 2

Inter

*a Ibid. e. 9. v. 10.*

Inter hæc miscellas de arte medicâ  
epistolas edidit, in harum trigessimâ  
oetavâ hæc narrat : Anno millesimo  
quingentesimo trigesimo octavo,  
homo agricola, qui nomen habuit  
Udalricus, in agro Eystadiano, dolo-  
res passus est infandos, & nulli me-  
dicorum satis cognitos. Ita obiit. Se-  
cto mortui ventriculo repertum teres  
oblongius lignum, quatuor è chaly-  
be cultri, & plura ejuscemodi ferra-  
menta majore palmo longiora. Sat  
hîc testium fide dignorum, qui hæc  
fuisinet oculis spectarunt. Conrad.  
Lycosthenes eum Udalricum Neu-  
seffer indigitat, Anno 1539. in pro-  
digiis. Et quî demum potuit Diabo-  
lus tam multum ligni, chalybis &  
ferri in stomachum hominis trajice-  
re? in quem utique non pleno jure  
habuit agere, quemadmodum in Io-  
bû. Hinc facile est conjectare, quàm  
atroci & prorsus inexplicabili cru-  
delitate Iobus à Diabolo sit excar-  
nificatus, in quem sæviendi licenti-  
am à Deo plenissimam accepit.

Secundum. Hinc ergo Chryso-  
stomus censet, nullum unquam morta-  
lium tot, tam distinctos, tam diu-  
turnos.

C  
turnos do-  
bum. Pr  
cultatum  
vel valeri  
aut aliuc  
malum ve  
ssimè di  
quod pat  
agesima,  
est calami  
passus est  
maximis  
ille tanter  
dedit, De  
mino plac  
men Don  
voces mit  
bat in pal  
à suis qu  
mus. Auc  
ces mittis  
ergo, loq  
multò ali  
& canis!  
cantabat  
cum lupi  
blasphen  
& vocibu  
Cantum

turnos dolores perpeſſum atque Jobum. Propterea quando nos vel facultatum, vel honoris ac dignitatum, vel valetudinis jacturam facimus, aut aliud quodcunque damnum malumve patimur, nobis ipſi fidentiſſimè dicamus: En iſtud omne quod pateris, non vicesima, non ſexageſima, non certè centeſima pars eſt calamitatum illarum, quas Job paſſus eſt; ille tamen in ærumnis maximis undequaque afflictiſſimus, ille tamen cantare potuit: Dominus dedit, Dominus abtulit; ſicut Domino placuit, ita factum eſt; ſit nomen Domini benediſſimum. Haſ ille voces mittebat, hoſ ille cantus edebat in publico ſimeto confiſcens, tam à ſuis quam ab omnibus deſertiſſimus. Audiamus obſecro, quas tu voces mittis, quos cantus edis? Age ſis ergo, loquere, eja cane. O quam tu multò aliter quam Iobus & loqueris, & canis! Ille cum Angelis Deo laudes cantabat, tu cum canibus latras, aut cum lupis ululas, aut cum Diabolis blaſphemas. Os tuum quærimoniis & vocibus maledicis pleniffimum. O Cantum inconcinnum & inconditum!



O patientia, quàm necessaria, quam cara, sed quam rara es herba !

Tertium, Jobi dolores ac cruciatus tam multiplices ac tanti, ut illius gemitus ac ploratus, malum quod patiebatur, exæquare neutiquam potuerint. Infanda Iobus tolerans: Utinam, inquit, appenderentur peccata mea quibus iram merui, & calamitas, quam patior in statera, quasi arena maris hæc gravior appareret : Unde & verba mea dolore sunt plena. Utinam gemitus mei doloresque interni & ægrimonix, quæ vos, amici mei, peccata interpretamini, cum corporis doloribus conferrentur, quantum hi universos illos excederent, clarissimè perspiceretis. Confixus sum undique sagittis, velut erinaceus aculeis; Deus in configendo me complures phatras exhaustit. Ita dolor meus longè major est, quàm planctus meus. Ab impatientia nostrâ plerumque fit contrarium: majores sunt questus ac fletus nostri, quàm dolores nostri, longè minora sunt mala nostra quàm lamenta nostra.

Quartum, Iobi calamitates inauditæ, non solum diebus septem, nec

septem

septem  
mensib  
raverunt  
sententi  
Videtur  
septem  
hise. In  
familiis  
quibusd  
nium, al  
experim  
egestate  
ipsis pa  
savit, n  
impatie  
non cæl  
nam pr  
Deum :  
rem in  
& const  
M. A  
lo capt  
versus e  
commu  
tamen  
rò fide  
diturus  
eò pro



septem solum hebdomadibus aut mensibus, sed ipsis septem annis duraverunt. Ita Suidas & alii. Eiusdem sententiæ Olympiodorus in catenâ: Videtur, inquit, Magnus Iobus ipsos septem annos plagæ acerbiter tuisse. In plerisque omnibus religiosis familiis unus est annus tirocinii, a in quibusdam biennium est: Septennium, ah mi Deus, quàm longum est experimentum! in tantâ præsertim egestate, in doloribus summis, in ipsis pænè inferis. Job tamen non sæviit, non tonuit, non maledixi: Ex impatientiâ, neminem diris devovit, non cælites, non Deum non divinam providentiam accusavit. Sed Deum auctorem horum, & adiutorem in his omnibus patientissimus & constantissimus respexit.

M. Attilius Regulus à Pænis bello captus, fide utrinque datâ, reversus est Romam, quasi captivorum commutationem promoturus, quam tamen penitus dissuasit. Quia verò fidem suam obstrinxerat se rediturum, hosti se denuo stitit. Qui eò processit inclementiæ cum illo,

ut Regulum, ducem nobilissimum, in dolum clavis undique introrsus adactis armatum concluderit, conclusumque de monte præcipitarit. Non majorem Regulus in suo ad hostem reditu fidem præstitit, quam in perferendo supplicio patientiam exhibuit & constantiam. Unde triplex hodie laus memoriam hominis comitatur; justitiæ una, altera fortitudinis, tertia patientiæ admirandæ. Sed vale, mi Regule, exemplis grandioribus triumphat Jobus noster. Qui dolio tot ærumnarum clausus velut Pandoræ pyxide inter innumera vulneratam animi quam fortunarum & corporis, ex alto felicitatis, in imum calamitatis extremæ devolutus est. Ipsius hic clamor est: sic repente præcipitas me *a*.

Timotheus & Maura Christiani conjuges in Ægypto ab Ariano præfecto in crucem acti, novem dies vixerunt in funesta trabe divinum Numen assidue collaudantes. Nullis, quod sciam, diuturnius crux hospitium dedit. At Iobus multò dioriora passus, non horis tantum pau-

*a* Job c. 10. v. 8.

C  
culis steti  
dit æstati  
septem an  
bolus fab  
verè vir  
Numini  
scamus i  
theatro  
Omnem  
Cum Jo  
ce in cæ  
meus in  
oculus r

C  
Alter

M Ille  
rol  
reum i  
ipse int  
statu n  
poterat  
victus  
fixus el  
que poi  
dit, d  
talium

a J

# C A P U T XVI.

217

culis stetit ejus calamitas; septem vidit æstates, septem hiemes, totos septem annos in eâ, quam ipsi Diabolus fabricaverat, cruce pependit: verè vir dolorum! & tamen suas Numini laudes non subtraxit. Discamus in hoc divinæ providentiæ theatro fortiter pati & constanter. Omnem dolorem mitigat patientia. Cum Jobo pro se quisque dicat: Ecce in cælo testis meus, & conscius meus in excelsis: Ad Deum stillat oculus meus.

# C A P U T XVI.

*Altera morborum dodecas, quibus  
Iob exercitatus est.*

**M**ilo Crotoniates, athleta summi roboris, discum latiore ferreum inungi jussit oleo, hunc cum ipse insisteret, à nullo hominum statu moveri, aut è disco detrudi poterat; tam immotus, tanque invictus stetit etiam in lubrico ac si fixus esset. Hic idem Milo quandoque pomum punicum manu prehendit, digitis ita compressis, ut mortalium nemo digitum laxare, mul-

O 5

to

a Job. c. 16. v. 10. & 11.

tò minus pomum extorquere posset.

Huffæus Rex Jobus in orbe sanè lubrico stabat. Maganimum hunc statorem Diabolus collatis viribus amovere aut dejicere conabatur: at frustra fuit. Undique calamitates trahebant pertinacissimè; abstraxit à Deo nulla. Corpus Iobi plenum pure, ulceribus, tabe, doloribus, cor mœroribus & angoribus gravissimis pænè exhaustum; stetit nihilominus etiam in lubrico Jobus, & quidem adeò firmus, ut si omnes ex Orco diaboli traxissent, eum tamen à ceptâ patientiâ, & à bono Deo abstrahere non potuissent. Job manu prehendit admirabile pomum divinæ providentiæ, omnia in orbe hoc præclarissimè constituentis. Hoc punicum pomum eâ vi tenuit, ut id ei nullus hominum, diabolorum nullus, nullus Angelorum; sed nec ullus morbus, dolor nullus, tormentum nullum, nulla calamitas extorquere potuerit. Super hæc enim omnia permanebat Job in innocentia suâ.

Superiori capite duodecim Iobi morbos oratione strictâ exposuimus. Hoc alios duodecim adjungemus, & unâ



& unà triplex patientiæ suggeremus documentum.

Jobus doloribus exhaustus, & jam prope vivum ac spirans cadaver: Nunc autem, inquit, in memetipso marcescit anima mea, & possident me dies afflictionis. Redactus sum in nihilum. Tam tenuis est vita mea, ut unico flatu velut folium chartaceum diffuari posset. Comparatus sum luto, & assimilatus sum favillæ & cineri. *a* Corpus meum, pus merum, ulcus merissimum, ferâ scabie tanquam squamis obductum horridâ macie, tanquam laterna punica jam exhaustum, solam expectat sandaliam. Elevasti me, & quasi super ventum ponens elisisti me validè. *b*

Iob verè crucifixus, attamen in tantis tormentis providentiam divinam & Deum supplicii tam multiplicitatis auctorem suaviter agnoscit. Unicè illum solatur, scientia non fallax: Hæc Deus fecit omnia, manus divina me percussit: quid autem conqueri possum. Figuli rude vasculum sum, figulus ut vult, aut tollit illud, aut

*a* Iob c. 30. v. 15. & 16. & 19.

*b* Iob 30. v. 22.

aut abjicit. Hi dolores & morbi omnes à Deo. Hæc scire, summum Jobi solatium.

Nos igitur tanti principis morbos numerare pergamus. Primus in ordine secundo Jobi morbus est, putredo viscerum. *a* Galenus explicat, *b* quâ ratione in ipsis intestinis, ubi sensus ac dolor est acutissimus, innascantur ulcera. Objiciat hinc aliquis: Quî tandem potuit Jobus tot, tamque gravibus morbis non extinguî? Diabolus pharmacopæus artificiosissimus, & tortor vaserrimus, hos morbos gradatim & per intervalla, non unâ omnes intulit, ne necaret, quem ad novas identidem pœnas diu cupiebat vivere; & ut tantò citius desperaret sic afflictus, quantò tardius finem expectaret.

Secundus, Nephritis *c* & exulceratio renum, summus & implacabilis dolor. Quod ipsi Jobo credemus affirmanti: Convulneravit lumbos meos. *d* Confertur hic dolor cum im-

ma-

*a* Darmseule.

*b* Gal. l. 5. de usu partium.

*c* Nierenweh/Nieren Geschwer.

*d* Job. t. 16.

manissimo, quo quis discerpitur infixus palo.

Tertius, Halitus foetens, saniosum sputum. Quod Jobus singulariter deplorans: Halitum, inquit, meum exhorruit uxor mea. *a* Nec mirum, toto corpore in tabem ac putredinem eunte, animam foetentem & tetrum fuisse anhelitum. Unde etiam cruenta & purulenta sputa. Nec dimittis me, inquit, ut glutiam salivam meam. *b* Non tantum illi concedebatur quietis, ut respirare posset aut expuere.

Quartus, Pleuritis. *c* Nec iste morbus miri quidquam habuit: nam ubi puris tam multum, ubi tot abscessus, proxima ferè pleuritis. Non malè prisci hunc morbum Telum nominarunt, quòd subito dolore latus instar gladii transverberet, vel identidem lancinet ægrotum.

Quintus, Asthma seu respirandi difficultas, quæ pleuritidis plerumque comes est. Neque hic quidquam miri; claudit animam purulentia tam exuberans; impediunt anhe-

*a* Job c. 19. v. 17. *b* Ib. c. 7. v. 19.

*c* Seisenweh/ Stechen.

anhelitū & interficiunt tot vomitæ.

Sextus, Angina & Phlegmone. <sup>a</sup> qui affectus collum, palatum, colli glandulas tumore, phlegmate, ardore incendunt, exasperant, corrumpunt, ut nullus cibus glutiri queat, vix jusculum sorberi, adeò, ut ovum sorbile aut sorbitiuncula sine magnis doloribus transmitti non possit. Ita Diabolus in toto Iobi corpore, nihil reliquit à doloribus intactum, à plantâ pedis usque ad verticem ejus.

Septimus, Profluvium alui, quando enim folliculus fellis exundat non raro in omne corpus effunditur, hinc dysenteria & varia lues. Alui fluxionibus Iob æger dixit: Effudit in terrâ viscera mea. <sup>b</sup> Id enim hic morbus habet; Ipsa etiam intestina videntur fuso ventre dejici. Quod Arrio tulit interitum.

Octavus, Bulimia seu appetentia canina, quæ, quòd aliàs cibum semper expetit, sumptum revomit. Horrendam Jobi famem nemo miratur, qui non multitudinem solum, sed & varietatem morborum cogitat. Cum enim

<sup>a</sup> Mundfäule und Halsgeschwer.

<sup>b</sup> Job. c. 16. v. 14.



enim propter obstructos meatus & exulcerationem palati & colli vix quidquam sorbilis alimonix potuerit admittere, fames secuta, sed fame multò crudelior sitis, quam in eo maximam & ardentissimam fuisse facile credimus, ob tantam alui effusionem: sitis autem ægrotorum quàm grande tormentum! Testatus hoc ipse Iobus: Ossa mea, inquit, arverunt præ caumate. *a* In corpore tam turbato & malè affecto penè ardebant omnia, quod appellat cauma.

Nonus, Marasmus & Marcor, seu corruptio totius corporis ex inedia & siccitate orta. Nimium quantum id Iobus sentiens: Nunc autem, inquit, in memetipso marcescit anima mea. Membra mea in nihilum redacta sunt. Pelli meæ consumptis carnibus adhæsit os meum, & derelicta sunt tantummodò labia circa dentes meos. *b*

Decimus, Febris hectica, continuata, comes Marasmi. Ah quam miserum est in summis aliorum morborum cruciatibus, insuper etiam continuis febriculosi morbi accessibus

*a* Ib.c.30.v.30. *b* Ib.c.19.v.30.

onibus jactari, & anhelis febrium  
flammis uri. Hoc prorsus est vulnere  
super vulnus conscindi.

Undecimus, Insomnia; Vix quid-  
quam boni soporis cepit. Nam ubi  
fatigatione nimia pressus nictare in-  
cepit & obdormire, mox somnia ter-  
rifica & dolores nunquam intermit-  
tentes denuò excitarunt. Hoc ipse Io-  
bus affirmatissimè: Noctes, inquit,  
laboriosas enumeravi mihi. *a* Si dixe-  
ro; Consolabitur me lectulus meus,  
& relevabor loquens mecum in strā-  
to meo, terrebis me per somnia, &  
per visiones horrore concuties. Co-  
gitationes meæ dissipatæ sunt, tor-  
quentes cor meum, noctem verte-  
runt in diem. Poterat Iob velut excu-  
bitor in turri singulas noctis, & ho-  
ras, & horæ partes numerare. Nulla  
unquam quies à doloribus interdiu  
noctuq; Et tamen plenus fiduciâ ca-  
nit: Et rursū post tenebras spero lucē.

Duodecimus, Mæstitia & atra bi-  
lis pæne ad insaniam excrucians. Io-  
bum jam loquentē audivimus: Co-  
gitationes meæ dissipatæ sunt tor-  
quentes cor meum. Hoc pæne omnia  
tor-

*a* 16. c. 7. v. 3. 16. v. 13. & c. 17. 12.

tormentorum genera superavit, doloribus urgeri tantis, interim tamen nullis refici solatiis, nec ullâ vel lætiori saltem cogitatione mulceri. Rectè dixerimus: Iob apud inferos fuit antequam vivere desit.

In Gymnasio patientiæ inter decemplices cruces posuimus SAC-  
CUM. In *Sacco* cruciari, est undique & undique mæroribus & doloribus urgeri, perinde si quis dolio pleno clavis introrsum adactis clausus precipitetur è monte; quod M. Attilio Regulo paulò ante diximus evenisse. *Sacco* clauditur quem simul egestas, & morbi, & ludibria, & omnis generis afflictiones torquent. Si ullus unquam mortaliū, certè Iobus horribili *Sacco*, inò carcere inferno clausus est. Verum Dominus deducit ad inferos & reducit. *a* Modò fiducia in Deum tantò sit erectior, quantò sac-  
cus arctior, quò enim minus est humanæ opis, tantò plus divinæ sperandum. Solatiis largiter stillat cælum in hominem probum, cui nihil est solatii à terrâ. Cùm igitur omnia videtur desperatissima, tunc maximè

P

COR

cor humanum sese ad Deum erigat, subsidii aut solatii divini certissimum. Quî deducit ad inferos Dominus, idem & reducit. His jactis fundamentis tria hîc consideranda.

Primum: Iobus discipulos sanè dociles, et si paucos omni ævo habuit, qui patientiam condiscerent. Inter hos nobilis Saxo, Ludolphus calidi vir ingenii & vehementis, concitati què. Pedes iter fecerat aliquamdiu animi causâ, recenti ostro vestitus. Hunc rusticus concitatore cursu ita est prætervectus, ut luti aliquid asperferit rota. Nobilis eques mox stricto gladio in hominem paganum involavit, & pedem ejus sic læsit, ut fuerit amputandus. Impune fuit facinus, nec ulla damni facta restitutio. Atqui Ludolphus non ex asse improbus, contractis noxis adeò ingemuit, ut religiosæ Cisterciensium familiæ se addixerit, vitam deinceps sanctiorem acturus. Non diu post ægrotare cæpit, & unâ in seipsum magis magisque descendere: hîc injuria rustico. illata in ægrotantis animo recrudescente, gemitus extrudere, lacrimas cingere, gravem inurere facti dolorem.



lorem. Solabatur hominem nosocomus. *a* Cui æger: Si partem aliquam de Iobi ulceribus, inquit, in meo corpore sentirem, esset ea res mihi solatio magis quam supplicio. Vox omen habuit. Post dies non multos in decumbentis pede, propius talum, rufatus observatur circulus, eo fere loco quo rustici pedem læserat. Nec vanum hic rubor signum fuit. Pes sensim putrescere & scaturire vermibus coepit. Hic æger multò quam ante animatior: Jam, inquit, spero veniam, Iobi colore vestior. Hic omnes vitæ licentius actæ maculas, injuriam præsertim insonti rustico illatam altâ mente meminisse, & pœnitentiam facti, & de morbo gratias Deo agere, pedem verminosum favorem interpretari, & vitam sanctè claudere.

En supra modum docilem Iobi discipulum! O Christiani, si quæ particula de insignibus, & colore Iobi nobis mittatur dono, gratiam interpretemur, & agamus Deo gratias; si quæ pars, inquam, rerum adversarum nos tangat, simus discipuli dociles Iobi, & quantum in perdiscendâ

patientiam promoverimus, patiendū monstremus.

Alterum: Quam verum est illud Chrysostomi: Nemo læditur nisi à se ipso. Verum planè, verissimum. Et en Diabolus, omnes vires suas huc intendit, omnem potentiam suam adversus Iob exeruit, omne ingenium suum, omnem tyrannidem suam in excruciendo Iob consumpsit, insuper ignes & ventos, & omnia elementa; diversos hostes, Chaldaeos & Sabæos, Iobi etiam cognatos, ipsam Iobi conjugem in subsidium advocavit. Et quid moliebatur cacodæmon? Hoc solum, ut virum unicum concitaret ad impatientiam. Et tamen tanto molimine, tot machinis tantæque vi non potuit vel unum hunc hominem eò adducere, ut seipsum læderet vel maledicto unico, aut ullâ imprecatione malâ, vel unico impatienti verbulo. Ita è septennali hoc inferno non ustulatus, integer, illæsus evasit. Iobus tantum potuit patientiam. Iobus flammarum medius perstitit intactus, inter tot ignes non arsit, & à tot Diabolorum phalangibus lædi non potuit, quia seipsum lædere noluit.

Verè,

Verè, nemo læditur nisi à seipso. Vanissimæ sunt querelæ illæ: iste me læsit, hic tantum mihi nocuit, iste hoc illudve mihi damnum inflixit: Falsæ, fatuæ sunt hæ querelæ; Nemo læditur, nemo, nisi à seipso.

Tertium: Non est luculentius signum quo probitas discernatur ab improbitate, quàm constans & longanimis patientia. Hoc indicium evidenter monstrat, quis probus, quis improbus, quis aureus, quis luteus sit. Aurum in flammis sudat & mollescit innoxium: lutum induratur, & denique in pulverem vagum defluit. Quod Siracides clarè affirmans: Quoniam, inquit, in igne probatur aurum, & argentum, homines verò receptibiles in camino humiliationis. <sup>a</sup> In adversis rebus pulcherrimè apparet quis ligneus, qui luteus, qui stramineus, quis impatiens & improbus; ita etiam quis aureus, quis gemmeus; aurum patientiæ, gemmas sanctitatis non violat ignis sed purgat; stramen nequitie, lutum impatientie ab igne calamitatis ustulantur & consumuntur. In adversis niens bona nescitur.

Fit nonnunquam, ut quis ad aquarum marginem consistat, lapidem in aquas animi gratiâ mittat: pisces inimum se recipiunt, aves vicinæ avolant. Deus è cælo lapides jacet in hoc mare; probi homines fursum avolant, Deum cladium auctorem agnoscunt, divinam providentiam laudant, patri se castiganti gratias agunt, plus poenarum expetunt: At verò improbi ut pisces deorsum in altum pusillanimitatis, subinde desperationis gurgitem ruentes; impatientissimi maledicunt, consternantur, animum abjiciunt, malè imprecantur. En mores diversissimos quos aperit ærumna! Iob evolavit fursum: Sequamur: Hac itur ad sidera. Profecto patientiæ virtus nunquam est in prosperis. Nam sicut in arenâ non discimus natâre, sed in aquâ, ita in rebus secundis patientiæ virtutem nunquam obtinemus, sed in adversis. In omnibus quæ patimur, non agnoscamus tantum divinam providentiam, sed & laudemus, & gratias ei agamus. Bonus Dominus, & confortans in die tribulationis, & sciens sperantes in se. *a*

*a Nahum c. I. v. 7.*

C A-



## CAPUT XVII.

*Quomodo Iobus tandem à Palatio ad Fimentum usque devenerit.*

**P**eripateticus Philosophus Aristodictitabat : Sit hominum aliquis tam felix, atque ullus esse potest, sit opulentior sit fortis, sit sanus & robustus, sit etiam honoratus; si animus ipse est summe prudens, ineruditus, faceret in aliud est, quam si ægrotum gravibus doloribus oppressum, in lectica colloces eburnea, tegumentum sit bombycinum mustelis Scythicis fultum, conopæum sit sericum opere phrygio elaboratum. Ah quam tenuè solatium est ægro, nec enim mitigatior sit inde dolor, nec morbus citius abscedet. Ponite hunc talem in lecto aureo, non minus ægrotabit. Argentea vel aurea vel etiam gemmea lectica morbum & dolores non demulcet.

In Iobo virorum patientissimo planè contrarium est videre. Omnes ei facultates, salus & felicitas omnis, ipsa etiam valetudo adempta : ulceribus & doloribus plenus lentissimam præstolatur mortem,

extremis vita labris infidere creditur: Animus tamen sanus, incolumis & ad Deum erectus, negat se quidquam perdidisse cum Deum retineat. Verè dici potuit, Animus Iobi optimus, pessimè habitat. Job etiamnum perspicax, fortis, magnanimus, sapiens, invictus, sed ~~in~~ <sup>in</sup> ~~vero~~ <sup>vero</sup> ~~videm~~ <sup>videm</sup> habuit tam miserum ~~castrum~~ <sup>castrum</sup> habere apofisit menditorum potius expetamus. Antea opulentus princeps deorum Hæus, lecticas sibi suisque, sumere poterat argenteas; At eò jam gestatis devolutus est, ut nec quidem ligneam habere possit. Fimetur ei lectica, & solum, & mensa, & lectus & omnia est; pro conopæo sunt venti, pluviae, tempestates & injuriæ cæli diversæ. Quam verum etiam hîc illud.

*Non jacet in molli veneranda scientiâ lecto.*

Iob hætenus tantum artis & scientiæ in exercendâ patientiâ monstravit; tam artificiosè & æquanimitè calamitates summas toleravit, ut dici possit, dignissimus est Job qui argenteâ vel etiam aureâ lecticâ reponatur, & ad quem velut ad patientiæ

tiae professorem omnes homines, orbis universus revisat.

Sed divinae providentiae longè aliter visum. Nondum omnes tragœdiæ hujus scenæ sunt finitæ. Acerbiora restant. Ad sterquilinum extra urbem ejiciendus est Jobus, tanquàm cadaver intolerabile. Hic explicabimus quomodo tandem, hic tantus princeps, è suis ædibus emigraverit ad finetum; quomodo sanien testâ raserit & longanimum nihilominus retinuerit æquanimitatem.

Post everfas omnes fortunas Jobus, sacrâ testante historiâ, radebat sanien testâ, sedens in sterquilinio. Quæras hic, Lector, quî tandem fieri potuerit, ut princeps tantus in extremâ invaletudine ejiceretur velut mortua gallina in finetum? Nam etsi Iob pecus omne amiserit, adhuc tamen domum, supellectilem, pecuniam, vestes, prædia & agros retinuit, quomodo ad hanc inopiam & mendicitatem potuit detrudi, ut vix finum pro domo & lecto impetrarit? Aures & animum, mi Lector, adverterem paucis edisseram.

Hanc methodû cum Iobo Diabo-

Ius servavit. Medici alia super alla  
ingesserunt pharmaca, & omnem pē-  
nē artem suam in unico homine con-  
sumpserunt; nihil certē reliquerunt  
intentatum: at frustra omnia; nam  
camino ardenti pix videbantur, quod  
uno declinante morbo continuo cē-  
pit alius, omni pharmacorum vi elu-  
sā. Siquidem Diabolo permissum est  
septennium, quo morbos ita varia-  
vit, ut modò his modò aliis Iobum  
excruciaret. Unde paullatim tam cre-  
bro pharmacorum usu, tot medicis  
tanto tempore adhibitis, pecuniā  
quantumvis copiosa, omnis dilapsa,  
& numus suspiravit in fundo; pecore  
omni abactō, modici census ad suum  
dominum redibant. Servi etiam &  
ancillæ, sicut & ipsi cognati, rem  
suam faciebant, & hinc illinc car-  
ptim furabantur, prout sit, cū ocu-  
lus sopitus, ad tuendam rem fami-  
liarem nequit amplius vigilare. Et  
sicut malum est vinum quod de fun-  
do bibitur, ita fortuna spernitur quæ  
exitium minatur. Ita Iob sensim  
depauperatus eò devenit, ut ærari-  
um omne consumpserit: Ita septem  
abierunt anni. Interim morbi ac  
dolo-



dolores incrementis maximis sævie-  
runt, erumpentium agmina vermi-  
um creverunt, hinc fætor tam into-  
lerabilis emerfit, ut nullus famulo-  
rum, ancillarum nullaled nec uxor,  
neque ullus hominum ad cadaver  
tam graveolens paulô diutius potue-  
rit consistere: omnia conclavia fæ-  
toribus infecta, ut etiam illi, quod  
verosimillimum est, qui ægroto ha-  
ctenus servierunt, sensim morbis oc-  
cæperint tentari. Hinc diffugere o-  
mnes. Quod Iobus gravissimè sen-  
tiens: Fratres meos, inquit, longè fe-  
cit à me, & noti mei quasi alieni re-  
cesserunt à me. Dereliquerunt me  
propinqui mei, & qui me noverant,  
obliti sunt mei. Inquilini domûs  
meæ, & ancillæ meæ, sicut alienum  
habuerunt me, & quasi pègrinus  
fui in oculis eorum. Servum meum  
vocavi, & non respondit; ore proprio  
deprecabar illum. <sup>a</sup> Ita desertissimus  
ab omnibus & ab ipsiis pæne suis æ-  
dibus exclusus habitationē sub dio  
cogebatur querere. Probabilissimum  
libitinos & vespillones huc suam  
operam addixisse, & Iobum, ipso non  
rela-

<sup>a</sup> Iob c. 19. v. 13. & seqq.

reluctante, è suâ domo vivum funus extulisse in finetum publicum; nam lege & more recepto, ut leprosus, urbe pellendus fuit. Itaque tanquam cadaver, imo ut canis mortuus è domo elatus, & posatus in fineto non suo; Perinde, si dicerent domestici: Non possumus aliter, nec enim hîc quidquam auxilii amplius aut consilii est: nemo nostrum juvare potest. Ponatur ergo in publico, ut si quis possit, ipsius misereri velit. Ut autem corpus ulcerosum mollius aliquantò sedeat, omnium commodissimè collocabitur in fimo. Hic igitur Iobus extra urbem in sterquilinio, sub Iove frigido dies noctesque habitavit. Et hæc sub finem anni septimi contigerunt, qui calamitosorum annorum ultimus fuisse creditur.

Quam autem vere hîc Iobus dixerit: Tanquam prodigium factus sum multis. <sup>a</sup> Hæc enim Iobi extrema calamitas non tantum per totam ejus provinciam, sed longè lateque per omnem viciniam rumore propagata est. Hinc ejus cognati, tres reges, qui antè per legatos eum solati sunt,

jam

a Ps: 70. v. 7.

# C A P U T XVII. 237

jam ipsi venerunt prodigium hoc grande visuri. Et reverâ si quis desideret videre, quod in omnem sibi vitam credat profuturum, spectare Iobum in sterquilinio, Christum in patibulo contendat. Huc domesticum suum pictorem, imaginationem suam quisque nostrum frequenter amandet, ut geminum hoc miraculû, Christum & Iobum quàm vivacissime depingat. Imaginatio, domesticus hic pictor noster sæpissime impuras, foedas, lascivas oppidò pingit imagines, quæ conscientiam incredibiliter corrumpunt & maculant: Et nisi pictor iste severioribus aliunde conceptis ideis coërceatur, in omnem petulantiam & Lasciviã se effundit, nocetq; multo amplius suis cû imaginibus, quàm verbis possit explicari. Hac igitur mittatur, ut sedulò Iobum in sterquilinio, Christum in patibulo addiscat repræsentare. Hos duos Heroas, Iobû ulcerosum, Christum flagellatum & cruci affixum, semper in oculis sani, semper ægroti, ac moribundi feramus; præsertim cû adversa nos premunt, tum ad geminas has imagines recurramus,

& iis-

& iisdem oculos animumque quantum satis fuerit, occupemus, imò penitus expleamus.

Iobus enim sub dio confidens in fimeto supremam præstolabatur horulam, unde quaq; desertissimus. Ex hac cathedra vir sapientissimus profitebatur patientiam! Hæc magno Numinis amico pro sella eburnea, pro lectica quondam argentea serviebat! Cui non malè inscriptio præfixa fuisset, quam nuper, Tamerlanes sibi moriturus ipse dictarat; cum nempe se mortuo, vilem pannum in perticam suffigi, & per urbem ferri voluit, præcone interprete: Hoc totum est, quod Orbis Domitorem manet. Idem Iobo in fimo acclamari poterat. Hoc est quod Rex Orientis Iobus habet; testulam, quâ sanie abradat. O bellam hominis strigilem! è luto testam! O sortem longedurissimam! Ad eam redactus sedet egestatem miser, ut ex omni facultatum copia nec vilem quidem centunculum ad manum habeat, quo pus extergeat. Testula in fimetum temere conjecta pro molli strophio; pro spongia servire cogitur ad sanie

sic



siccandam. Credibile prorsus est, Iobum unguibus & digitis fœdè intumescentibus ad frictu uti nequuisse.

Quis ergò Lazarum ad hanc fortunam Jobi compositum, non continuo exclamet felicem? ter quaterque prædicet beatum? qui & urbis inquilinus mansit, & ad ostiū divitis epulonis cubans medicos magno numero canes numeravit; cum Jobus urbe pulsus procul hominum ædibus & conspectu in sterquilinio jaceret. Lazarus quidem pauper, sed ab ortu suo inopiæ assuetus, facile deliciis caruit, quas nunquam est expertus: At Iobus pauperrimus quia è divite ad incitas redactus, quod longè urit acerbius. Lazarus æger & ulcerosus fuerit, sed Iob ægrotorum miserrimus, quia ipsa morborū omnium taberna & receptaculum est factus. Lazarus, ut ille ad piscinā paralyticus, hominem non habuerit, qui manum commodaret; at Iobus manibus omnium, à quibus antea ferebatur, excussus, non servum, non ancillam habebat cujus ope uteretur; à cognatis, & ipsa etiam conjuge plus quam desertissimus tabescebat. Lazarus tametsi

mica-

micarum repulsam tulit, quò minus tamen oculos opiparis cibis & nido-  
re nares pasceret, à nemine prohibe-  
batur: At Iobus etiam à sordibus ho-  
spitii oculorum & narium non mo-  
dicum tormentum capiebat: imò pro-  
musica, quæ Lazaro mitigare pote-  
rat & egestatem & dolores; vir affli-  
ctissimus à regibus cognatis non nili  
dictèria & acerbissimos haurire ha-  
buit sarcasmos, quibus hypocriseos  
& simulatæ virtutis arguebatur, ac  
omnem calamitatem suam, tanquam  
iusti Numinis vindictam excipere  
juebatur; Lazarus, quod caput esse  
discriminis possit, patientiæ formam  
& exemplum ex Iobo sumere pote-  
rat; Iob neque Lazarum, neque Iobi  
alterius ideam ad virtutis imitatio-  
nem vel per somnium potuit habere.

Credibilissimum etiam est, quod  
Origenes Philosophatur; Iobum per  
testam insultare voluisse hosti suo.  
Nec satis miser sibi visus ex hoc, quod  
à Satana patiebatur, cruciatus crucia-  
tibus addebat. Non accepit molle a-  
liquid, ait, ut abstergeret molliter,  
leniter, &c. sed accepit testam duram,  
asperam, ut raderet cum dolore sa-  
niem.

niem. (quasi diceret) Ego non succumbo doloribus, non sunt fortiores animæ meæ firmitate: Exaggero illos, ut per cuncta ostendā nequissimo Diabolo, quia malitiam ejus irrideo, iniquitatē contemno, omnes plagas ejus & vulnera ad nihilum reputo. Ob hoc ergo accepit testā, ut raderet saniem suam. & Noverat ille quidem Deum humanis non oblectari miseriis, at verò erectū excelsūque inter misérias animum credebat eidē præ omni spectaculo arridere. Hinc sese animans dixerit: Eia placeamus Deo nostro, magis magisque misérias miseriis accumulemus, & divinam in omnibus providentiam collaudemus.

Videte, obsecro, quàm catenatæ sint virtutes, quàm una ex aliâ pede presso consequatur! Si Iobus duarum aut trium hebdomadum patientiam animo proposuisset, nimium ea brevis fuisset. Si duorum aut trium mensium, nec ista suffecisset; si duorum aut trium annorum; longa hæc quidem, sed impar huic tam diuturno certamini. Septennio in tantis non doloribus solum, sed verè tormentis,

Q duran-

a Orig. l. 2. in Iob circa medium.

durandum erat; ideo non patientiâ tantum sed & constantiâ opus erat, junctis virtutibus, quas uno nomine Longanimitatem vocamus.

Quoties nos, cum miseras nostras deploramus, prolixitatem mali accusantes: Iam sex, inquit, septemve annis non repugnanter hoc malum tuli; Iam duodecim, jam viginti, jam annis quadraginta has ærumnas toleravi. Longa patientia fateor, sed desideratur Constantia; Longanimitate opus est. Patientia non est ante finem finienda. Quousque igitur, dices, hæc patiar? Quamdiu tot afflictiones feram? Quamdiu Deo, divinæque providentiæ placuerit, dum in cruce canamus cum Christo: *Consummatum est.* Constantiam in patientiâ maximè spectat Deus, sine hac etiam ipsa cedit patientia.

Joseph Ægypti prorex decennio servus, triennio mancipium fuit & captivus. Tandem eò fortunarum & splendoris evasit, ut regi esset proximus. Hoc ei constans patientia, seu longanimitas contulit. Tobias senex cæcitatem quadriennio patientissimè tulit, nam cum annum age-

ret



ret quinquagesimum sextum luminibus oculorum privatus est. Anno sexagesimo non solum visum, sed & perditas facultates denum omnes, & ampliores recepit. Hoc ei longanimitas dedit. Formosa Rachel Jacobi conjux annis septem fuit infæcunda; Rebecca annis viginti; Sara annis quinquaginta hoc probri tulit. Longanimitas eis plurimum profuit. Hic mirum, inauditum quid attexo, quod duo testes fide dignissimi Heraclides & Palladius commemorant.

In monte Nitriæ vir notæ sanctimonix Benjaminus habitavit annorum octoginta senex, prodigiis clarus, nam ægros, cuicunque manum imposuisset aut oleum dedisset, ab omnigenis morbis persanavit. Eò tamen miseriarum in morbis ipsemet devenit, ut novus Job appellaretur. Palladius testis oculatus: Vidi ego ipse meis oculis, inquit, & allocutus sum Benjaminum. Nam Dioscorus Episcopus me atque Evagrium assumens socios: Venite, ait, & videte novum Job. Benjaminus enim, quæ vidimus, Hydrope prodigiosissimâ octo mēlibus laboras, tumore, quæ ipsi

spectavimus, tam horribili distentus est, ut minorem ejus digitum utrarumque manuum nostrarum digiti nequaquam potuerint complecti (historicorum verba sunt) Aspectus erat tam lacrimabilis & teter, ut oculos coacti simus aliò divertere. At ille immensam patientiam cum gratiarum actione exhibens: Hoc solum, aiebat, orate filii, ne meus internus homo sit hydropicus: mihi sano corpus non profuit, nec jam me lædet, ita domitum. Hæc ratione octo menses exegit, ita quidem, ut nec stare nec ambulare nec jacere, vix certè, & non nisi miserrimè posset sedere. Facta est ei sella latissima, quam totus impleverat. Nihilominus, in hoc ipso supremo morbo, ægrotos omnes quorumcunque morborum restituit sanitati. Mortuo limen ostii effractum est, ut efferri posset. &

Ne mireris, Lector, & ne fidem nega Hydropi tam inaudita, & ut videtur incredibili. Fidem adstruo.

Mon-

a *Heraclides in suo paradiso, apud Rosweid. mihi pag. 942. & Palladius episc. c. 13. mihi pag. 717. ad unguem ambo in narratione hac conveniunt.*

Monachii in valetudinario publico  
 immedicabilium morborum, femina  
 fuit Hydropica cui nomen Anna,  
 Rosenhemii nata, Octobri mense  
 mortua Anno Christiano millesimo  
 sexcentesimo decimo. Exsectus mor-  
 tuæ venter bilanci impositus triginta  
 sex Monacenses libras appendit,  
 duas & septuaginta mensuras aquæ  
 idem continuit. Clarissimi medici,  
 qui hæc ipse spectavit, chirographum  
 in rei testimonium retineo.

Sed miriora his morbis supplicia  
 pertulerunt Clemens Ancyranus &  
 Agathangelus generosissimi marty-  
 res. Hi per viginti octo annos exqui-  
 sitissimis tormentis tam Romæ quàm  
 Nicomediæ, fuerunt excarnificati.  
 Tortores citius defecerunt torquen-  
 do, quam illi tormenta perferendo.  
 Tyrannus nonus in excrucian-  
 dis illis succubuit. Hinc non malè arbi-  
 tratur sacer historicus, omnes ab iis  
 martyres superari, tam diuturnitate  
 carceris, quam ingeniosâ varietate  
 tormentorum & immanitate, nam  
 gladios, ignes, equuleos, bestias, sar-  
 tagines, rotas, culeos, omnes Diaboli  
 machinas vicerunt tolerando. Nec

ferè amplius quidquam excogitari potuit carnificinæ, quam illi non subierint, & hæc moriendi vicissitudo & necessitas annos viginti octo duravit. Denique anno Christiano trecentesimo tertio, Diocletiano & Maximiano Imperatoribus, supplicium obierunt supremum. Mi Deus, longa hæc fuit & constans patientia, & vero nomine Longanimitas. Porrò Patientiam maximè corroborat, & solidat hæc una cogitatio: Deus scit opportunum tempus, quo in crucem attollat, quo liberet ac deponat. Hæc temporis momenta pater cælestis in suâ posuit potestate; suum cuique hominum patiendi tempus ad punctulum commensus est: iste diu, diutius ille, hic minus affligitur, prout divinæ visum providentiæ. Non fert Deus sibi ordinem, tempus, modum affligendi ab ullo præscribi. Hæc omnia mala Deus, & omnes omnino hominum poenâs circino mensus ad minutissimas minutias descripsit. In hoc theatro suo divina providentia nec punctulo exerrat.

Lydwina Virgo Schiedamensis, anno decimo quarto in glacie lapsa costam



costam fregit. Leve poterat videri malorum initium. Accesserunt omnis generis morbi gravissimi, qui ipsis triginta tribus annis miseram puellam incredibiliter exercuerunt, sed cælo præpararunt. Tanto tempore Lydwina bis ægra, quia paupertate & morbis afflicta, demum Anno millesimo quadringentesimo trigesimo tertio, die decimâ quartâ Aprilis ad vitam transiit meliorem. Morbus sanè diuturnus & ingenti longanimitate vincendus, qui triginta tres annos opprimit. Verum paralyticus in Salomonis porticu decumbens, quem Christus nutu sanavit, annos triginta & octo, egestate summa & morbo conflictabatur, nec enim vel ullum habuit homunculum, à quo præ cæteris demitteretur in aquas: Grandi longanimitate hîc opus fuit. Sed contumacissimos ejuscemodi morbos, qui viginti, triginta, plures annos teneant, nos etiâ subinde oculis spectamus. Hîc nostra sese Longanimitas ad tolerandum concitet, assiduo divinæ providentiæ intuitu, cui vel ad horulæ punctû errare negatû est. Tempora & Momêta Pater posuit

in suâ potestate. *a* Ita castissima & fortissima Iuditha longanimitati persuadendæ perorans : Et qui estis vos, inquit, qui tentatis Dominum ? Non est iste sermo qui misericordiam provocet, sed potius qui iram excitet, & furorem accendat. Posuistis vos tempus miserationis Domini, & in arbitrium vestrum diem constituistis ei. Expectemus humiles consolationem ejus. *b*

Expectemus & nos. ô Christiani, expectemus magnâ longanimitate divinas consolationes. Non sufficit patientia, quantumvis longa, si desit Constantia. Non solum ergo patientes, sed & Constantes, hoc est, longanimes simus, siue Deus triennium, siue sexennium, siue decennium videatur moras trahere, seu viginti siue triginta, vel quadraginta, aut ipsos etiam quinquaginta annos expectet, expectemus & nos divinum auxilium, & sicut Domino placuerit, ita fiat. Hæc Iobi panoplia est adversus omnes hostes. Iam vicit, qui sic pugnaverit.

*a* Actor. c. I. v. 7.

*b* Iudith. c. 8. v. II. & seqq.

## CAPUT XVIII.

*Ultimus à Diabolo & validissimus aries ad-  
mouetur Iobo, Vxor; & generosissime su-  
stinetur, gloriosissime triumphatur.*

**P**olydamas ostentum roboris, si  
Cælio Rhodigino fides, viribus  
idem potuit, quod Iunius Valens  
Augusti centurio. Nam quadrigas  
pleno impetu currentes sistere vale-  
bat, unâ duntaxat manu in currûs  
tergum injectâ; Leonem inermis,  
quoties voluit, exarmare ac confi-  
cere valuit. Nonnunquam animi  
gratiâ armêto boum sese immiscens,  
& tauri ferocissimi pedem arripiens  
tamdiu tenuit, dum fremebunda be-  
stia ungulam in manu tenentis re-  
linqueret. Isto robustior Titormus  
Ætolus pecoris custos, quandoque  
stans medius armenti taurum o-  
mnium sævissimum comprehendit  
pede ac constantissimè retinuit,  
quantumcunque luctaretur ferox  
bellua. Nec satis hoc. Idem manu  
alterâ ferocientem bovem alium ap-  
prehendit cumque pari robore te-  
nuit, ut neuter, quicquid sævirent,  
tenētis manibus sese potuerit extor-  
quere. Hoc cernens Milo Crotoniata:

O Jupiter, exclamat, num alterum nobis Herculem dedisti? Hinc vetus dictum: Alter Hercules.

Vir patientissimus, Christi prototypon Iobus tantâ magnanimitate simul & longanimitate, omnes Diaboli insultus, flagra, cruciatus ita sustinuit, ut omnem adversarii vim devicerit patientiâ. Diabolus in eum duos immanes, furiosos, tauros emisit. Primus omnia fortunæ bona evertit; Iobus tamen animo non cecidit. Alter omnia corporis bona eripuit, morbos & dolores vix homini tolerandos immisit; Iobus tamen erectus stetit statque adhuc, & victor constantissimus inter innumeras ærumnas eminet. Ultimus restat aries, quem diabolus in supremum certaminis punctum servavit, quod Iobû illo indubiè concutiendum crederet. Ergo Iobi uxorem in ipsum Iobum instigat, hoc modo, ni fallor, ratiocinatus: In paradiso hæc mihi inventio cessit feliciter, cessit optime, eandem hic palmam quin speraverim? Etenim Adam multò sapientior Iobo, illum tamen per conjugem vici. Colligamus & aucupemur omnia; jacia-



jaciamus aleam. Res pænè certa est.  
 Victoriâ manu tenere mihi videor.  
 Iobum per uxorem ad impatientiam  
 saltem commovebo, nisi angelum  
 induerit, hominem propemodum  
 tormentis exutus. Age, lubricam ma-  
 ledicæ mulieris linguam in fermen-  
 tum conjiciamus, & laxemus quaquâ  
 volet, ruituram. Væ tibi Iob, ultima  
 venit phalarica, in tuum limata exi-  
 tium. Hæc certum sibi destinat in te  
 ictum. Vulneraberis; ita spero. Ani-  
 mum tuum tua uxor expugnabit.  
 Cave; jam volabit ferrum missile,  
 sanguinemque tuum hauriet.

Venit igitur uxor, & personam sibi  
 à diabolo impositam agit eximiè.  
 Sed invenit virum adversus maledi-  
 cas etiam linguas armatum. Iobus  
 cōstantissimè patiēs: *Si bona, inquit,  
 suscepimus de manu Dei, mala quare  
 non suscipiamus?* En aurum & gem-  
 mas loquitur vir iste. Sub uno hoc  
 responso septemplex latet documen-  
 tū, quod isto capite in lucē eruemus.

Annuente Deo Diabolus omnes fu-  
 rores suos, omnemque suam tyran-  
 nidē in unum Iobum effudit. Opes  
 ademit omnes, & eò egestatis redegit,  
 ut

ut Jobus vix testulam habuerit pro strigili, ad saniem abradendam. Liberos negavit omnes. Famulos, servos, ancillas fugavit omnes; nullus hominum Iobo ministrare sustinet, ne & ipse etiam contagiosis fœtoribus inficiatur. Corpus merum pus, & unum pænè ulcus est, tot fœdis & abominandis morbis ita deformatum & exhaustum, ut vix animam trahat, extremum busti cadaver. Ad hæc vir pauperrimus, adeò undique exclusus, adeò undeque ab omnibus abjectus est, ut nullus ædium angulus, nullum sub tecto uspiam spatium, quod vivum hoc finus recipiat. Publicum ergo fimetum occupat, quò feles aut canes mortui abjiciuntur. Fimetum ejus cubiculum est, idque ex gratiâ; ejus lectica, triclinium, mensa habitatio est. Et quod omnia hæc mala mirum quantum exacerbavit, jam septimus vertebatur annus, quò tantam ærumnarum molem pertulit. Sed necdum finis. In horas quidem singulas moritur, sed emori non potest. Mors in vitâ tam acerbâ longè faciliior fuisset.

Iobi uxor ante hac princeps femina,

na, potens Regina, nunc victu cogitur mendicatio vivere; apud servos suos fragmentum panis poscit, & ne moriatur fame, ancillam agit. Ita Basilii & Chrysostomus loquentem sistunt: Ad januas alienas ventito, nec stipem modò cogo, sed etiam oberro, ac novam inusitatamque servio servitutem, cibi quòtidiani causâ fores pulso ostiatim. *a* Hæc profectò tam calamitosa fuit paupertas, ut dixerit Iobus: Saltem nunc intelligite, quia Deus flagellis suis me cinxerit. Destruxit me undique, & pereco. Iratus est contra me furor ejus, & sic me habuit quasi hostem suum. *b* Hæ tam multiplices mariti miseriæ, ita Hussæam hinc principem graviter affecerunt ut tandem proruperit in has voces. *Adhuc tu permanes in simplicitate tuâ.* O non hominem, sed oviculam simplicissimam! An nò tandem animadvertis, quo animo, quo affectu in te sit Deus, quo consilio te tantopere affligat? Si istud demum tuus stupor non capiat, omnis profectò intelligentia & prudetia te de-

*a Salian. c. i. p. 177.*

*b Iob. c. 19.*



destituit. Ergo *Benedic Deo, & more-  
re.* Acerbissima sanè hoc ironia fuit,  
quâ Uxor non simplicitatem mariti  
laudavit, sed stupiditatem & stolidi-  
tatem objecit. Pro sermonis clausulâ  
illud ironizans adjecit: *Benedic Deo.*  
Eugemi vir, quando tè Deus ita hu-  
maniter, benignè ac suaviter tractat,  
benedic illi, & meritissimis eum lau-  
dibus extolle, ac summè prædica.  
Cavillum prorsus amarulentum!  
Tali Tobiam quoque dicacissima u-  
xor afficiens: Manifestè, inquebat,  
vana facta est spes tua, & eleemosy-  
næ tuæ modò apparuerunt. *a* Vides  
hominum simplicissime, quid tua ti-  
bi profit liberalitas? Fenus scilicet  
amplissimum inde metis, cæcitatem  
& inopiam. Sicut autem beato Iob  
insultabant reges; ita isti parentes &  
cognati ejus irridebant vitam ejus,  
dicentes: ubi est spes tua, pro quâ  
eleemosynas & sepulturas faciebas.  
*b* Sic Iobi conjux à diabolo instiga-  
ta, sarcasmo amarissimo maritum la-  
cerans: Vides, ait, quale tibi præmi-  
um Deus, pro tot tuis sacrificiis re-  
pendat? perge igitur illum. identidem  
lau-

*a Tob. c. 2. v. 22. b Ibid. v. 15.*



laudare, perge, perge illi, ut solitabas benedicere.

Similia secum servus à Domino malè habitus mussat: Servi Domino infideli, & fame peri; ale luporum catulos, serpentem mulce. Haud aliter indignabunda hæc femina & insultans conjugii: Benedic Deo, inquit, & morere. His vocibus fatis innuit & impellit, ut miseriarum finem à Deo petat, aut finem ipse faciat, quandoquidem omnia sint frustra, & nulla spes amplius valetudinis.

Hæc omnium pænè gravissima fuit tentatio. Hanc catapultam dæmon in ultimum pugnae discrimen studio servavit, sperans hac saltē balistâ Iobum ad impatientiam concitandum.

At Iobus piè, sapienter, placatèq; acriter tamen respondens: Quasi una, inquit, de stultis mulieribus locuta es. En prudentissimam in tantis doloribus moderationem. Nam reprehensionem, quæ paullulum fuit amarior, ita leniit, ut non stultam, non impiam vocarit, sed quasi unam de stultis mulieribus cōpellans: Hætenus nunquā ita locuta es, inquit; nec tale quid à me unquam audiisti.

Primum

Primum hodie garris, ut nostræ Idumææ solent, mulieres stultæ, quæ deos suos spernunt & maledictis afficiunt, quando res ad votum non succedunt. Moderatissima sanè objuratio, cui additum & istud: *Si bona suscepimus de manu Dei, mala quare non suscipiamus?* Sermo aureus & antistans gemmas. Utique omnes in cælo Angeli his auditis vocibus applaudebant, & larva stygis, si quam induit frontem, tota in ruborem abiit: ita mastigia luculenter pudelfactus, & calumniæ cælo terraquæ inspectante tam liquidè convictus est, ut si antea mendaciorum pater non audiisset, ex actione hac unica nomenclaturam ejusmodi promeruiisset: adeò perfidioso pseudoplastæ a os obstructum est, & fraudes illius pervidendæ ad solem septennio integro sunt prostitutæ.

Isaacus jam oculis caligantibus, benedictionem per appositas epulas rogatus. Vox quidem vox Jacob est, inquit, sed manus, manus sunt Esau. *b* Ita hîc licet dicere: Vox conjugis sed astus dæmonis. Feminæ sermo,

sed  
a Eugenschmid, b Gen. c. 27. v. 22.

sed Diaboli tentatio. At Iobus tam constanti patientiâ omnem tentationis vim elisit, ut & nobis adversus tentationes & calamitates omnes arma subministrarit paratu non difficili, his verbis: Si bona suscepimus de manu Dei, mala quare non suscipiamus. *a* Hæ voces in adversis omnibus mirificè nos robovent, nam ex iis documentum septemplex, ut insinuaturn est, eruimus hoc ordine.

Primum est; fundamentum Dialecticæ cœlestis, Syllogismus Iobi talis: Quidquid est de manu Dei, bonum est; Omne id quod patimur, de manu Dei est; ergo bonum est. Positioni primæ nemo reluctabitur. nā a summo bono nil potest esse mali: atqui omnes omnino pœnæ, quas in hoc orbe ferimus à summo bono, à Deo sunt; ergo bonæ sunt. Dominus abstulit, non diabolus; ignem deiecit de caelo Dominus; Dominus immisit vêtos, & ruente domo liberos Iobi occidit; Dominus hæc omnia fecit, sed Chaldæis & Sabæis, sed diabolo usus est ut instrumētis. Ipsa Iobi uxor hæc veritatis fundamenta satis intellexit,

R

ideò

*a Iob c. 2. v. 10.*

ideò maritum contra Deum concitans: En, inquit, sic te tractat Deus: benedic Deo, & morere. Nos jam luculentissimè videmus omnes Jobi calamitates & ærumnas à Deo divi-  
 nâque providentiâ immissas. Deus permisit, imo & voluit Deus Jobum hæc tanta pati. Memineris velim, mi Lector, verborum quæ in Heliotropio meo reperies; sunt ista: Deus, & divina voluntas est omnium malorum in Mundo effectiva positiva causa, excepto peccato, quod tantum permittit Deus, non vult. Ergo si malum omne à Deo est, etiam hæc Jobi mala à Deo erunt. Ita & hic Syllogismus sibi constat: Quicquid è manu Dei venit, bonum est: Sed hæc paupertas mea, hic morbus & dolor meus, hæc ignominia, hic luctus & omnis afflictio mea è Dei manu venit: ergo bonum est. Sic olim Christus in oliveto loquebatur: Calicem quem dedit mihi Pater, non vis ut bibam illum? Non Annas, non Caiphas, non Herodes, sed neque Pilatus hunc amarissimum Christo calicem miscuerunt, sed miscenti Dei, nequitiam.



tiam suam, suasque manus commo-  
darunt, tanquam Pharmacopæi fa-  
mulī. Hunc calicem Deus Pater ipse  
miscuit, Caiphas & Herodes propi-  
navit, Pontius Præses exhauriendum  
porrexit. Fundamentum adversus  
mala omnia inextinguibile.

Alterum ; Providentiam divinam  
tam nobis, quam uxori suæ Job digi-  
to monstrans: Si bona, inquit, susce-  
pimus de manu Dei, mala quare non  
suscipiamus ? hîc Jobus vulgi stylo  
loquitur, & *Bona* nominat lætos re-  
rum successus ; *Mala* res adversas &  
casus infestos vocat. Si ergo, inquit,  
res nobis prosperæ placuerunt, pla-  
ceant & adversæ. Siquidem tam istæ  
quam illæ, à Deo sunt. Quid uxor,  
quid hîc malè intergarris ? Nos qui  
sumus ? Num terræ vermiculi divinæ  
providentiæ dicemus modum quò  
nobiscum agat ? Nos servulos vilissi-  
mos accipere mandata & jussa capes-  
sere fas est, non dare. Hoc ipsa nos ra-  
tio docet. Deus imperat ; sed provi-  
dentissimè ac sapientissimè, Hæc O-  
mnia quæ patimur, Deus ab omni æ-  
ternitate ad exactissimam formam  
descripsit & direxit, singulas pœnas

cum singulorum viribus commensus est. Neminem vel mali atomus contingit absque divinæ providentiæ concessu. Serum nimis est velle hunc ordinem invertere. Sinamus Deum agere. <sup>a</sup> Sicut Domino placuit, ita factum est, ita fiat, ita futurum est.

Tertium; Humanæ vicissitudines hic expendendæ. Nemo mortalium est, cui semper Phœbus faveat, cui puri semper soles luceant, cui rideat æther innubis. Solus Deus semper beatus. Omnes homines his rerum vicibus ita subjecti sunt, ut modò valeant, bene sit illis; modò turbentur, lugeant, malè, pessimè sit illis. Nihil hoc novi, semper hoc fuit, semper erit. Hodie valemus, cras ægrescimus; jam ridemus, paullò post lacrimas effundimus; modò divites, modò pauperes sumus; jam vivimus & stamus, brevì cum mortuis jaceamus. Sub cælo nihil stabile. Si ergo, inquit, Iobus, bona suscepimus de manu Dei, mala quare non suscipiamus? Recordare obsecro, mea uxor, præteritorum temporum, dum nobis

famula-

<sup>a</sup> Wir wollen Gott walten und schalten lassen. *Feterum Germanorum scitum.*

## CAPUT VIII.

261

famulorum copia, dum multitudine  
 ancillarum ministrare, dum refectæ  
 auro gement cistæ, dum vino ple-  
 næ fluere cellæ, dum abundarent  
 nostra penuræ, dum tritico stipata  
 starent horrea, dum pecoris ingens  
 numerus in pascuis erraret, dum re-  
 rum omnium ubertas nos bearet,  
 si ve nobis fuit, nec molestas tem-  
 poris moras sentimus; optassemus a-  
 liquam felicitatis hujus æternitatē.

Cur jam adeò moras sentimus; cur  
 dies & horas accusamus? quid in Deo  
 culpæ, quòd sua sibi repetierit? Idèd  
 nunc tolesemus mala, quia diu satis  
 percepimus bona. Hæc nobis dicta  
 credamus, Christiani, & idē cū Iobo  
 in omnibus sentiamus & loquamur.

Quartum; Tam clementiam quàm  
 justitiam divinam amantissimè com-  
 plectamur, hunc ponentes calcu-  
 lum: bona percepimus sine nostris  
 promeritis; mera fuit gratia, mera Dei  
 liberalitas & clementia: Hoc nobis  
 gaudio fuit & solatio, cor nostrum  
 jucundum: Nunc verò cum Deus,  
 prout promeruimus, pro modo deli-  
 ctorum, suæ justitiæ convenien-  
 ter nos tractet, & noxas punit;

**D** L. nimo feramus? Si nihil non æquo id a fecisset Deus, nihil unquam gratiæ re vis & mancipiis hominis, quod à se libera, domini poscit æquitas, hæc vera, domini manu inflicta, essent patientissimè perferenda: quantò magis cum innu-mera præcellerint & amplissima beneficia, quæ ad omnem nos obligant patientiam? Cùm opifici mechanico in antecessum a pars mercedis, viginti, triginta, centum Philippi dantur, prout futurus est labor, obligatur certè opifex & compellitur ad laborem bene ac maturè conficiendum, jam enim arrabonum nummos accepit. *b* Ita nos reverà Dei beneficiis conducimur, ad hæc omnia vitæ mala patienter perferenda.

Quintum; Cornutus Jobi syllogismus: Hæc omnia vitæ mala vel à Deo sunt, vel à diabolo? Si à Deo sint, uti reverà sunt, satius omnino est, submissione, precibus, ac patientiâ Deum placeamus, quàm impatientiâ, diris imprecationibus & maledicentiâ ad iram graviolem provocemus. Si à diabolo sint, aut à diaboli

C  
bolicum  
Deum a  
injuriam  
causâ fi  
simum  
mala o  
as poen  
æquissi  
Numi  
tisfati  
à dia  
hæc c  
hoc v  
nobi  
tient  
adve  
nes  
moc  
sim  
dit  
atte  
Ro  
me  
ro  
m  
A  
pi  
f



boli ministris, hominibus malis, cur Deum accusamus, perinde si nobis injuriam fecerit, cum diabolus in causâ sit, ut dicis. Cum autem verissimum & indubitatissimum sit, hæc mala omnia provenire à Deo, qui suas poenas cometitur peccatis nostris, æquissimum prorsus est, ut offenso Numini pœnitentiâ & patientiâ satisficiamus. Quod si denuò dicas à diabolo improbisque hominibus hæc oriri, captus es iterum; sit enim hoc verum, uti esse non potest, tunc nobis invocandus esset Deus, & patientiâ in amicum conciliandus, ut adversus diabolum malosque homines subsidio veniret, & manum commodaret. Nostræ igitur menti altissimè infixum sit illud, Dominus dedit, Dominus abstulit.

Rarum est, quod explicandis dictis attexo. Orientis Imperator Diogenes Romanus, qui triennio solo & octimestri rempublicam gessit, quod Europalates narrat. Hic in Turcas arma movit, sed Turcarum Imperator Asan Sultanus Diogenem bello cepit, humaniter tamen habuit, & mensæ suæ admovit. Nato sermone

quæsiit : Dic verò, mi Diogènes, quâ  
me tractasses, si in tuâ me potestate  
habuisses. Hic Diogenes grandi ani-  
mo : Crebris, inquit, vulneribus te  
confecissem. Cui placidè Sultanus :  
At ego, ait, nihil hujusce immanita-  
tis in te adhibebo. Non nescio à  
Christo vestro pacem & injuriarum  
oblivionem præcipi : Eundem ajunt  
superbis resistere, modestis dare gra-  
tiam. Stabo tuis legibus : meo ferro  
non cades. Fecit quod promissit, fœ-  
dus iniit æternandum, eâque ratio-  
ne captivis omnibus missionem de-  
dit. Interim Constantinopoli alius  
creatur Imperator Michael Ducas  
VII. Constantini Ducæ filius. Hic  
Eudociam Augustam in cænobium  
compegit. Diogeni redeunti in oc-  
cursum, sed minimè honorificum,  
missus est Andronicum, qui Cæsa-  
rem diademate ante jam exutum, du-  
ceret captivum. Diogenes veste pul-  
lâ indutus, & mulo impositus lon-  
go itinere ductus est. Ei demum no-  
vus Imperator oculos jussit effodi.  
Cum autem oculorum cavum ne-  
gligentiùs curatum suppuraret, ca-  
put totum intumescere, verminare,  
foete-

foetere cæpit; ita productus est omnibus spectandus tanquam ostentum & prodigium: Inter hæc ludibria & dolores obiit. Breves hîc pœnas luens, ne lueret æternas. Enimverò in talibus & tot malis (ait Cuius palates) nihil unquam nefarii protulit, sed Deo gratias agere perseverans, casus tam acerbos æquo animo ferebat, quia in oculis auctorem pœnarum omnium, Deum habebat, cuius non Clementiâ solùm, sed & iustitiâ ex æquo adorandam cognoscebat.

Sextum; Societas cum Deo ineunda, quemadmodum Mercatores aliquot Sodalitatem inter se coeunt, & conferunt pecunias in negotiatione. Hæc tam lucri quàm damni est Societas: Fit lucrum? commune est; sua cuique pars cedit. Fit damnum? Pariter commune est, & proportionem servatâ tangit omnes. Quis autem accepto damno dixerit? Ego indemnis & sospes haberi volo: lucri socium me profiteor, non damni. Heus bone vir, hoc serò nimis & fatuè dicis: qui socius est lucri, sit & damni necesse est. Hæc tales mercaturæ societates aliter nō coalescunt. Ubi lucri, illic &

damni est communio. Audendum, & pecunia in casum danda, seu quæstus seu dispendium sequatur. *a* Pari conjunctione lucrosissima cum Deo Societas iniri potest, quæ lucri & damni æqualem habeat communicationem. Redit quæstus, & res feliciter eveniunt? sua Deo pars cedat, gloria; sua homini sit; fructus & rei utilitas. Quæstus impeditur, & adversæ sunt res? suam iterum partem Deus accipiens: Cum ipso, inquit, sum in tribulatione. *b* Suam & homo capiat, quam ei Paulus assignans; sicut socii passionum estis, inquit, sic eritis & consolationis. *c* Quandoque igitur pars damni ad te pervenit, illud Siracidæ lætâ mente cogita. In die bonorum ne immemor sis malorum, & in die malorum, ne immemor sis bonorum. *d* Ita cum Deo mercaturam parem, tibi autem fructuosissimam exercebis.

Usura mundi mitissima est, cum accipiuntur fenore centum, & unus redditur. Deus florenum unum accipit & centum reddit usurâ incredibili

*a* Aufß gwin vnd verlust *b* Ps. 90. v. 15.  
*1* Cor. c. 2. v. 7. *d* Eccl. c. 11. v. 27.



dibili & summâ, & tamen stultissimi homines recusant fenus argenti Deo credere. Hominum fatuitatem Petrus Chrysologus obstupescens pulcherrimè dixit: Usura mundi centum ad unum, Deus unum accipit ad centum, & tamen homines cum Deo nolunt habere contractum. Sunt forsan de cautione solliciti? Quare? Homo homini exiguæ chartulæ obligatione constringitur? Deus tot & tantis voluminibus cavet, & debitor non tenetur. a

Quapropter fidentissimè hanc mercandi societatem cum Deo ineamus; sed quæ non lucrum tantum sed & damnum habeat commune. Aliter hæc Societas non constat: damna præsentia futuris lucris abundantissimè pensabuntur.

Septimum; Beatissima Æternitas longanimitè expectanda, si enim bona suscepturi sumus de manu Dei, mala quare non suscipiamus: Paratissimus est Deus, & hoc unum agit, ut totam nobis immortalem, immensam, beatissimam, nunquam finiendam donet æternitatem, & nos  
annis

annis pauculis nolimus pati quæ optimus pater patientia nobis destinavit ab omni ævo? Merito hîc interrogem : Cùm bona suscepturi simus æterna ; cur mala non feramus momentanea ? Quid opificum tirores molestiarum ac verberum non perferunt, aliqui duobus, tribus alii aut quatuor, quidam sex annis, non nulli etiam octo ; idque solâ spe futuri ? quid miles incommodorum non tolerat spe prædæ ; spe segetis agricola ? quid institor non agit spe quæsticuli ; quid mercator non audet spe lucri ; quid famuli & ancillæ non perpetiuntur spe mercedulæ ?

Hos tamen quoties sua spes fallit ? Et nos cessatores somnolentos spes certa sincerissimæ voluptatis & æternæ non excitet ad agendum fortiter & patiendum ? Quod si è præsentibus capimus dolorem , profectò è præteritis , & multò magis è futuris capiamus consolationem. Fluant nunc lacrimæ ; sequetur risus & summum gaudium : Fames & sitis torqueant modò ; sequetur saturitas suavissima : Indigentia & paupertas urgeant , sequentur divitiæ non minuen-

nuendæ : Morbi & dolores lancinant, sequetur sanitas nunquam amittenda: Ægrimonix, luctus, nærores cor exedant; sequetur interminata voluptas : Ignominia & contumeliæ discrucient, sequetur gloria immensa. Mors demum sternat, & è vivis ejiciat; immortalitas sequetur. Toleremus nunc vinum acescens, turbidum, dilutum, & brevî in mensâ Christi dominicum, meracum, defæcatissimum bibemus : focii dolorum, focii & præmiorum.

## CAPUT XIX.

*Theatri divinx Providentiæ Pars Tertia.*

*Job Beatus & non elatus.*

**Q**uid exspectas, amice Lector, cum inscriptionem hanc legis? Jobum utique spectare Beatum : Ita libelli te Author in limine sperare iussit, bene habet : promissis stetit. I, licet, spectasti.

Quid ita, inquires? Hic encomiastes Jobi, Hieremias Drexelius de tabula manum levavit; hic tandem scriptitare vir bonus desinit Non sine admiranda Numinis providentia ;  
ne

ne forsitan mortalium aliqui, plus aliàs caducis rebus, quàm par est, dediti, iisdem, etiam hoc exemplo, amplius inhiarent. Nam quid scripturum aliud sperasses, si tertiam theatri sui partem adornasset, quàm quod sub finem historię Jobi scriptor Moyses attrexit? Nempe.

» Addidit Dominus omnia, quaecun-  
 » que fuerant Job duplicia, <sup>a</sup> Dominus au-  
 » tem benedixit novissimis Job magis,  
 » quàm principio ejus. Et facta sunt ei  
 » quatuordecim millia ovium: & sex mil-  
 » lia camelorum: & mille juga boum &  
 » mille Asinæ. Et fuerunt ei septem filii  
 » & tres filiæ. <sup>b</sup> Vivit autem Job post hæc  
 » centum quadraginta annis; & vidit fi-  
 » lios suos, filios filiorum suorum usque  
 » ad quartam generationem. <sup>c</sup>

Hanc daturus tibi erat Beatitudinem Dre-  
 xelius in tertia theatri parte, quam non ne-  
 mo Christianorum veram hominis felici-  
 tatem credidisset; ut olim illi apud Regium  
 » Psalten; Beatum dixerunt populum cui  
 » hæc sunt. Filii (scilicet) sicut novellæ  
 » plantationes in juventute sua. Filia  
 » compositæ, circumornatæ ut similitudo  
 » templi. Promptuaria plena, eructantia  
 » ex hoc in illud. Oves fœtosæ, abundan-  
 » tes in egressibus suis: boves crassæ, &c.  
 » <sup>d</sup> Verbo, ea omnia, quæ Job duplicia ac-  
 » cepit; hæc inquam, author theatri hujus  
 » repræsentare tibi parabat, nisi morte im-  
 » pedi-

a *Iob. 42. v. 10.*

b *Ibid. v. 12.*

c *Ibid. v. 16.*

d *Psf. 143. à v. 12. usque ad finem.*



peditus fuisset: rectius dixerim; nisi & ipse spectatum advocatus esset: sed Jobum verè Beatum.

Quam enim descripiurus erat beatitudinem, non est, falleris hæc beata, non est, etiam Davide arbitro: qui cum referret illa, quæ audisti verba: *Beatum dixerunt populum, cui hæc sunt.* Continuo suam super errore illorum sententiam adjecit. *Beatus populus, cujus Dominus Deus ejus.* Quam Regis mentem Bellarminus explicans, ait: Bona temporalia, bona quidem sunt, sed beatum non faciunt: quod autem verè beatum facit, possessio summi boni est, quod in visione Dei consistit. *a* Hæc Jobum, hæc beatum fecit, & jam mille sexcentis amplius annis in cælesti orchestra spectandum præbuit: ad quod spectaculum, uti confidimus, ipse etiam P. Hieremias libelli author invitatus atque admissus est, Nosque omnes qui theatri ejus tertiam desideramus partem, illic avidè expectat. Interim nemo habet, quod illum in terris promissi postulet: cum etiam in Calamitoso Jobo Beatum exhibuerit: tantoque beatior, quanto mortalibus omnibus miserior. Ita Veritas sentire nos docuit; quæ pauperes & lugentes, quæ persecutionibus & incommodis omnigenis obnoxios beatos promuntiavit. Rectius ergo Drexelius, quod promiserat, non præstitisset, etiamsi Jobum in integrum restitutum ostendisset: neque in regni solio locatum, quam in simeto relictum orbi universo Beatior demonstrasset. Iudicium hoc aureus tulit Orator, cum scripsit. *Firmus Jobi,*


## 272 DE IOBO. CAPUT XIX.


Iobi, omni tribunali Regio venerabilior, ea  
 throni Regii aspectu nullum spectantibus lu-  
 crum erit, sed temporalis duntaxat delecta-  
 tio, nullam habens utilitatem. Ex fimo au-  
 tem Iob viso omnem quis capit utilitatem &  
 disciplinam multam, & exhortationem ad  
 Patientia rationem. Nam multi longam &  
 transmarinam navigationem à terra finibus  
 abeunt in Arabiam, ut finem illum cernant:  
 & conspicati, terram deosculentur, quos illius  
 victoris certamina & cruorem omni auro pre-  
 tiosiores suscepit. Neque tantum radiaret  
 pretexta, quantum illud corpus tunc resplen-  
 debat, non alieno sed proprio lotum sanguine.  
 Ulcera illa gemmis cariora, &c. Et brevis  
 intervallo: Neque tam splendidus in solio  
 Rex sedens, quam insignis erat ille, & illu-  
 stris in fimo. a &c. Hæc Chrysostomus.  
 Ego, quod dixi, repeto; si Iobum, Lector  
 optime, vidisti Calamitosum: I, licet, Bea-  
 tum unà etiam spectasti. Vale.

a Chrysost. hom: 5. ad pop. initio.

F. I N I S.









8-1

